

家庭醫藥識

己亥年題





中華民國廿二年五月初版

家庭醫藥常識

全一册

▲定價一元

外埠酌加
郵費匯費

編輯者 朱振聲

印刷者 大眾書局

出版者 大眾書局

發行者 大眾書局

總發行所 上海四馬路 大眾書局

代售處 各省各大書局

此書有著作權

翻印必究

人
備
醫藥顧問

洋裝四册
二元五角

實售大洋一元五角
函購寄費一角六分

國醫
叢書
家庭醫藥常識

洋裝一册
定價一元

實售大洋七角
函購寄費一角三分

國醫
叢書
肺病指南

洋裝一册
定價五角

實售大洋三角五分
函購寄費一角一分

國醫
叢書
痛症大全

洋裝一册
定價五角

實售大洋三角五分
函購寄費一角一分

國醫
叢書
肝病

洋裝一册
定價五角

實售大洋三角五分
函購寄費一角一分

總發行所

上海四馬路

大衆書局

序一

武進孟河丁氏甘仁師。以提倡中國醫學。感發國人。在近代中醫史上。一時無兩。吾友朱君振聲。嘗受業於丁師。卒業後。更加以研究。務求其實。君爲丹溪後裔。能傳其家學。亦可謂賢矣。餘杭章太炎先生。嘗贈有句云。『古今我愛朱丹溪。鄉里人稱秦越人。』蓋紀實也。竊謂吾國醫藥。精義微言。至足貴重。所惜千端萬緒。未有統系研究。以提挈綱領。徒使學者歎爲淵海。望而卻步。淺嘗之徒。復憚於用力。國有醫學。不能昌明。而轉以私見壟斷。是誰之咎乎。今君誓發大願。奮然有志於編著。本

孫總理行易知難學說。成家庭醫藥常識一書。將微言精義。盡量宣傳。俾家人婦子。共明醫學。不知醫者。具有切實常識。誠家庭之一好顧問也。余不敏。年來私淑餘杭。欲樹醫學改進之幟。喜君撰此書。獨有合於衛生原則。自治精神。於人民康健問題。大有裨益。故樂而爲之序云。

中華民國十八年十一月

沈健可序於餘杭

序 二

識者知也。常識者，人人所當知也。人人所當知而不能知，則必有先知者示之以知。教之以知而後可以盡知。否則人人所當知者，人人一無所知矣。然則示人以先知，教人以己知，可無其人乎？凡事皆然。而於醫藥爲尤最。振聲醫士，昔學於丁君甘仁之門，予於斯時適主其課事。受學者不下數十人，皆一時之俊。而振聲最爲勤敏，課餘之暇，及休假之日，必孜孜鈔錄，不出戶庭。予早決其學之必成，業之必精，不肯居人下也。今果懸壺問世矣。且著書示人矣。誰謂予言之謬哉？夫醫之爲道，至深至難。初學者略知一二，藉以取利，每足以爲害。精求者窮其究竟，出以救人，尤所在有益。此固由於術之深淺，而亦係於人之仁不仁也。振聲憫世之不知醫者，往往爲藥所誤，本其學術之精，爲救人之舉，編成家庭醫藥常識一書，搜羅富有，指示彌詳，各證立爲方說，朗若列眉。以其先知者，示人以已知者，教人盡知，俾世之不知者，人人可知，而後可不失於醫，不誤於藥。舉一世而登之壽域，是誠渡人之寶筏，壽人之金丹也。其願爲何如哉？其功爲何如哉？予聞之，喜而不寐，爰書以爲之序。

歲次己巳孟冬

武進劉宏撰

擇醫法

【朱振聲】

挽沉痾於旦夕。起死人而肉白骨者。藥石之力也。然藥石配合之適宜。全賴醫生學識之優劣。蓋人體有強弱。病情有緩急。時令有不同。攻補溫涼。隨症施治。出死入生。咸在于此。故醫生之優劣。實與病人有莫大之關係。此擇醫法之不可不究也。然每見富貴之家。醫未嘗不擇。藥未嘗不服。中西名醫。往來如織。而病仍不起者。非醫之不良。藥之不靈。乃病家無專一心。而醫生無責任心也。况人多則意雜。愈之不見功。死之不見咎。于是溫涼雜進。攻補並施。不死于病。亦死于藥。故病家之擇醫也。必具鑒別之眼光。存信仰之心理。不問年齡老幼。但求醫學之精深。不計懸壺久暫。務須用藥之適宜。中西不並請。藥石不亂投。庶能收良好之效果。而不爲庸醫所誤也。

煎藥法

【朱振聲】

擇醫之要。既如上述。而煎藥之法。亦不可廢。蓋煎藥不得其法。則雖有良醫良藥。亦無濟于事。猶烹飪之法。失其調度。味既不美。且能傷人。况藥專治病。其可忽乎。雖然。煎藥之法。不可勝數。而約其大要。不外三端。凡發散之藥。及芳香之品。不宜多煎。取其生而疏盪。補益之劑。礦石之質。煎時宜久。取其熟而停蓄。草木之花。丸散之物。宜用包煎。取其清而不膩。否則。藥雖中病。亦難奏效。良以草木之劑。不耐久煎。久則氣散力薄。失其效用。礦石之質。非久不可。暫則藥力未出。效等于零。他如花葉之品。不包則致噲。丸散之類。不包則滋膩。非特無益。反致有害。是則煎藥法之不可不講也明矣。

服藥法

[朱 振 聲]

藥既中病。煎亦得法。宜乎病當愈矣。然而服之不得其法。亦難圖效。蓋病情有不同。服法亦因之而互異。如宜飢宜飽。宜熱宜溫。各隨所用之藥而變通之。如通利之劑。欲其化積滯而下達也。宜于空腹。如宣肺之藥。欲其開上焦而通竅也。宜于飯後。發散之劑。欲其祛風寒而外解也。必使熱服。他如吐血宜乎涼服。補益宜乎膏滋。久服宜乎丸散。種種服法。均有至理。奈今之病家。咸置之不顧。亦無怪其病之難愈也。

診 脈 法

【朱 振 聲】

脈有浮沉遲數虛實大緩之分。以手按之即得。如木浮水上者。爲浮脈。主外感。重手按至筋骨乃得。如綿之裏砂。如石之投水者。爲沉脈。主內傷。至於遲脈與數脈。均以脈搏次數之多寡爲標準。如每分鐘之脈搏。當有七十二至。今按之祇得六十幾至者。卽爲遲脈。屬寒。若脈搏之次數。竟超過七十二至。或將達八十至者。謂之數脈。屬熱。苟按之無力者。爲虛脈。屬正氣衰弱。榮血虧耗之徵。按之有力者。爲實脈。乃元氣充實。血熱旺盛之象。大爲邪盛之脈。緩爲無病之脈。此八者。爲脈學之大綱。而亦爲讀者所不可不知者也。

辨 苔 法

【朱 振 聲】

凡寒熱虛實表裏之機。必現於舌。非若脈法之隱而不顯。故視苔較切脈爲要。今先舉其大略而言之。

邪在表者苔見薄膩。在半表半裏者。苔見白滑。熱已入於裏者。見紅苔而乾燥。腑實當下者。必糙黃而厚。見黑而焦裂硬刺者。爲火極似炭之熱苔。黑而有水軟潤而滑者。爲水來剋火之寒苔。藍色爲白色之變。屬寒。紫色爲紅色之變。屬熱。他如舌腫。舌脹。重舌。木舌。舌生芒刺。舌起泡。皆熱症也。舌硬。舌強。舌短縮。舌捲。皆危病也。又苔白如積粉者。爲瘟疫之症。淡白而透明者。乃虛弱之象。舌光無苔而潤者。多陽衰。舌光無苔而乾者。多陰傷。舌頻出口。及痿軟而不能動者。皆死候也。

調 養 法

【朱 振 聲】

調養之法，貴乎適當。每有病後初愈。調養失宜。以致復發者。比比然也。古之所謂勞復食復者。皆由于此。故調養之法。不可不注意也。起居之適宜。空氣之新鮮。飲食之清潔。皆爲調養法中之最重要者。滋膩之品。生冷之物。以及一切不易消化之食物。宜均禁忌。良以病後脾胃薄弱。消化乏力。偶一不慎。最易停食。因之而病又復發。更有大病之後。餘邪未楚。而病家不察。以爲病久體虛。驟進補品。每致胸悶納少。邪反內伏而不解。可不慎乎。

家庭醫藥常識

目 錄

序文一	沈健可
序文二	劉仲博
擇醫法	朱振聲
煎藥法	朱振聲
服藥法	朱振聲
診脉法	朱振聲
辨苔法	朱振聲

調養法

第一章

溫病門

朱振聲
頁數

(一) 春溫治療法.....一

(二) 暑溫治療法.....一

(三) 溫毒治療法.....二

(四) 濕溫治療法.....二

(五) 溫瘧治療法.....三

(六) 冬溫治療法.....四

(七) 溫病要方淺解.....四

第二章

霍亂門

(一) 陰霍亂治療法.....八

(二) 陽霍亂治療法.....九

(三) 乾霍亂治療法.....一〇

(四) 霍亂要方淺解.....一〇

第三章

瀉痢門

(一) 寒瀉治療法.....一三

(二) 熱瀉治療法……………一四

(三) 虛寒痢治療法……………一四

(四) 赤白痢治療法……………一五

(五) 休息痢治療法……………一五

(六) 禁口痢治療法……………一六

(七) 瀉痢要方淺解……………一七

第四章

痰瘧門

(一) 瘧瘧治療法……………一九

(二) 寒瘧治療法……………二〇

(三) 間日瘧治療法……………二〇

(四) 瘧母治療法……………二一

(五) 痰瘧要方淺解……………二二

第五章

咳嗽門

(一) 風寒咳嗽治療法……………二四

(二) 痰熱咳嗽治療法……………二四

(三) 虛勞咳嗽治療法……………二五

(四) 痰飲咳嗽治療法

二六

(五) 咳嗽要方淺解

二七

第六章

傷寒門

(一) 太陽病治療法

三〇

(二) 陽明病治療法

三一

(三) 少陽病治療法

三一

(四) 太陰病治療法

三一

(五) 少陰病治療法

三三

(六) 厥陰病治療法

三四

(七) 傷寒要方淺解

三五

第七章

中風門

(一) 中經絡治療法

四〇

(二) 中血脉治療法

四一

(三) 中臟腑治療法

四一

(四) 類中風治療法

四二

(五) 中風要方淺解

四三

第八章

驚風門

(一) 急驚風治療法.....四五

(二) 慢驚風治療法.....四六

(三) 類驚風治療法.....四七

(四) 驚風要方淺解.....四八

第九章

痿痺門

(一) 三痺治療法.....五〇

(二) 五痺治療法.....五〇

(三) 腸痺胞痺治療法.....五一

(四) 肺痿治療法.....五一

(五) 足痿治療法.....五一

(六) 痿痺要方淺解.....五三

第十章

嘔吐門

(一) 熱嘔吐治療法.....五七

(二) 寒嘔吐治療法.....五八

(三) 乾嘔治療法.....五八

(四) 吐衄治療法.....五九

(五) 嘔吐要方淺解.....六〇

第十一章 臌脹門

(一) 水臌治療法.....六一

(二) 氣臌治療法.....六一

(三) 實脹治療法.....六三

(四) 虛脹治療法.....六四

(五) 臌脹要方淺解.....六四

第十二章 暑病門

(一) 中暑治療法.....六八

(二) 伏暑治療法.....六九

(三) 暑厥治療法.....七〇

(四) 暑瀉治療法.....七一

(五) 暑病要方淺解.....七一

第十三章 腳氣門

(一) 濕腳氣治療法.....七三

(一)	乾脚氣治療法	七四
(三)	脚氣傷寒治療法	七五
(四)	脚氣要方淺解	七五

第十四章

痘病門

(一)	陽黃痘治療法	七七
(二)	陰黃痘治療法	七八
(三)	女勞痘治療法	七九
(四)	痘病要方淺解	八〇

第十五章

吐衄門

(一)	臟血治療法	八二
(二)	腑血治療法	八三
(三)	衄血治療法	八四
(四)	吐衄要方淺解	八六

第十六章

哮喘門

(一)	熱哮治療法	八八
(二)	冷哮治療法	八九

(三) 實喘治療法.....八九

(四) 虛喘治療法.....九〇

(五) 哮喘要方淺解.....九一

第十七章 三消門

(一) 上消治療法.....九二

(二) 中消治療法.....九三

(三) 下消治療法.....九四

(四) 三消要方淺解.....九五

第十八章 虛勞門

(一) 陽虛治療法.....九六

(二) 陰虛治療法.....九七

(三) 五勞治療法.....九八

(四) 虛勞要方淺解.....九九

第十九章 五淋門

(一) 石淋治療法.....一〇一

(二) 勞淋治療法.....一〇二

(三) 血淋治療法……………一〇三

(四) 氣淋治療法……………一〇三

(五) 膏淋治療法……………一〇四

(六) 五淋要方淺解……………一〇四

第二十章 白濁門

(一) 白濁治療法……………一〇七

(二) 赤濁治療法……………一〇八

(三) 濕熱濁治療法……………一〇八

(四) 白濁要方淺解……………一〇九

第二十一章 瘰癧門

(一) 柔瘰治療法……………一一〇

(二) 剛瘰治療法……………一一一

(三) 寒瘰治療法……………一一二

(四) 熱瘰治療法……………一一三

(五) 瘰癧要方淺解……………一一四

第二十二章 癲狂門

(一) 狂症治療法.....一一六

(二) 癲症治療法.....一一七

(三) 癩症治療法.....一一八

(四) 癩狂要方淺解.....一一八

第二十三章 遺泄門

(一) 夢遺治療法.....一一一

(二) 滑精治療法.....一一一

(三) 鬼交治療法.....一一二

(四) 遺泄要方淺解.....一一三

第二十四章 痰飲門

(一) 濕痰治療法.....一一五

(二) 燥痰治療法.....一一六

(三) 風痰治療法.....一一六

(四) 熱痰治療法.....一一七

(五) 寒痰治療法.....一一七

(六) 痰飲治療法.....一一八

(七)	懸飲治療法	一二八
(八)	溢飲治療法	一二九
(九)	支飲治療法	一二九
(十)	伏飲治療法	一三〇
(十一)	痰飲要方淺解	一三〇

第二十五章 癰閉門

(一)	實癰治療法	一三三
(二)	虛癰治療法	一三四
(三)	實閉治療法	一三五
(四)	虛閉治療法	一三六
(五)	癰閉要方淺解	一三七

第二十六章 便血門

(一)	遠血治療法	一三九
(二)	近血治療法	一四〇
(三)	淋血治療法	一四一
(四)	尿血治療法	一四一

(五) 便血要方淺解.....一四二

第二十七章 汗病門

(一) 自汗治療法.....一四四

(二) 盜汗治療法.....一四五

(三) 實汗治療法.....一四五

(四) 黃汗治療法.....一四六

(五) 臟腑汗治療法.....一四六

(六) 汗病要方淺解.....一四七

第二十八章 疝氣門

(一) 衝疝治療法.....一四九

(二) 狐疝治療法.....一四九

(三) 癰疝治療法.....一四九

(四) 厥疝治療法.....一五〇

(五) 癧疝治療法.....一五〇

(六) 瘰疝治療法.....一五一

(七) 癰疝治療法.....一五一

(八) 疝氣要方淺解……………一五二

第二十九章 噎膈門

(一) 寒膈治療法……………一五五

(二) 熱膈治療法……………一五五

(三) 氣膈治療法……………一五六

(四) 痰膈治療法……………一五六

(五) 食膈治療法……………一五七

(六) 虛膈治療法……………一五七

(七) 噎膈要方淺解……………一五七

第三十章 咽喉門

(一) 喉風治療法……………一五九

(二) 喉痧治療法……………一六〇

(三) 乳蛾治療法……………一六一

(四) 喉疔治療法……………一六二

(五) 咽喉要方淺解……………一六三

第三十一章 五積門

(一) 肝積治療法.....一六七

(二) 心積治療法.....一六七

(三) 脾積治療法.....一六八

(四) 肺積治療法.....一六八

(五) 腎積治療法.....一六九

(六) 五積要方淺解.....一六九

第二十二章 癥瘕門

(一) 癥病治療法.....一七一

(二) 瘕病治療法.....一七二

(三) 癥瘕要方淺解.....一七三

第二十三章 耳疾門

(一) 耳聾治療法.....一七五

(二) 耳鳴治療法.....一七六

(三) 耳漏治療法.....一七七

(四) 耳疾要方淺解.....一七八

第二十四章 目疾門

(一) 目赤治療法……………一八〇

(二) 目痛治療法……………一八一

(三) 目障治療法……………一八二

(四) 目疾要方淺解……………一八三

第二十五章 口疾門

(一) 口瘡治療法……………一八五

(二) 口臭治療法……………一八六

(三) 口甘治療法……………一八七

(四) 口苦治療法……………一八七

第二十六章 舌疾門

(一) 舌異治療法……………一八八

(二) 舌瘡治療法……………一八九

(三) 舌血治療法……………一九〇

(四) 舌強治療法……………一九〇

(五) 口舌要方淺解……………一九一

第二十七章 牙齒門

(一) 牙痛治療法.....一九五

(二) 牙疳治療法.....一九六

(三) 牙衄治療法.....一九六

(四) 牙癰治療法.....一九七

(五) 牙齒要方淺解.....一九八

第二十八章 痔漏門

(一) 痔瘡治療法.....二〇〇

(二) 漏瘡治療法.....二〇二

(三) 痔漏要方淺解.....二〇三

第二十九章 寤寐門

(一) 不寐虛證治療法.....二〇五

(二) 不寐實證治療法.....二〇六

(三) 嗜臥虛證治療法.....二〇七

(四) 嗜臥實證治療法.....二〇七

(五) 寤寐要方淺解.....二〇八

第四十章 痧疹門

(一) 正痧治療法……………一一一

(二) 風痧治療法……………一一二

(三) 痢痧治療法……………一一二

(四) 喉痧治療法……………一一三

(五) 痧疹要方淺解……………一一四

第四十一章 疔積門

(一) 脾疔治療法……………一一六

(二) 肝疔治療法……………一一六

(三) 心疔治療法……………一一七

(四) 肺疔治療法……………一一八

(五) 腎疔治療法……………一一八

(六) 疔積要方淺解……………一一九

第四十二章 癰疽門

(一) 癰症未潰治療法……………一二三

(二) 癰症已潰治療法……………一二三

(三) 疽症未潰治療法……………一二四

(四) 疽症已潰治療法

一一二五

(五) 癰疽要方淺解

一一二五

要方補遺

一一三〇

家庭醫藥常識

中醫朱振聲編

第一章 溫病門

(一) 春溫

原因 風木萌動。時令溫暖。腠理開泄。或感時邪。或由伏氣。責在太陰肺。

診斷 脈浮而虛。舌苔初起薄膩。繼轉黃色。甚則轉絳而黑。微寒身熱。頭痛咳嗽。煩躁胸

腕痞悶。自汗鼻衄。

傳變 溫爲陽邪。兼在春升之令。尤易化熱。變現舌絳枯燥。譫語煩渴等症。逆傳心包致

神昏。傳至陽明成胃實。

用藥 主辛涼清解。葱豉湯。梔豉湯。銀翹散。桑菊飲。象貝前胡。蟬衣。竹茹之屬。傳心包用

犀羚紫雪。轉陽明用白虎承氣。

調理 溫病善變。以清養胃陰爲第一義。五汁飲。及元參生地。麥冬。北沙參。山藥。石斛。花

粉。生穀芽。淡竹茹。蘆根。川象貝等味。

(二) 暑溫

病因 夏爲火令。赤日當空。奔走道途。熱傷元氣。津液消燦。水不勝火。責在陽明胃。少陰

心。

診斷 頭痛壯熱。煩渴喘促。或昏悶。或汗泄。肌肉如火。脈洪數或虛。舌光絳而乾。

傳變 熱毒入內。元氣不支。客邪熾盛。瘀鬱不宣。陽氣暴隔。經絡不通。奄然悶絕。或誤下

則惡寒甚。溫鍼則發熱甚。數下之則淋甚。

用藥 十味香薷飲。白虎湯。生脈散。六一散。清暑益氣湯。

調理 暑傷元氣。熱耗陰津。宜益氣生陰。不得用香燥泄氣之品。世所謂陰暑之調理治

法。不在此例。

(三) 溫毒

原因 病溫更遇穢濁。觸之成病。入於臚中。漸干心包。病發沿門。闔境相似者。

診斷 面赤斑如錦紋。咽痛自汗。口糜而渴。神躁暮昏。舌黃或赤。脈洪數。

傳變 邪走臚中。音啞神昏。妄言譫語。甚至病一二日昏憤。正氣不支而死者。其勢最急。

或發爲頤毒咽腫。

用藥 宜芳香辟穢解毒主治。用至寶丹。牛黃清心丸。消斑青黛飲之類。

調理 以芳香辟穢開竅爲其先鋒。用泄熱清榮法以繼其後。調理宜養胃陰。自製養液

湯主之。寒邪疫毒。不得同論。

(四) 濕溫

原因 暑雨蒸薰。化生濕熱。人在氣交。感而爲病。責在足太陰陽明。

診斷 脈難憑。舌苔厚膩。或黃或白。身痛頭重。面垢自汗。兩脛逆冷。胸滿口乾。不能飲。小便不利。大便反快。

傳變 濕溫二氣膠結不解。蒸達肌膚。發爲白痞。以勻透爲佳。瀰漫三焦。則神明蒙閉。每

至神糊妄言。或成瘵厥。

用藥 濕重用藥偏燥。溫重用藥偏清。四苓散。蒼朮白虎湯。平胃散。三仁湯之類。

調理 濕重者將愈宜運脾陽。熱重愈後宜養胃陰。瘦者防其過燥傷陰。肥者防其清涼

助濕。此爲濕溫調理之大法。

(五) 溫瘧

原因 先傷於風。邪鬱於裏。中經春夏暑熱。髓肌銷鑠。腠理發泄。陰氣先竭。陽氣獨發。

診斷 先熱後寒。或但熱不寒。病以時作。少氣頭痛煩窵。手足熱而欲嘔。脈弦數。舌薄黃。

甚則絳。

傳變 陰孤陽亢。水不濟火。少陽之氣獨旺。挾厥陰風木爲患。亦有變瘵厥神昏者。

用藥 大小柴胡湯。白虎加桂枝湯。青蒿鱉甲湯。地骨皮湯。

調理 溫瘧患後。陰氣必傷。宜養陰和營。令與衛氣和平。用生地當歸白芍首烏雲苓山

藥輩。

(六)冬溫

原因 冬時溫暖感而即發。陽不潛藏。亦屬非時之氣。

診斷 身熱頭痛。不惡寒。或微惡寒。即發熱咳嗽煩渴。或咽痛下利。脈舌略同春溫。

傳變 表熱不解。傳入於裏。唇燥舌乾。渴飲挾濕則嘔沫。大便迫瀉稀水。

用藥 忌風藥升舉。宜葱豉湯。陽旦湯。葳蕤湯。一方宜清溫。一方宜顧陽氣。兼見嘔瀉等

症。隨症治之。

調理 冬主閉藏。溫煖則陽氣外泄。陰津受傷。調理之方。不外養陰清胃。與春溫後略同。

(七)溫病要方淺解

梔子。豉湯。梔子。香豉。

痰涎滯氣凝結上焦。當宜服此。經所謂輕能去實也。

葱。豉。湯。葱。白。香。豉。

梔子泄熱。葱白通陽。春溫初起。及體虛產後感冒咸宜。

銀。翹。散。銀。花。連。翹。甘。桔。豆。豉。荆。芥。薄。荷。竹。葉。蘆。根。牛。蒡。

溫病忌汗。汗則傷津。邪勢更熾。此方辛涼輕解。開風溫解表之法門。

桑。菊。飲。桑。菊。杏。仁。連。翹。薄。荷。甘。草。蘆。根。茅。根。桔。梗。

紫雪丹。風溫由銷燬肺液所致。此方芳香甘淡。能清金水二臟。
黃金。寒水石。磁石。石膏。滑石。犀羚。沉香。木香。丁香。升麻。元參。甘草。芒硝。砂仁。麝

香。

葶通徹表裏上下之藥。而解穿經入絡之邪熱。

大承氣湯。厚朴。枳實。大黃。芒硝。……小承氣湯。去芒硝。……調胃承氣湯。去厚朴。枳實。

加甘草。

大承氣施於陽明胃實。痞滿燥實者。乃斬關奪門。急下存陰之法。小承氣無腹脹堅滿。故去芒硝。調胃承氣病不在上焦氣分。故去朴枳。

香薷飲。香薷。厚朴。扁豆。……加黃連。名四物香薷飲。……加茯苓。甘草。人參。黃芪。白朮。

橘皮。木瓜。名十味香薷飲。

避暑而感受寒溼之邪。無汗寒熱。胸悶口渴者。宜此宣陽行滯。若熱渴者。宜四味以清暑。氣怯汗多泄瀉者。宜十味以和中。

白虎湯。石膏。知母。甘草。粳米。……加人參。名人參白虎湯。……加蒼朮。名蒼朮白虎湯。

……加桂枝。名桂枝白虎湯。

大清肺胃之熱。須審汗出而渴。脉大有力者。方可與之。汗多津液受傷者。加人參以救之。溼加蒼朮以燥之。外邪未解者。加桂枝以散之。（此云外邪。指風寒外感。）

生脉散 人參 麥冬 五味子

肺主氣。合補肺潤肺斂肺之品。暑月氣虛汗怯者宜之。

六一散 滑石 甘草

熱散則三焦寧而表裏和。溼去則闌門通而陰陽利。用之暑症發熱。不啻表藥。

清暑益氣湯 人參 甘草 黃芪 當歸 麥冬 五味子 神麩 青皮 陳皮 蒼朮 白朮 黃柏 葛根 升

麻 澤瀉 姜 棗

益氣升清以散邪。和陰化溼而退熱。用之勞力氣虛。外感暑風。內蘊溼熱。神疲納減

者。輒效。

至寶丹 犀珀 玳瑁 麝 雄黃 牛黃 龍腦 安息香 金銀箔

熱入心胞。舌絳神昏者。用之能開展神明。乃從裏透表。芳香開竅之方。

牛黃清心丸 牛黃 硃砂 黃連 黃芩 山梔 鬱金

痰熱蒙閉包絡。以致神昏。惟此方最合法。

消斑青黛飲 青黛 知梔 膏連 犀地 玄參 人參 柴胡 姜 棗

消毒化斑。頗為有力。實火熾甚者。參地姜等。當酌減。

四苓散 白朮 澤瀉 雲苓 豬苓

用於溼壅洩閉者。功能健脾化溼。三焦通暢。溼熱自祛。

平胃散。蒼朮。厚朴。陳皮。甘草。

功擅燥溼。惟溼溫熱重者忌用。

三仁湯。杏仁。薏仁。滑石。竹葉。半夏。通草。厚朴。

溼溫之症。氤氳粘膩。此方輕開上焦肺氣。氣化則溼亦化。熱自清矣。

小柴胡湯。柴胡。半夏。黃芩。人參。甘草。生姜。大棗。……大柴胡湯。去人參。甘草。加芍藥。枳

實。大棗。

瘧發少陽。治有特效。他經用之。究嫌隔膜。其致變端。正氣不虛。參宜慎用。加減法詳

傷寒論。若邪在少陽。表症未除。裏症甚急者。宜大柴胡湯。乃表裏雙解之劑。

青蒿鱉甲湯。青蒿。知母。桑葉。鱉甲。丹皮。花粉。

瘧之偏于熱重。舌絳脉弦細數者。用之。有養陰清熱。宣邪退瘧之功。

地骨皮湯。地骨皮。知母。鱉甲。常山。石膏。

治溫瘧氣陰受傷。壯熱憎寒不能食。此方截瘧之中。兼備清氣養陰之妙。

陽旦湯。桂枝。芍藥。黃芩。甘草。生姜。大棗。

黃芩合桂枝。則辛而不熱。用治冬溫。殊為合法。

葳蕤湯。葳蕤。石膏。葛根。羌活。白薇。杏仁。川芎。麻黃。木香。

解表清裏。立方仿大青龍意。渴者去麻黃木香。若無惡寒。羌活川芎。並宜慎用。此為

前人治溫最古之方。

五汁飲 葶薺汁 蘆根汁 蔗漿 (或藕汁) 梨汁 麥冬汁

此為甘寒救液之法。溫病口渴以此代茶。

自製養液湯 元參 山藥 沙參 石斛 蘆根 花粉 生艸 雲苓

溫邪垂愈。胃陰未復。口乾舌燥納少。此方甘寒平淡。善養胃液。而無粘膩戀邪之弊。凡溫病善後。不離此旨。

第二章 霍亂門

(一) 陰霍亂

病因 夏月伏陰在內。加以貪受寒涼。恣啖生冷。陽氣遏抑。中焦不和。正氣不守。邪干腸

胃。以致揮霍撩亂。

診斷 胃痛則吐。腸痛則瀉。胃腸俱痛。吐瀉交作。肢厥汗冷。小溲清澈。唇面青白。蹠臥轉

筋。脈微或伏。苔白潤或黑。亦有惡熱口渴而不能飲冷。面赤似朱。是為戴陽。最宜

辨別。

傳變 症由陰盛陽衰。急宜溫中回陽。若不早治。或誤服陰藥。必爪甲青黑。肢冷過肘膝。

汗冷如珠。亡陽而脫。其脈絕氣高而不欲言者。為難治。

用藥

以溫藏回陽和中逐穢爲主。輕則如霍香正氣散。六和湯。重則四逆湯。理中湯。冷香飲子。白通湯。加入尿猪胆汁湯。陰盛格陽者。宜參從陰引陽之法。不得純用剛劑。外治急救法。可用刮背針刺熨臍等。取其成效速也。

調理

吐瀉之後。中氣大傷。脾陽不運。濕濁留戀。治宜溫中健脾。化濕和胃爲主。如胃苓湯。及熟薏米炒扁豆焦六曲焦穀麥芽類。最爲妥善。

(二) 陽霍亂

病因

吸受暑穢。飲食不謹。清濁相干。氣機窒塞。水穀之道路。失其常度。邪患心包。則煩滿。亂於腸胃。則瀉利也。

診斷

吐瀉頭痛。發熱煩渴。氣粗喘悶。小便短赤。舌紅或黃而糙。脈沉數或伏。有時見代。是皆氣亂所致。

傳變

熱邪攻心。必神識昏迷。熱深厥亦深。必手足厥冷。螺紋癘陷。脈急或伏。舌絳汗多。煩渴難耐。

用藥

以清暑滌穢。芳香化濁爲主。輕者黃連香薷飲。四苓散。重者增減瀉心湯。竹葉石膏湯。陽遏肢厥者。四逆散。神昏者。紫雪丹。餘如銀花露。黃連解毒湯。西瓜翠衣等。消息用之。

調理

氣陰受傷。口渴力乏。宜用清養氣陰之品。兼化濕濁。如西洋參。北沙參。雲茯苓。生

穀芽生白朮。

(三) 乾霍亂

病因

穢濁之氣。蒙閉中焦。升降之機失常。清濁混淆。陽不宣通。內經曰。出入廢則神機化滅。升降息則氣立孤危。最爲危殆。

診斷

欲吐不吐。欲瀉不瀉。爪甲青紫。語蹇不利。腹絞痛異常。有無可奈何之狀。脈伏。

傳變

服鹽湯不得吐利。及針刺人中不效。必致昏悶氣絕而死。若吐瀉交作。則以脈證相參。辨明寒熱。依法治之。

用藥

治法以通爲主。可用燒鹽熱童便沖服。使其吐利。蓋吐則上焦得通。下焦得降。邪氣外達。可望轉機。

調理

霍亂不外陰陽。用藥亦不外溫涼。陰陽既判。即可依陽霍亂陰霍亂調理法。以善其後。服食最妥而又便利者。莫如自製代茶飲。不論陰陽霍亂。皆甚合宜。

(四) 霍亂要方淺解

針刺法

刺人中少商委中曲池等處。隨用手揉其穴。

霍亂古名。至元始稱痧症。驟發難耐。吐瀉不得。氣閉血凝。陰陽之氣。不相順接。急宜此法。使血出以泄其毒。

刮背法

以銅錢蘸菜油刮背。令皮膚現紅紫色爲度。

五臟之系。咸附於背。背爲陽。刮之所以通陽也。

熨臍法。以香附末。廣艾絨炒溫。熨臍四旁。

霍亂寒凝氣滯。吐瀉無耐。腹痛肢冷。用以理氣通陽。

藿香正氣散。大腹皮。藿香。蘇梗。甘草。桔梗。茯苓。蒼朮。厚朴。半夏。神麩。白芷。姜。棗。以芳香化濁之法。利濕暢中。霍亂吐瀉。由於中焦之不和。此藥最宜於脾胃。兼可爲

陰霍亂調理善後之方。

六和湯。藿香。厚朴。杏仁。砂仁。半夏。木瓜。赤苓。白朮。人參。甘草。扁豆。薑。棗。

治脾胃正氣不足。內傷生冷。以致吐瀉者。今人移作治暑。非挾濕者。實不相宜。

四逆湯。附子。甘草。乾薑。

陰寒之氣。深入于裏。眞陽幾欲絕。非此純陽之品。不足以破陰霾而發陽光。

理中湯。人參。白朮。炮姜。甘草。……加附子名附子理中湯。……

內經以寒霍亂。貢太陰。此方溫運中宮。以蠲陰寒。太陰脾經正治之法。利甚肢冷者。

加附子。

冷香飲子。附子。陳皮。草果。炙草。生姜。

治陰寒冷濕之氣。客於太少二經。而爲霍亂者。

白通。加入尿。猪胆汁湯。葱白。乾姜。附子。人尿。猪胆汁。

利不止。厥逆無脈。乃陰寒過甚。陽氣將絕之候。驟進熱藥。勢相衝突。爰加人尿猪胆汁以引之。熱因寒用。可引藥至病所而不拒格。後人熱藥冷飲。卽斯意也。

四苓散。黃連香薷飲。紫雲丹。三方見前溫病門。

增減瀉心湯（自製）半夏。橘紅。川連。枳實。梔子。豆豉。滑石粉。茯苓皮。茵陳。澤瀉。

濕熱內着。中宮阻塞。而成霍亂。吐瀉不得。二便俱閉。作噁不止。此方清化暑熱。流利

氣機。爲陽霍亂參酌適用之方。

竹葉石膏湯。麥冬。半夏。竹葉。石膏。生姜。甘草。粳米。

辛寒散熱。甘平生津。邪之所湊。其氣必虛。用治陽霍亂。尤推平善。

四逆散。柴胡。芍藥。枳實。甘草。

熱結於內。陽氣不能外達。以致厥逆。此方散鬱熱。達陽邪。乃表裏並治之劑。

黃連解毒飲。川連。吳萸。半夏。枳實。黃芩。白芍。

濕熱遏阻中焦。升降之機不利。以至發熱胸悶吐瀉等症。此方具清熱化濕之品。濕

熱去而中宮自泰矣。

燒鹽方。燒鹽用熱童便沖服。

乾霍亂吐瀉不得。服此越之。以通其氣。西法治霍亂用食鹽水注射。謂能增加水液。解毒殺菌。殆此方之遺意歟。

自製代茶飲。蕎麥。蘆稷。

蕎麥通利。蘆稷和中。有既濟之妙。霍亂忌穀食。而此獨相宜。

第二章 瀉痢門

(一) 寒瀉

病因 脾虛失健。水穀不分。糟粕不化。清濁混淆。留走腸間。關闌失禁。風勝爲飧泄。濕勝

爲濡瀉。寒勝爲洞泄。而皆屬陰寒。責在太陰濕土有餘。陽明燥氣不足。

診斷 體重無力。小便不利。腸鳴漉漉。泄瀉無度。腹痛不欲飲。脈遲而緩。舌苔白膩。或淡

白。

傳變 久泄不愈。則脈見沉遲。四肢厥冷。四肢屬脾。乃脾陽不伸所致。經云脈細皮寒。氣

少。泄利前後。飲食不入者。是謂五虛。法在不治。脈大亦難治。

用藥 初宜分理中焦。次則分利下焦。宜胃苓湯。訶子散。藿香正氣散。理中湯等。脈沉遲

者。宜附子。吳萸。乾姜。藜蘆。等溫運之。洞泄不止。宜赤石脂。禹餘糧湯。合理中。四逆

等。填固下焦。

調理 吐瀉雖止。脾胃必困。可用陳倉米湯以養其正氣。或用炒白朮。炒苡米。煎湯代茶。

化餘濕而復胃氣。

(二)熱瀉

病因 陽盛之人。時當夏令。暑濕內迫大腸。清濁不分所致。經云暴注下迫。多屬于熱。

診斷 泄瀉黃糜。氣臭穢濁。肛門烙熱。發熱口渴。小洩短赤。或瀉而痛。苔黃脈數。

傳變 久瀉傷陰。熱耗津液。燥金火熾。熱滯鬱結不解。轉而為痢。口渴脈弦數。纏綿難愈。

用藥 葛根黃芩黃連湯。四苓散。等主之。總不離苦寒清熱。淡滲化溼之旨。若轉成痢疾。

則宜調胃承氣湯之苦寒泄降。以和胃燥。

調理 善後之方。宜和胃養陰。清化餘熱。北沙參。生甘草。雞內金。生穀芽。苡米。佩蘭葉。雲

茯苓等。輕靈之品。最為適宜。

(三)虛寒痢

病因 體弱者。過食生冷。濕滯鬱于大腸。致奔迫下痢。素問所云食飲不節。起居不時。則

陰受之。入五藏則脹滿閉塞。下為飧泄。久為腸癖者是。

診斷 腹痛下痢。其色或青或白。或黑。食不消。脈沉而滑不數。苔必白。即黃膩亦頗潤澤。

傳變 脈轉浮大急疾。四肢厥冷者。難治。以陰盛格陽。正氣虛散故也。病延不愈。食少腹

脹滿。

用藥 宜運溫中土。升清降濁。白豆蔻湯。附子理中湯。訶子散等主之。總以溫通為旨。初

病瀉非所宜。

調理 溫中化溼。取法理中平胃等意。避風寒。忌冷食。以復脾中之陽氣。

(四) 赤白痢

病因 腸胃虛弱。冷熱相乘。傳化失職。變而爲痢。熱乘于血。流滲腸間則赤。冷氣入搏。津液凝滯則白。

診斷 腹痛下痢。裏急後重。至圍而所下無多。赤白相雜。腥穢難聞。脈弦滑或濡數。舌苔

厚膩或黃。

傳變 邪戀不退。勢必變劇。所下如凍如涕。或如豬肝。此脾腎內潰。精氣下脫。法在不治。

膿血久虛寒。痢久不止。甚有厥逆者。

用藥 大法化滯推蕩。有表宜兼解表。和榮則便膿自愈。調氣則後重自除。方用枳殼湯。

荆防敗毒散。白頭翁湯。芍芍湯。木香檳榔丸。枳實導滯丸。香連丸等。膿血久而虛

寒。宜桃花湯。

調理 慎起居。節飲食。調理用藥。宜溫和之輩。切忌苦寒。致令脾胃不醒。其有久痢傷陰

者。調理宜從清養。切忌早用溫補。

(五) 休息痢

病因 腸中宿挾痼滯。每遇飲食不節。停飲不消。痢下旋發。如以時休息者然。蓋於熱留

伏于膜原隱匿之地故耳。

診斷

痢下無時。乍瘥乍發。飲食減少。四肢無力。最傷正氣。此病多隔年而發。最屬纏綿。停滯腸胃。傳導失司。日久不愈。腸膜發炎。轉爲潰腐。或因正氣日虛。致生脹滿等病。

用藥

宜普通治痢之劑中。加以溫消陳寒痼積之品。肉豆蔻湯。溫脾湯等主之。

邪滯內蘊。正氣日傷。雖愈而必食少羸瘦。宜人參。陳皮。黃連。赤苓。當歸。黃芩。枳殼。白朮。甘草。木香等調理之。

(六) 噤口痢

病因

瘀滯挾熱阻中。胃不能運。穀氣銷鑠。多因痢疾初起。早用苦寒或溫補。陽遏於內。脾中清氣不升。經云。不能食者。精無俾也。

診斷

舌乾咽澀。飲食不得下。嘔噎胸悶。心煩。痢不止。脈數實。身熱。下痢。上格不納。乾嘔。漸至口糜氣呃。腎虛胃敗。正氣脫絕而死。

傳變

此症半屬不治。惟調治得宜。或可挽救。宜甘草。乾姜。枳實。焦朮。石菖蒲。佩蘭葉。專理脾胃。芳香化濁。總冀能食爲佳。

調理

和胃扶正。兼以化濕。如西路參。白朮。茯苓。炙草。廣陳皮。木香。扁豆等。脾胃宜常飢。常食少食爲佳。不慎飲食復病。不易治。

(七) 瀉痢要方淺解

胃苓湯 蒼白朮、川朴、陳皮、甘草、澤瀉、豬苓、雲苓、桂枝。

以平胃散培濕土之卑監。合五苓以利小便。本土能制水。及理濕不利小便非其治之旨。用治寒瀉。斯為神效。

訶子散 訶子、炮姜、粟殼、橘紅。

溫中健脾。秘氣瀋痢。瀉痢日久。脾胃虛寒。脈微細者宜。

藿香正氣散 理中湯、四苓散、四逆湯。見前霍亂門。

赤石脂禹餘糧湯 赤石脂、禹餘糧。

大腸不固責在胃。關門不固責在腎。石脂禹糧得土之精氣。能實胃而澀腸。用治下

焦之標。兼培中宮之本。

調胃承氣湯 見前溫病門。

葛根黃芩黃連湯 葛根、黃芩、黃連、甘草。

協熱下利脈數發熱喘而汗出者宜此。以葛根能升清而解肌熱。芩連能清內熱。且

可燥濕堅腸也。

白朮、蒼朮、藜蘆、陳皮、乾姜、厚朴。

主治寒濕停中。脾胃升降失司。嘔吐泄瀉。腹痛而滿。脈沉細弦。苔薄白。以此方有溫

運化濕之力也。

枳殼湯 枳殼黃連厚朴甘草阿膠

此方治血痢已久濕熱猶有未楚故方中攻補兼施。

荊防敗毒敗 荊芥防風茯苓甘草桔梗枳殼柴胡前胡羌活獨活川芎薄荷生姜

痢挾表邪而發寒熱者宜此方冀其邪從表達而瀉痢自止喻氏所謂逆流挽舟之

法也。

白頭翁湯 白頭翁秦皮黃柏黃連

白頭翁有風不動無風自搖性味苦寒合之秦柏連等主治溼熱壅盛迫血妄行大

便膿血脈數苔黃者宜之虛寒者服之禍不旋踵。

芩芍湯 芍藥當歸芩連大黃木香檳榔甘草肉桂

清溼熱蕩積滯和榮理氣兼有其功可謂治夏秋溼熱痢之正方。但肉桂為久痢腹

痛甚者設尋常初起勿用為宜。

木香檳榔丸 木香檳榔青陳皮枳殼黃柏黃連山稜莪朮大黃黑白丑香附芒硝

以走利三焦之氣為主三焦之氣通暢溼熱之積自行况益以峻速推蕩之藥乎溼

熱積滯之痢初起乘其正氣未虛亟宜用此攻之日久則胃氣敗壞難為力矣。

枳實導滯丸 大黃枳實黃芩黃連神麩白朮茯苓澤瀉加木香檳榔名木香導滯丸

此方利氣消積不若前方之猛痢疾用此較妥或加木香檳榔以利其氣其勢稍烈。

香連丸 木香黃連

主治痢下內熱口乾氣阻腹痛。木香辛燥利氣機。黃連苦寒化溼熱。合而爲丸。有相得之妙。腹痛而口不渴者忌服。

桃花湯 赤石脂乾姜糯米

大便膿血。小便不利。關闌不固。下焦滑脫。脈微欲絕。此方甘溫固澇。但祇可暫用。利止卽勿服。以其粘澇之性。防有壅滯之患也。

溫脾湯 大黃人參甘草炮薑熟附子

此方主治積久熱痢赤白。纏綿不愈。攻補兩難。故用溫下之法。虛寒者宜加桂心。重用炮薑附子。減大黃。

第四章 痲瘡門

(一) 痺瘡

病因 內經言寒邪內藏骨髓者爲痺瘡。仲景以邪氣內藏於心者爲痺瘡。二者微有出入。然內經言其深者。仲景言其淺者。總由陰氣先傷。陽氣獨發。可互相發明。

診斷 熱多寒少。或但熱不寒。骨節疼煩。肌肉消燦。汗出頭痛如破。煩渴而嘔。脈弦數。苔黃或膩或厚膩。

傳變

熱甚傷陰。傳變遺精便血。甚至狂煩躁亂。以至瘵厥。

用藥

柴胡白虎煎。青蒿鱉甲湯。及小柴胡加香薷黃連。或加生地。知母。白芍。首烏。丹皮。杏仁。象貝。花粉。梨汁。蔗漿。甘寒養津。視其輕重與之。

調理

瘧瘧亦猶乎溫病。陽邪傷陰者多。清涼養陰。鮮斛蘆根之類。

(二) 寒瘧

病因

暑月乘涼沐浴。感受寒邪。伏於太陰。不能外出。而與陽爭。故多寒少熱。北人謂瘧為脾寒也。

診斷

多寒少熱。或但寒無熱。腰背頭項疼痛。無汗脈弦遲。傷食則弦而短。多痰則弦而滑。舌上白苔不能食。脈代散者死。遲緩者愈。

傳變

寒濕久留。脾陽虛弱。納穀不化。或脾胃兩虛。因而肢寒泄瀉。怯冷愈甚。湯火不溫。常日如此。或大腹飽滿。成爲瘧癥。

用藥

法宜溫解。用達原飲。及小柴胡湯。加桂枝。乾姜。羌活。紫蘇等。虛久不愈。宜截瘧飲。六君子湯。四獸飲。加砂仁。神曲。穀芽。泄瀉者。附子理中湯。參苓白朮散。

調理

責在太陰。宜護脾陽爲主。禁冷食厚味。用藥調理。不外理中。

(三) 間日瘧

病因

夏暑內伏。秋涼外束。邪入於內。陰陽相搏。淺者病在三陽。隨衛氣以爲出入。故一

診斷 日一作。重者病在三陰。邪氣不能與衛氣並出。故間一日或三四日而作。寒熱往來。發有定時。頭痛胸悶納少。小溲渾黃脈弦。隔一日者。謂爲間日瘧。隔三日者。謂之三陰瘧。愈久愈重。

傳變 暑濕迫注。失於解散。由經入府。則變痢疾。亟宜治痢。痢止瘧亦止。疴羸氣怯。因勞輒發。寒熱不清。則成勞瘧。

用藥 初邪在表。間日寒熱。脈浮弦。宜柴桂各半湯。轉痢者。宜表裏分消。用柴胡。半夏。黃芩。枳殼。陳皮。紅麴。滑石。茯苓。炙草等味。勞瘧宜截瘧中加黃芪。鱉甲等品。

調理 發日愈久。邪伏愈深。而正氣亦愈虛。善後調理。非補不能復元。視其陰陽虛實而治之。

(四)瘧母

病因 瘧邪挾瘀血痰濕結塊脅下。伏於肝經。金匱謂瘧病一月不差。此爲結癥瘕。名瘧母。

診斷 寒熱間作。或不作。少食。痞悶有塊。結於左脅。硬痛。此症先由瘧而來。故曰瘧母。瘧母纏綿難愈。正氣受傷。失治或治不如法。則成癥疾。遺患終身。或促人壽命。

用藥 治法不可專作癥積。純用攻下。宜疎通血絡。瘧母丸。鱉甲煎丸之類。虛則宜用四獸飲加鱉甲。歸尾。桂心。不外攻補兼施之法。

調理 初宜去瘀通絡。繼宜和營調氣。如歸。芍。苓。草。姜。棗之類。忌麵食油膩之物。

(五) 痰瘧要方淺解

柴胡。白虎煎。柴胡。石膏。黃芩。麥冬。生草。竹葉。

瘧瘧病在陽明。熱邪最易傷陰。此方清熱之中。微寓養陰之意。而更以柴胡升少陽

之清氣。頗為周匝。

青蒿。鼈甲湯。小柴胡湯。見前溫病門。

達原飲。檳榔。草果。常山。厚朴。黃芩。知母。菖蒲。青皮。甘草。柴胡。升麻。

瘧邪伏于膜原。必現壯熱脇痞等症。此方專達募原之邪。用藥以消痰理氣為先。所

謂無痰不作瘧。氣利邪自却也。

截瘧飲。黃耆。人參。白朮。茯苓。橘紅。砂仁。草果。五味子。甘草。烏梅。

久瘧必虛。而邪氣不退。寒熱往來。神疲納少。脈象虛弦。此方補正托邪。用以截瘧。與

專用攻削者不同。惟初起忌服。恐斂邪也。

六君子湯。人參。白朮。茯苓。甘草。陳皮。半夏。去陳皮。半夏。名四君子湯。

補氣化痰。備中和之德。治脾弱陽虛。有溼痰者宜之。借治寒瘧善後。極為平允。

四獸飲。六君子湯加烏梅。草果。

瘧久正虛。或素稟虛弱而患瘧者。宜此扶正截瘧。力較前截瘧飲為輕。而平安過之。

附子理中湯 見前霍亂門。

參苓白朮散 人參、白朮、扁豆、陳皮、山藥、甘草、蓮子、砂仁、苡仁、桔梗。

去濕調中理氣化痰功用與六君子湯相彷彿。且力和平而不燥。能養胃陰也。

柴桂各半湯 柴胡、半夏、黃芩、甘草、桂枝、白芍、薑棗。

內經論瘧。以先傷于寒。故先寒後熱。此方和解之中。隱寓疎散之義。乃太陽少陽同

治之方。治間日瘧最佳。

瘧母丸 鱉甲、青皮、桃仁、神麩、麥芽、三稜、莪朮、海粉、香附、紅花。

合消積逐瘀和中扶正之品而成。法頗完善。瘧母初起。宜用此方。實鱉甲煎丸之初

步也。

鱉甲煎丸 鱉甲、烏扇、黃芩、柴胡、鼠婦、乾姜、大黃、芍藥、桂枝、葶藶、石葦、厚朴、牡丹、瞿麥、紫

葳半夏、人參、廬蟲、阿膠、蜂窠、赤消、蜣螂、桃仁。

以鱉甲入肝除邪養正為君。以桂枝湯大承氣小柴胡為三陽主藥為臣。瘧必假血

依痰。故用四蟲桃仁半夏積必由氣結。故用烏扇葶藶。更使瞿麥牡丹紫葳清邪熱。

攻中有補。似猛而實不猛。為治瘧母最善之方。觀此並增人智慧不少。瘧母一症。積

漸而成。故丸藥之功為勝。

第五章 咳嗽門

(一) 風寒咳嗽

病因 症由皮毛而入。皮毛爲肺之合。寒邪外襲。必先入肺。肺爲嬌藏。不耐邪侵。清肅失

司。則氣逆而咳。氣不條達。則津液凝聚而成痰。漬肺而咳。

診斷 咳吐痰濁。白稠而爽。形寒頭痛。胸悶納少。鼻流清涕。脈象浮滑。舌苔薄白或微膩。

甚則微有氣急。此在天寒時節。多患咳病。以意候之。

傳變 先傷風寒。痰嗽未止。更傷炎熱。則咳嗽音嘶。久而不除。每致化熱。亦能鍛鍊肺陰。

初邪在表。急宜辛散。傷風不愈。便成癆。斯言可慮。

用藥 宜疎風化痰。杏蘇散。金沸草散。蘇子降氣湯。二陳湯。華蓋散。復傷熱者。宜葳蕤湯。

加減。初病風寒咳嗽。必有表症。藥宜動而不宜靜。早用兜補戀邪。多成癆損。

調理 外感咳嗽。初無調理之必要。惟恐餘邪未清。宜節飲食。慎風寒。屢患咳嗽。雖屬小

恙。易於泄氣。注意忌食一切辛辣膠膩之物。蓋辛辣傷肺。膠膩滯痰。故也。

(二) 痰熱咳嗽

病因 風熱襲入肺中。煎熬津液。鍛鍊成痰。火動陽升。木叩金鳴。治節失司。乃爲咳嗽。此

病多生於春夏病溫者。及陽旺陰虛之人。

診斷 咳嗽發熱。痰粘而不爽。或黃膩如膿。口乾欲飲。胸悶不舒。心煩不寐。脈象浮數。舌

苔黃。

傳變 痰熱伏肺。咳久痰中夾血。此咳傷肺絡也。又有熱鬱肺俞。寒涼外束。則音聲窒塞

不揚。此金實不鳴之症。俗所謂寒包熱是也。宜解表寒而清肺熱。

用藥 宜疎風化痰。桑菊飲。清肺飲。瀉白散。復傷寒者。宜麻杏石甘湯。或金沸草湯。痰血

者。仍宜重清其熱。酌用廣鬱金。茅蘆根。及茅花。藕汁等味。

調理 痰熱內戀。肺陰消燦。故痰熱既清。即當清養肺陰。宜沙參。山藥。杏仁。蘆根之屬。代

茶類飲。忌一切辛熱膠膩之品。

(二) 虛勞咳嗽

病因 肺屬燥金。爲水之母。陰損于下。陽浮于上。水涸金枯。肺苦于燥。燥則喉癢而咳。况

水涸則不能涵木。木火鴟張。上犯肺金。肺葉日被薰灼。痿而致咳。

診斷 咳嗽無痰。音低息短。內熱口渴。形質消瘦。納穀減少。脈象細數。或弦數。舌絳或薄

黃。或吐血後而致咳。或咳血後而成勞。其病久。其根深。

傳變 久咳總以能食爲佳。而于虛勞咳嗽。尤宜注意及之。以脾爲倉廩之官。主納水穀

而化精微。脾健則能生金而制木。反是則土不生金。勢必延入損門。是以久咳音

嘶。便溏納少。乃爲不治之症。

用藥 初起宜輕清泄熱。桑菊銀翹。皆可借用。久而不愈。宜補肺阿膠湯。人參清肺湯等。

內傷咳嗽。用藥宜靜而不宜動。忌苦寒敗胃。辛溫散氣。

調理

服藥調理。固爲第一義。而尤在靜心涵養。以六淫之氣。可藥而散。七情之鬱。非藥能療。當心平氣和。毋使肝鬱。節制飲食。毋傷脾陽。不治之治。斯爲得之。

(四)痰飲咳嗽

病因

形寒飲冷則傷肺。脾胃之陽不足。健運失司。水穀不化精微。而爲痰飲。漬之于肺。或受風寒。其發更甚。皆由不慎起居。不節飲食所致。

診斷

咳嗽形寒。咯痰甚多。目眩胸悶。不欲食。甚則氣急。或胸背之間。一處作冷。舌苔白膩。脈象濡滑。或則沉遲。

傳變

此症有愈後。每至秋冬感寒邪復發者。甚則氣喘不得臥。頭眩眼花。不急治之。則爲支飲。懸飲。溢飲等變端。痰喘日久。面浮足腫。不思納穀。此脾敗見徵。死不治。

用藥

宜溫化滯濁。仲景苓桂朮甘湯。小青龍湯最妙。他若蘇子降氣湯。小半夏加茯苓湯。皆可用也。形氣俱實者。用十棗湯下之。虛而喘腫。宜補腎。

調理

此症最爲纏綿。苟不徹底治療。杜其根株。勢必每年復發。當時服辛燥化痰理氣。暢中之品。書云脾爲生痰之源。脾健斯痰不生。痰少則肺氣清。而咳自愈矣。藥食調理外。以節飲食。慎寒溫。尤爲最要。

(五)咳嗽所用之要方

杏蘇散 枳殼 桔梗 前胡 杏仁 紫蘇 甘草 半夏 陳皮 茯苓 薑棗

此吳淮陰治傷風咳嗽之方。後人習用之。方中紫蘇 桔梗 前胡 開泄肺中風寒。杏仁

半夏 陳皮 枳殼 降肺化痰濁。表裏兩治。允推合法。

金沸草散 旋覆花 前胡 細辛 半夏 荆芥 甘草 赤苓 薑棗

疎風散寒消痰止咳。以治風寒咳嗽。得溫通肅肺之效。

華蓋散 麻黃 蘇子 桑皮 杏仁 赤苓 橘紅 姜 棗 甘草

肺為大氣之本。故此方用杏仁以降氣。橘紅以利氣。又為清金之藏。故更用麻黃以

開肺。桑皮以瀉肺。肺既清肅。氣得通暢。咳斯止矣。

清肺飲 黃芩 白芍 瓜蒌皮 竹茹 冬桑葉 光杏仁 象貝母 苦桔梗 生甘草 風化硝 天花粉

炒枳殼

苓芍泄熱。萋皮竹茹桑葉杏仁象貝。以之化痰肅肺。桔梗載藥上浮。風化硝攻痰下

達。枳殼行氣。氣行而痰自化。復有生草花粉。清養肺陰。此方治肺經痰熱咳嗽。苔黃。

脈滑者。可謂有利無弊。若便不結。去風化硝。

瀉白散 桑白皮 地骨皮 生甘草 粳米

主治上焦鬱熱咳嗽氣喘。口乾脈數者。有定喘肅肺之功。甘草和藥瀉火。與專用苦

寒化燥傷胃者不同。肺為西方金。其色白。瀉白者瀉肺氣之有餘也。

銀翹散。桑菊飲。葳蕤湯。見前溫病門。

麻杏石甘湯。麻黃杏仁甘草石膏。

風寒束表。痰熱伏肺。咳嗽音痞。口渴形寒。脈滑或數者。此方主之。杏仁甘草石膏以

清其肺。麻黃以澈其表。理淺易明。治有特效。經方洵可重也。

補肺阿膠湯。蛤粉炒阿膠。蜜炙馬兜鈴。熟牛蒡。炙甘草。光杏仁。糯米。

治肺虛有火。嗽無津液。咳而哽氣。痰內夾紅。阿膠養肺去痰。兜鈴清金平咳。牛蒡清

肺杏仁降氣。炙草糯米和中補土。子母有相生之妙。此方治吐血後咳嗽肺痿。時一

獲効。蓋肺痿多不治。此法或有當耳。

人參清肺湯。人參。阿膠。五味子。骨皮。知母。烏梅。粟殼。炙草。杏仁。桑皮。大棗。

久年勞嗽之人。吐血腥臭。咳嗽喘急。坐臥不安。此為肺虛有熱。治節失司。宜用此方。

補其虛清其熱。有人參。阿膠。五味子。甘草。粟殼。烏梅。之補斂。復有骨皮。知母。杏仁。桑

皮。之涼瀉。虛實兼顧。標本同治。亦良方也。病久胃虛納少。地骨皮。知母。苦寒之味。當

去之。

苓。桂。朮。甘。湯。雲茯苓。川桂枝。生白朮。炙甘草。

胸中為清陽之所居。清陽不展。濁飲瀰漫。凌心則悸。逆肺則咳。甚至胸脅支滿。目眩

等症。此方用桂枝以通心陽。茯苓甘草白朮溫化水飲。使從小便而出。經云濁陰走下竅。金匱又云痰飲爲病宜以溫藥和之。是方得之矣。

小青龍湯 麻黃桂枝細辛半夏乾薑五味子芍藥甘草

合大隊辛溫之味。有行水發汗之功。人身津液。流行則無病。凝聚則爲痰飲。故治痰飲非從小便利去。卽用汗法。此方流通津液。令從汗解。其溫化之法。實與苓桂朮甘同爲一理。

蘇子降氣湯 蘇子橘紅半夏當歸前胡肉桂厚朴甘草生姜

痰飲中阻。腎氣上迫。脾失健運。咳逆氣急。故方中重用醒脾化痰之品。而妙在肉桂一味。以壯命火。風寒之咳。關乎肺胃。痰飲之咳。責在脾腎。腎陽不振。斯濁陰上逆故也。

二陳湯 半夏陳皮茯苓生姜甘草

生姜夏陳化痰理氣。茯苓甘草滲溼調中。分治中焦一切痰飲之主方。

小半夏茯苓湯 半夏生薑茯苓

水飲凝結。膈間陽氣不能宣達。嘔吐。心下痞。口不渴。目眩。心悸者。此方主之。半夏生薑辛溫之性。辛以散寒。溫以通陽。加茯苓以利水。氣化津行。飲從小便而出。宜其效矣。

十棗湯。芫花、甘遂、大戟、大棗。

芫花、甘遂、大戟。味皆苦泄。能直達水飲窠囊之處。恐其力過峻。故加大棗甘緩和中。且能補脾以制水。此方治痰飲中之懸飲。形氣俱實者宜之。脈見沉弦。或弦滑而有。力飲邪結內作痛。大小便閉。然後可用。

第六章 傷寒門

(一) 太陽

原因

太陽之上。寒水主之。其經脈從目內眥上額交巔絡腦下項挾脊抵腰。其府爲膀胱。凡風寒客人。必先從太陽入。乃受邪之第一步也。

診斷

風寒外束。必頭項強痛。惡寒發熱。惟傷風則時有微汗而能食。脈浮緩。傷寒則壯熱無汗不能食。脈浮緊。若頭身疼痛。發熱惡寒。不汗出而煩躁者。則風寒兩傷。入府有蓄水蓄血之別。少腹滿口渴。小便不利者。爲蓄水症。少腹硬滿。小便自利者。爲蓄血症。

傳變

失表則風寒化熱。陷入陽明。過汗則陽氣虛者。易致亡陽。誤下則病發于陽者成結胸。病發于陰者成痞氣。體弱陽衰者成藏結。

用藥

傷風宜桂枝湯。傷寒宜麻黃湯。風寒兩傷宜大青龍湯。蓄水宜五苓散。蓄血宜桃

仁承氣湯。亡陽宜真武湯。結胸宜小陷胸湯。重者大陷胸湯。痞氣宜三物白散及五瀉心湯。藏結在書爲難治。宜用桂附姜艾等。初瘥時宜稀粥自養。生冷滯胃之品。不宜多食。以太陽爲寒水之經。大抵寒證多而熱症少也。且宜避風。以免重感。

(二)陽明

原因 陽明之上。燥氣主之。其經脈挾鼻絡于目。陽明爲多氣多血之海。乃陽盛之經。其

府爲胃。萬物所歸。無所復傳。

診斷

前額眼眶痠痛。鼻築築而流涕。發熱不惡寒。此邪中陽明之經。口燥心煩。汗出惡熱。渴欲飲冷。此熱邪漸入陽明之裏。張目不眠。聲音响亮。口臭氣粗。身輕惡熱。大便閉結。此邪入陽明之府。若胃實腹滿而拒按。府氣不行。譫語。舌苔乾燥。則病勢劇。

傳變

邪在經分。過汗或下之。則熱邪搏結而胸悶煩熱。下利後更煩者。此爲虛煩。若陽明素有濕邪。熱入相合。身必發黃。卽陽黃也。

用藥

宜葛根湯以解其表。白虎湯以徹其熱。三承氣湯以酌病之輕重而蕩其實。胸悶虛煩者。宜梔鼓湯以輕宣清熱。陽黃者。宜茵陳蒿湯。梔子柏皮湯以清化濕熱。燥邪最易傷陰耗氣。病後宜甘寒和胃。詳細方法。已詳溫病門。茲不復贅。

調理

(三) 少陽

原因 少陽之上。火氣主之。居於半表半裏之間。而爲陽樞。其經脈行於身側。相火游行。

症多熱象。

診斷

邪在少陽之經。其見症爲頭痛在側。耳聾喜嘔。不欲食。胸脅滿。往來寒熱。小便不利。邪在少陽之府。其見症爲口苦咽乾。目眩自利。若更兼少腹痛。不大便。則爲少陽陽明合病矣。

傳變

婦人中風。發熱惡寒。經水適來。得之七八日。熱除脈遲。身涼胸脅下滿如結胸狀。讖語者此爲熱入血室。

用藥

解在經之邪。小柴胡湯主之。解在府之邪。黃芩湯主之。解少陽陽明合病之邪。大柴胡湯主之。若熱入血室。則當刺期門。以肝爲藏血之所。期門爲肝穴。隨其血分實熱而瀉之自己。

調理

調理法約同陽明經。宜用甘寒。凡熱病皆以辛熱之品爲大解。慎之慎之。

原因

太陰之上。濕氣主之。寒濕之邪。最易侵犯。所謂同氣相求也。故邪入太陰。從寒化者多。而從熱化者少。職此之由。

診斷

腹滿而吐。食不下。時腹自痛。自利不渴。手足自溫。此太陰本症也。太陽合病。而見

傳變 表症者。必畏寒骨楚自利。有傳陽明而見傳裏症者。必腹滿時減。減不足言。寒濕內蘊。亦能發黃。腹痛厥逆。身重嗜臥而身黃。是其候也。惟此爲陰黃。其色晦滯。與陽黃之鮮明如橘子色者不同。

用藥 太陰病以溫運爲主。四逆湯理中湯甚則加附子。陰黃以溫化爲主。理中湯加附子茵陳。兼太陽陽明症者。宜桂枝加大黃湯。凡表症而兼下利者。宜先救其裏。後治其表。

調理 此經既屬寒濕爲患。脾陽必失健運。故病後調理。宜辛溫芳香之品。以醒脾。甘淡滲利之品。以化濕。寒涼滋膩之物。切不可投。餘義散見霍亂及泄瀉門。

(五)少陰

病因 少陰之上。熱氣主之。標陰而本陽。凡眞陽素旺之人。外邪傳入。則挾火而動。眞陽素虛者。則挾水而動。

診斷 挾火而動者。必見心煩不眠。肌膚燥。神氣衰弱。小便短而咽中乾等症。挾水而動者。必見目暝倦臥。聲低息微。少氣懶言。身重惡寒。四肢厥逆。腹痛泄瀉等症。

傳變 陰傷火旺。必舌紅焦乾。下利清水。此陰津有立涸之勢。其有氣高喘促。頭汗如珠者。則垂絕矣。陰症肢冷過肘膝者必死。

用藥 前者宜分解其熱。潤澤其枯。黃連阿膠湯主之。後者宜溫經散邪。回陽止瀉。人參

附子乾薑黃芪白朮半夏砂仁陳皮肉蔻草菓皆可用。脈細欲絕。白通湯主之。若陰傷火旺。宜急下存陰。承氣湯主之。

調理 陰虛宜甘寒。陽虛宜甘溫。視其陰陽偏勝而調理之。陰陽和平。精神乃治。

(六)厥陰

病因 厥陰之上。風氣主之。爲陰之盡。亦陽之生。陰陽錯雜。故邪之犯也。亦寒熱不定。有

純陽無陰之症。有純陰無陽之症。有陰陽錯雜之症。

診斷

張目不眠。聲音嚮啞。口臭氣粗。身輕惡熱。熱深厥深。上攻爲喉痺。下攻便膿血。此屬純陽證。四肢厥冷。爪甲青黑。腹中拘急。下利清穀。嘔吐酸苦。冷厥關元。屬純陰

之證。腹中急痛。吐利厥逆。心中煩熱。頻索冷飲。飲下卽吐。煩渴轉增。腹痛加劇。此

屬陰陽錯雜之症。

傳變

此症傳變錯雜。凡厥與熱時平均。如厥三日熱時三日。漸至熱多厥少者易愈。若厥多熱少則病進。

用藥

厥者宜和血行陽以通其厥。當歸四逆湯主之。寒者宜驅陰止瀉以回其陽。四逆湯主之。錯雜者宜寒熱互投以並祛。烏梅丸主之。便膿血者白頭翁湯主之。頭痛

者吳茱萸湯主之。

調理

厥陰一症。變化莫測。調理之法。殊難一例。惟在臨診者。審其寒熱而慎其起居。節

其飲食可也。

(七)傷寒要方淺解

桂枝湯 桂枝、芍藥、甘草、大棗、生姜

此傷寒論第一方。桂枝從陽扶衛。芍藥從陰益榮。發散中寓斂汗之意。不特風邪傷衛可用。卽虛損虛癱。亦可借用。

麻黃湯 麻黃、桂枝、甘草、杏仁

傷寒無汗。是爲表實。非麻黃湯純陽發散不可。惟如單刀直入之將。當則一戰成功。不當反戡召禍。故可一而不可再也。

大青龍湯 麻黃、桂枝、杏仁、甘草、生姜、大棗、石膏

治風不外桂枝。治寒不外麻黃。合桂枝麻黃二湯。以治風寒二傷。固無異議。不用芍藥者。以二證俱無汗也。加石膏者。以二證俱煩燥也。

五苓散 茯苓、白朮、豬苓、澤瀉、桂枝

見霍亂門。真武湯 白朮、茯苓、芍藥、附子、生姜

見要方補遺。制水者脾。主水者腎。脾腎陽虛。水濕泛濫。腹痛下利。四肢沉重。疼痛。小便不利之證。見矣。用附子壯腎陽。則水有所主。用白朮建中土。則水有所制。然陽根於陰。徒以辛

熱補陽。不佐酸斂之品。恐眞陽飛越。故用芍藥以收斂陽氣。歸根於陰。仲景之旨微矣。

小陷胸湯 黃連、半夏、括蕒實。

此治痰飲素盛。挾熱邪內結心下。痞滿按痛。脈浮滑者。用半夏辛以散之。黃連苦以瀉之。括蕒甘以潤之。合以開結氣。攻雖不峻。而皆直瀉其胸者也。

大陷胸湯 大黃、芒硝、苦葶歷子、杏仁、甘遂。

此治水結於胸。心下至少腹硬滿而痛不可近。身無大熱。但頭汗出。或潮熱燥渴。脈沉緊者。勢較小結胸爲劇。故用藥亦較上方爲重。葶歷甘遂以攻其水。杏仁以開其氣。病在胸中而用大黃芒硝爲君者。熱淫於內。治以苦寒。且潤陽明之燥。蓋瀉子法也。

三物白散 桔梗、貝母、巴豆。

君以巴豆。攻寒逐水。佐以貝母。開胸之結。佐以桔梗。爲之舟楫。服之邪在膈上者。必吐。在膈下者。必利。治寒實痰水結胸無熱證者。乃極峻之劑也。

大黃黃連瀉心湯 大黃、黃連、加黃芩、附子、名附子、瀉心湯。

二藥用麻沸湯漬服。僅得無形之氣。不重有形之味。氣味俱薄。用治痞硬虛邪。按之不軟。脈關上浮者。最妥。加芩附治心下痞而惡寒汗出者。此屬表陽虛。故瀉痞之意。

輕扶陽之意重。觀三黃瀉服。附子別煮可知。
甘草瀉心湯。甘草黃芩黃連乾姜半夏大棗。加入參名半夏瀉心湯。再加生姜名

生姜瀉心湯。

痞證下利日數十行。水穀不化。腹中雷鳴者。甘草瀉心湯主之。緩急破逆瀉痞。寒熱備乎其治。傷寒五六日。嘔而發熱。柴胡證具。而以他藥下之。但滿不痛。心下痞者。半夏瀉心湯主之。乃柴胡之變方。惟彼則和表裏。此則徹上下。若胃中不和。心下痞硬。乾噫食臭。脅下有水氣。腹中雷鳴下利者。生姜瀉心湯主之。散水氣。補中州。溫裏寒。瀉痞熱。四者俱備。治胃中不和。下利之痞。未有不愈。

葛根湯。即桂枝湯加麻黃葛根。

發太陽榮衛之汗。解陽明肌表之邪。乃陽明經病主方。

白虎湯。三承氣湯。小柴胡湯。見溫病門。

梔子鼓湯。梔子香豉。

心胸爲陽明之表。陽明之表。當吐不當汗。梔子苦能涌泄。寒能勝熱。豆豉輕浮上行。能去濁邪。邪去熱退。心胸自舒矣。

茵陳蒿湯。茵陳梔子大黃。

茵陳除熱邪留結。率梔子以通水源。大黃以調胃實。令一身內外瘀熱。悉從小便而

去腹滿自滅。發熱自退。柯韻伯謂為陽明利水之聖劑。信以夫。

梔子柏皮湯 梔子黃柏甘草

發黃症。表實者。宜麻黃連喬赤小豆湯。裏實者。宜茵陳蒿湯。無表裏證而但濕熱鬱蒸者。此方主之。或謂方中甘草。疑茵陳之誤。說亦近理。

黃芩湯 黃芩甘草芍藥大棗

自利為熱邪下行于腸之病。故以黃芩清腸熱為君。芍藥泄肝扶陽為佐。草棗以滋腸液而固其氣。為治熱利不易之法。

大柴胡湯 柴胡半夏黃芩芍藥生姜枳實大棗

此治少陽陽明合病之方。方中柴胡黃芩疎少陽來路之邪以清熱。芍藥泄肝邪以止嘔。半夏和胃氣之滯。枳實大黃攻其濁而清其熱。乃胃病已重少陽未盡之主方。

理中湯 白頭翁湯見瀉利門

桂枝加大黃湯 卽桂枝湯加大黃

太陽病反下之。因而大實痛者。乃屬陽明為病。陽明主內。病則腸中穢燥不行。方中以桂姜升邪外行。大黃通陽明府氣。此表裏雙解法也。

黃連阿膠湯 黃連黃芩芍藥阿膠雞子黃

黃連清熱。阿膠滋血。雞黃潤胃。芍藥交陰。陽熱病久延。燥及真陰。心煩難寐。此最完

白通湯 備。

葱白、乾姜、附子。

葱白通陽。乾姜溫中。附子生陽。三者皆辛熱之物。陽氣盤旋。陰寒自消。

當歸四逆湯 當歸、桂枝、芍藥、細辛、通草、甘草、大棗。

手足厥冷。脈細欲絕者主之。此方取桂枝湯君以當歸者。厥陰主肝。爲血室也。佐細辛者。取能外溫經而內溫藏也。不用參苓之補。不用姜附之峻。此厥陰厥逆。與少陰

不同治也。

烏梅丸 烏梅、細辛、乾姜、黃連、當歸、附子、蜀椒、桂枝、人參、黃柏。

六經惟厥陰最難治。本陰標陽。體木用火。必或收或散。或逆或從。隨利行之。調其中氣。使之和平。此大要也。此方寒熱雜用。氣味不和。深得個中至理。願讀者深味之。

吳茱萸湯 吳茱萸、人參、生姜、大棗。

仲景救陽諸法。必用姜附。或壯微陽。使之外達。或招飛陽。使之內返。此皆少陰真陽失所。故以回陽爲急。至厥陰勿用。蓋一陽真氣起於厥陰。生氣一虛。濁氣直遍中上。不惟本經乾嘔吐涎沫。頭痛等證悉具。卽少陰之真陽浮露。而吐利厥逆。煩躁欲死。食穀欲嘔等證叢生。茱萸能降厥陰濁氣。人參能接垂絕生氣。姜棗和胃而行四末。仲景於少陰重固元陽。於厥陰重護生氣。觀此方可知。

第七章 中風門

(一) 中經絡

病因 風爲流動空氣。其病皆從表入。傷風輕而中風重。經云。中於面則下陽明。中于項則下少陽。中于背則下太陽。外風由皮膚而入經絡。最爲捷徑。亦當有三陽經絡之分辨。

診斷 邪中經絡。形寒發熱。身體重痛。肌膚不仁。筋骨不用。頭痛項強。角弓反張之症。迭

見間出。且每有暴仆昏厥者。脈浮而洪。或弦而浮。雖有脈伏。由于邪鬱。不久自現。亦必有以上諸症爲斷。

傳變 風邪初中。必從太陽而入。每見寒熱頭痛骨楚等症。不急解散。亦如傷寒之傳經。其甚者。起則角弓反張。頸項強急。因循不治。遂成癱瘓。

用藥 辨明邪在經絡。急當辛溫解散。如大秦芫湯。小續命湯。烏藥順氣散。有熱者宜兼清熱。若初見昏厥。宜先用開關法。如通關散。稀涎散等。開其竅。吐其痰。宣通經隧。待其氣自流行。然後用藥。

調理 服藥之後。宜在無風處將息。起居最宜謹慎。一切勞動房事均宜避去。否則重中

更劇。若身體一處痛。宜用燒酒和髮。煑熱熨之。

(二) 中血脈

病因

人身之血脈。流行而不休止。風邪入中則痺阻不通。皆由絡脈空虛。是以賊邪不瀉。或左或右。熱則筋弛。寒則筋急。視其人之陰陽虛實爲病。要之皆陽氣不得宣通也。

診斷

邪中血脈。其現症爲半身不遂。口眼喎邪。左寒右熱。則左急而右緩。右寒左熱。則右急而左緩。蓋左中寒則逼熱於右。右中寒則逼熱於左。

傳變

中血脈者。喎僻不遂。久之不治。便成形廢。血脈較經絡已深一層。病此尤宜急治。若一任其口眼歪斜。半身不能運用。必致偏廢之患。

用藥

宜用黃耆五物湯。合大秦芎湯。和榮通絡。疏散風邪。丹溪分左右而辨氣血。雖近乎鑿然。邪湊正虛。益氣和榮之品。正不可少。有痰者宜加竹瀝姜汁。

調理

口喎宜用鈎藤勾之。並用桂枝。秦芎。鬼箭羽等煎洗。疎風活絡。避風節勞。自可向愈。

(三) 中臟腑

病因

六腑爲陽。瀉而不藏。臟爲三陰。精氣神之所舍。一宜通而一宜藏。經絡血脈。猶人身之外守。臟腑則人身內舍。邪入于此。其病較重。

診斷

邪入于腑。四肢不舉。便溺阻隔。昏不知人。邪入于臟。則舌瘖神昏。不能言語。唇緩

傳變

吐涎。中腑者脈沉滑。中臟者脈沉弦。皆病邪入于裏之徵。邪入腑臟。最多昏厥。如脈沉滑中帶和緩。尙可治。若急疾無倫。眞氣將散。邪氣充斥。神昏氣急。汗出如油。不可爲矣。

用藥

腑實者。宜三化湯。釜底抽薪。氣行自愈。中藏者。宜麻仁丸。滋潤通腑。如外見虛象。急宜峻補。見表症宜用祛散。不可執一。

調理

調理宜常服養血滋潤之劑。令其腑氣常通。氣血流行。得其常度。自無遺患矣。

病因

腎陰不足。陰虛生熱。熱生風。風火挾痰上升。驟然跌仆似風非風。謂之類中。亦有陽虛氣脫而然者。

診斷

四肢不收。舌瘖偏枯。甚則痰壅神昏。其由來以漸。其發以暴。其脈不浮而沉。或見微細。若兼外邪。亦有見浮脈者。當先疎解。俱類中究屬內虛。必無體痛寒熱噤僻等症。

傳變

陰虛氣弱。傳變多危。口開目合。氣急鼻鼾。吐沫直視。昏沈不醒。髮直搖頭。面赤頭重。山根青黑。凡此以上見症。雖眞中亦有此類傳變。但屬于虛脫爲多。故列於此。

用藥

陰虛動風。宜地黃飲子去桂附。脈洪大爲陽浮。宜加附子。陽虛氣脫。宜參附湯。合補中益氣湯。此類虛脫危急之症。宜重用獨參。挽回氣化。否則亡可立待。

調理 凡患類中症。非伊朝夕。最宜遠避房幃。謹慎將息。常服養陰益氣之品。亦前人填

補空竅法也。

(五) 中風要方淺解

小續命湯。麻黃、人參、黃芩、芍藥、甘草、川芎、杏仁、防己、官桂、防風、附子、薑。

參草益氣芍藥和榮麻黃川芎防風。以走表疎風。附桂溫通經絡。防己行濕。黃芩清熱。無熱症者去之。此方專為真中風方。若無外症寒熱頭痛骨楚半身不遂等症。不

得遽用辛溫發散。

大秦芎湯。羌活、獨活、芎秦、防風、川芎、細辛、白芷、茯苓、白朮、甘草、生地、白芍、歸身、石膏、黃

芩、薑。

此方亦不外和營散風之意。但藥味較前為平和。無麻桂之辛溫。有膏芩之清熱。合地芍歸芎之養血。立方之意。視續命湯為柔潤也。

烏藥順氣湯。烏藥、川芎、白芷、炮薑、橘紅、枳殼、桔梗、麻黃、僵蠶、炙草、薑、棗。

凡暴中跌仆一時昏厥。口噤脈伏。身溫者為中風。身冷者為中氣。中風多痰涎。而中氣則無痰涎。可以辨之。二者不可誤治。但中風多挾中氣。以風邪入中。氣無不阻也。此方麻梗芎芷發汗散寒。以順表氣。烏薑橘枳行氣祛痰。以順裏氣。加疆蠶清化消風。甘草調和諸藥。古云氣順則風散。庶幾此方得之。

通關散 南星、皂角、細辛、薄荷、生半夏、

上藥爲末吹鼻。有嚏可治。此法在初中時昏厥。藉以開關通竅。人事清醒。當卽按症

用藥調理。若無嚏者難治。

黃著五物湯 黃著、桂枝、白芍、炙草、生薑、大棗、

此方卽桂枝湯加黃著。中風症每由氣血不足。乘虛入內。邪入血脈。以致喎僻不遂。僅祛風邪。決難有效。必用益氣和榮之品。方可奏功。

三化湯 厚朴、枳實、大黃、羌活、

此方卽小承氣加羌活。凡風邪中府之人。形氣俱實。而見便溺阻隔。脘腹脹滿等症。宜用此方以攻其實。若畏首畏尾。內閉外脫而死矣。

麻仁丸 麻仁、枳實、厚樸、大黃、芍藥、杏仁、蜜丸、

是藥雖主攻。而有滋潤之性。邪既入藏。疎散之品。理氣之劑。皆非治法。故用滋潤之藥攻之。爲邪導出路。卽爲病者策安全。若腑氣不實。或有表症。皆不宜之。

地黃飲子 熟地、山茱萸、石斛、麥冬、五味、遠志、茯苓、菖蒲、從蓉、官桂、附子、巴戟、天、薄荷、薑、

棗

此方治腎虛類中。瘖厥風痺。無氣以動。脈象虛細。或洪大無倫。重按無力。有熟地以滋根本之陰。桂附從蓉巴戟。以返真元之火。山萸石斛。平胃溫肝。菖蒲遠志茯苓。補

參附湯。心通腎。麥味保肺以滋水之源。水足自能涵木。火疎則風自熄矣。

附子補先天之命門。人參固後天之生氣。陽虛氣脫。有類中風。汗出喘呼。氣息不續。脈沉而細。或浮大而空。但用獨參。尚不足以挽回生氣。必加附子于其間。於是陽回。

氣轉。此方有奪命之功。勿輕視之也。
補中益氣湯。黃耆、白朮、陳皮、人參、炙草、當歸、升麻、柴胡。

治氣虛勞倦。衛陽不固。易于受風者。宜之。升柴味薄性陽。能引脾胃清氣。行于陽道。即有外風。亦驅而出。兼有參耆歸草。調補氣血。陳皮以利氣機。風從外入。多屬陽虛。此方補正疎邪。實為預防中風之長城。

第八章 驚風門

(一) 急驚風

病因 小兒純陽之體。內有蘊熱。兼之乳積生痰。痰水相搏。肝膽不甯。熱極生風。此為病急驚之一大原因。然亦有外因者。如耳聞異聲。目擊異物。驚然仆地。受病不同。治當分辨。

診斷 痰熱急驚。病屬陽屬實。必見面紅頰赤。抽掣不定。夜啼煩燥。口乾。舌黃或焦黑。脈

傳變 弦滑數等症。若因外因之驚。心虛胆怯。易恐怖。目睛呆而無以上實熱等症。急驚之症。傳變最速。不急清下。煩燥狂亂抽搐。目斜上視而死。或用清下太過。勢必轉爲慢驚吐瀉。面白神疲等候。

用藥 急驚病勢迅速。如關竅不通。宜先通關。再議截風定搐。宜鉤籐飲。設熱勢驟盛。自當擬清擬下。降其痰熱。熱平風自熄。如牛黃涼膈丸。清心滌痰湯等。若外因之驚。則當以金石鎮心之品。如金箔鎮心丸。琥珀抱龍丸之類。

調理 急驚多用寒涼之藥。亦急則治標之法。但痰火稍退。卽當調補氣血。如參苓白朮散。四物等湯。皆可投服。若過用寒涼。防成慢驚。慎之慎之。

二 慢驚風

病因 小兒久瘧久痢。或痘後疹後。或風寒飲食積滯。過用攻伐。或由稟賦本虛。誤服寒涼。皆能變成慢驚。若急驚而用藥攻伐太甚。亦能致之。總其綱。急驚之病在肝胆。此則在脾胃也。

診斷 症現虛怯之象。若神昏氣喘。面色淡白。四肢乍清。眼翻易驚。小便清白。完穀不化。

甚至腹中氣響。喉內痰鳴。角弓反張。目光昏暗。脈沉遲散緩。虎口脈紋青而淡紫。舌苔白。皆其候也。

傳變 此症遲延日久。吐瀉損脾。或誤與寒冷攻下。則面青額汗。眼合噤口。手足微搐。肢

冷脈微。而成慢脾風症。若現身冷黏汗。直臥如尸。喘嗽頭軟。背直口噤。搖頭唇縮。氣粗痰響。則爲不治。

用藥

虛寒之候。治宜溫補脾胃。尤當主重中州。宜理中湯。尤附湯。逐寒蕩驚湯等。若慢脾風。則病勢尤劇。治之早者。可救二三。然總宜平和之劑。稍兼溫熱。調養胃氣。循序漸進。服藥有功。自可漸愈。

調理

慢驚之後。元氣大虛。總宜培土以治本。生冷之物固宜忌。滑利之品亦當禁。否則蹈虛虛之禍。

(二)類驚風

病因

小兒經絡空疎。虛風襲入。而致筋脈拘急。或因驚駭停食。肝脾受困。內動虛風。皆能心神不安。角弓反張。有類驚風。實則癎病之類也。

診斷

項背強几几然。心神不定。身反張強直。發熱不搐。或驚駭目直。呵欠頓悶。或有汗或無汗。有汗爲柔癎。無汗爲剛癎。宜分別治之。

傳變

治不如法。其傳變爲臥不着席。脚攣急。狂煩燥亂。揚手擲足。神識昏迷等症。迭見矣。

用藥

治法不外疎解風邪。如人參敗毒散類。有汗柔癎。宜桂枝加葛根湯。無汗剛癎。宜葛根湯。至臥不着席。口噤。脚攣急。腑氣不通。宜用承氣。

調理 類驚風本非驚風。因有類于驚風。遂名。病後調攝。視無一定。惟小兒臟腑薄弱。脾

胃不實。飲食之間。宜加留意。

(四)驚風要方淺解

通關散 見前中風門

鈎藤飲 麻黃、甘草、蟬衣、升麻、川芎、龍膽草、天竺黃、鈎藤、羌活、獨活、防風、薄荷、竹葉。

此方治驚風潮熱抽搐。神思昏迷。目睛上視等症。凡有表症寒熱。脈浮舌黃等症。宜

此主之。有麻黃升麻川芎羌活獨活防風薄荷以祛外風。鈎藤甘草蟬衣龍胆竺黃

竹葉平肝化痰。以祛內風。若寒熱有汗。宜酌去麻黃川芎羌獨等味。熱重者加黃芩

石膏等味。唯在醫者化裁。

牛黃涼膈丸 牙硝、石膏、甘草、胆星、牛黃、紫石英、射香、冰片、寒水石。

牛黃射香冰片入心經。紫石英鎮心安魂魄。牙硝石膏生草胆星寒水石清涼化痰。

治熱盛涎潮者有奇效也。

清心滌痰湯 竹茹、橘紅、半夏、茯苓、枳實、甘草、麥冬、棗仁、人參、菖蒲、黃連、南星、生姜。

是方多化痰藥。較前方為輕。且有人參補正體虛而熱不重者宜之。小兒陰氣未充。

若用峻攻。每多變患。故能將此方與前牛黃涼膈丸消息用之。則更妥善矣。

金箔鎮心丸 雄黃、辰砂、天竺黃、茯苓、胆南星、人參、山藥、牛黃、射香、金箔。

治外因驚觸。內蘊熱痰。以致心神恍惚。急驚搐搦發熱等症。雄黃、辰砂、牛黃、射香、金箔、入心定志、茯苓、胆星、竺黃化痰。人參、山藥補正。因邪之所湊。其氣必虛也。服此宜用燈心鈎籐湯下。常服定志安神。

琥珀抱龍丸。人參、琥珀、茯神、山藥、甘草、檀香、天竺黃、枳實、辰砂、胆星、金箔。

參苓藥草以補正。辰砂、金箔入心安神。檀香、枳殼、枳實、芳香理氣。竺黃化痰。治心神不足。因驚而病者效。較金箔鎮心丸補正之力更多。

參苓白朮散。人參、茯苓、白朮、薏苡、陳皮、芍藥、甘草、蓮子、砂仁、薏仁、桔梗、棗。

急驚之後。脾胃虛弱。亟宜培補正氣。此方不寒不熱。不呆胃。不傷氣。調脾和胃。扶正去邪。深得中和之義。調理佳制。不獨急驚之後可用也。

四物湯。見要方補遺。

理中湯。見前霍亂門。

朮附湯。白朮、附子。

白朮健脾。有利濕之力。附子溫中。擅驅寒之功。寒濕得之。宜當斂跡。

逐寒蕩驚湯。胡椒、炮薑、肉桂、丁香。

小兒氣體本虛。奚堪寒涼為患。故用一派辛熱之品。亟逐陰霾。陰霾消則正氣復。視似猛烈。實治慢驚之妙劑也。

桂枝加葛根湯。即葛根湯去麻黃。

無汗用麻黃。有汗忌麻黃。故仲景于瘧病有汗者亦不用麻黃。餘義見葛根湯。

第九章 痿痺門

(一) 三痺

病因 風寒濕三氣雜至。合而為痺。風勝者為行痺。寒勝者為痛痺。濕勝者為著痺。凡痺

之類。逢寒則急。逢熱則縱。

診斷 風勝行痺。走注疼痛。寒邪勝者。其痛甚苦。濕邪勝者。其痛重著。風盛脈浮。寒甚脈

緊。濕甚脈濡。

傳變 三痺通用蠲痺湯。行痺遍身走注疼痛。甚則發熱。痛痺歷節攣痛。甚則肢冷暈厥。

著痺留著有定處。身重痠疼浮腫。久不愈。天陰即發劇。

用藥 行痺上半身甚者。主烏藥順氣散。下半身甚者。虎骨散。痛痺四肢關節攣腫。宜小

續命合五靈散加減。著痺肢緩肌木。宜五苓散合茯苓芎湯。

調理 疼痛處宜用桂枝羌活薑黃鬼箭羽煎水洗之。以行氣通絡。可助藥力。愈後宜慎

起居。避風寒。

(二) 五痺

病因 凡風寒濕三氣。秋遇此邪爲皮痺。夏時遇此邪爲脉痺。長夏遇此邪爲肌痺。春時

遇此邪爲筋痺。以冬遇此邪爲骨痺。

診斷 皮痺則肌膚雖木。尙覺癢痛。脉痺則血脉不行。變色。肌痺則麻木不知痛癢。筋痺

則筋攣節痛。屈而不伸。骨痺骨重痠痛。不能舉動。

傳變 皮痺不愈。內合爲肺痺。喘滿咳嗽。脉痺不愈。內合爲心痺。煩悸噎乾。噫氣時恐。肌

痺不愈。內合爲脾痺。嘔痞肢懈。筋痺不愈。內合爲肝痺。臥驚太息。

用藥 皮痺宜秦芫地黃丸。脈痺宜秦芫四物湯。肌痺宜神效黃耆湯。筋痺宜羚羊角散。

骨痺宜安腎丸。五藏之痺。有五痺湯。可觀何藏之痺。加入引經之藥。

調理 痺不離乎風寒濕。五痺以四時而合五藏之所主。因而定名。凡痺在肌肉則輕。入

藏則重。調理之法與上同。

(二) 腸痺胞痺

病因 凡風寒濕之氣。久痺不已。復感于邪。藏實不受。用而傳府。則爲腸痺胞痺矣。胃附

于腸。三焦附于膀胱。從其類。不另立名。

診斷 口渴喜飲。小便祕。不脹則瀉。不瀉則脹。邪內傳于大小腸。謂之腸痺。凡少腹胞中。

按如沃湯而痛。小便祕澀。鼻流清涕。邪傳膀胱。謂之胞痺。

傳變 腸痺不愈。洩出不爽。腹脹且痛。便閉不通。甚至水氣上逆而爲呃。胞痺不愈。轉少

腹劇痛。洩閉。前陰刺痛等。

用藥

腸痺胞痺。均應利小便。宜五苓散合茯苓川芎湯主之。胞痺有寒。量加附桂。以行氣化。腸痺濕阻。加蒼朮以利寒飲。

調理

慎其寒溫。節其飲食。勿進冷食。勿使形寒。自可漸愈。

(四)肺痿

病因

或吐或下。或利小便。或因熱病。或陰虛亡津液。肺中乾燥。無津以輸佈。五藏失蔭。上源水絕。下乃無所生化。

診斷

咳嗽咽乾。口渴泛吐白沫。皮毛憔悴。音聲不揚。時覺形寒。脉虛數無氣以動。咳吐白沫漸多。音啞聲嘶。此金破不鳴也。面無華色。虛寒虛熱。納少。脈細欲絕。不

傳變

渴或遺尿。多涎沫。皆肺痿之末路。

用藥

肺有虛熱。咽喉不利。宜麥門冬湯。若不渴遺尿。頭眩吐涎沫。上虛不能制下。宜甘草乾薑湯以溫之。

調理

咳嗽吐涎沫已愈。宜常服生脈散。平時代茶尤佳。並勿飲冷。形寒以傷肺。

(五)足痿

病因

陽明爲藏府之海。主潤宗筋。束筋骨而利機關。肺熱葉焦。陽明虛弱。津液不化而爲濕熱。

診斷 皮毛痺痿。發爲痿躄。不能行動。內熱口乾。舌上苔黃。小溲短赤。脈象濡數。傳變 心氣熱爲脈痿。脛節縱而不任地。腎氣熱爲骨痿。腰脊不能興舉。肝氣熱爲筋痿。

拘攣不伸。脾氣熱爲肉痿。胃燥渴。肌肉不仁。要無不由于肺熱者。用藥 濕熱入骨。兩足痿軟。內熱不能步履。宜加味二妙湯。合虎潛丸加減。若久虛痿軟。

又宜十全大補合加味金剛丸。

調理 戒去辛辣熱味。不宜涉水。在愈後一年內。愈當留意。否則復發增劇。

(六)痿痺要方淺解

獨痺湯 羌活、獨活、桂心、秦艽、當歸、川芎、甘草、海風藤、桑枝、乳香、木香。

此方通治風寒濕三氣雜至。合而成痺之症。有羌獨秦芎以祛風。桂心乳香木香以溫寒理氣。歸芎甘草和營衛。風藤桑枝通絡。所以不用化濕藥者。以風藥類能燥濕也。但亦有加減法。風氣勝。重用秦艽加防風。寒氣勝者加附子。濕氣勝者加防己。革薺苡仁。痛在上加荆芥。在下加牛膝。間有濕熱者。其人舌乾喜冷。口渴溺赤。腫處熱辣。寒久變熱。宜去肉桂加黃柏。

烏藥順氣散 小續命湯 見前中風門。

虎骨散 虎骨、白花蛇、天麻、防風、牛膝、殭蠶、當歸、乳香、肉桂、炙草、全蠍、麝香。

行痺走注疼痛。在腰以上者。宜烏藥順氣散。中多風藥。可行上焦。若下半身痛者。宜

此方。其用花蛇、殭蠶、全蠍、麝香，所以祛風通絡也。用乳香、肉桂、當歸，以和營。天麻、防風，以泄風。牛膝、虎骨，去風濕。健腰膝。爲腰半以下之引經藥也。

五靈散 五靈脂、川烏、沒藥、乳香

寒氣入于分肉。營衛不能流通。血得寒而凝。不通則痛。故用五靈脂、川烏、溫通祛瘀。乳沒活血和營。庶幾寒散血行而痛自止矣。

五苓散 見前霍亂門。

茯苓、川芎、湯 赤茯苓、桑白皮、防風、蒼朮、麻黃、芍藥、當歸、官桂、川芎、甘草

君茯苓以利濕。蒼朮以燥濕。麻桂芎防以疎風化濕。桑皮肅肺以行濕。歸芍和營。恐礙濕邪。均宜酒洗。甘草和中。宜少用。此方治濕痺留而不移。汗多。四肢緩弱。皮膚不仁。精神昏塞者甚効。

活絡丹 南星、川芎、草烏、地龍、乳香、沒藥

治手足攣拳。筋脈不舒。皆由風邪痰濕。留滯經絡。營衛之行不利。渾身走注疼痛。或一手一足。偏痺作痛。不能舉動。甚則有寒熱。空心酒下。一二服愈。洵爲神効。

秦艽、地黃丸 四物、加秦艽、荆防、羌活、白芷、升麻、蔓荊、甘草、牛蒡

四物和營。合風藥以上升走表。主治皮痺。肌膚木癢微痛。若在陽虛衛弱。脈浮濡無力者。可加黃蓍、桂枝皮。尤効。

秦艽四物湯。四物加秦艽、薏苡、蠶沙、甘草。

是方主治脈痺。脈爲血管。乃心之所主。四物入血分。秦艽、薏苡、蠶沙、疎風化濕。甘草和藥。或加薑、黃、紅、花、桂、枝爲勝。可以入營而通絡也。

神效黃耆湯。潞參、黃耆、白芍、陳皮、甘草、蔓荊。

衛氣行于分肉。衛虛而風寒濕襲之。便覺肌肉麻頑。不知痛癢。故用參、耆益氣。芍、草和營。陳皮行氣。蔓荊輕浮外達以疎風。或加葛根、白芷。並可入陽明而行肌肉。尿瀝加澤瀉。身熱加丹皮。

羚羊角散。羚羊角、當歸、川芎、防風、獨活、棗仁、茯神、杏仁、薏苡、木香、甘草、姜。

此方主治筋痺。以筋爲肝之所主。羚羊角入肝舒筋絡。歸、芎、棗仁、茯神、姜、草以養血。防風、獨活以去風。木香、杏仁行氣。薏苡化濕。治筋痺、攣痛者。或加續斷亦佳。

安腎丸。肉桂、川烏、白蒺藜、巴戟、山藥、茯苓、石斛、葶藶、菴蓉、補骨脂。

腎主骨。腎虛骨骼不能堅強。風寒濕之氣乘虛而入。骨重痠痛。不能舉動。此方益腎氣。去寒濕。別無滋膩之品。補正而不礙邪。或加虎骨以爲引經之藥。更擅祛風濕強筋骨之功。尤妙。

五痺湯。人參、當歸、茯苓、白芍、川芎、白朮、五味子、細辛。

五藏之痺。多先因藏氣之虛。實者不受邪。病久痺而見五臟見症。神疲氣乏。可用此

方。補正以達邪也。

麥門冬湯 麥門冬、人參、半夏、甘草、粳米、大棗。

麥門冬獨擅清肺養陰之功。人參益氣生陰。半夏粳米甘草大棗和胃養液。此方治胃中津液枯燥。虛火上炎。肺液枯而致痿。虛則補其母。雖治胃而實治肺也。

甘草乾薑湯 甘草、乾薑。

治肺痿吐涎遺尿。上虛不能制下。非特肺之液虛。肺氣亦不足矣。甘寒之劑。勢不可用。故立此方。溫肺之陽也。

加味二妙湯 防己、當歸、川草薺、黃蘗、龜板、牛膝、秦艽、蒼朮。

治濕熱致痿。兩足痿軟無力。而又骨蒸發熱。至爲厭苦。方有龜版當歸以育陰。防己黃蘗薺蒼朮以清熱化濕。牛膝秦艽通經絡以化濕。合虎潛丸用。大佳。

虎潛丸 龜板、黃柏、知母、熟地、牛膝、芍藥、鎖陽、虎脰骨、當歸、陳皮、外加羊肉搗丸。

此方治腎陰不足。筋骨痿軟。不能步履。方有黃柏知母清陰中之火。虎骨牛膝去風毒。健筋骨。歸芍熟地養血。鎖陽羊肉如濕熱重者去之。陳皮疎血行氣。此方有氣化血行之妙。服此其爲筋骨壯健。有力如虎者必矣。

十全大補湯 人參、黃耆、白朮、甘草、雲苓、熟地、白芍、當歸、川芎、肉桂。

是方卽四君合四物。加黃耆肉桂。擅並補氣血之能。痿病久虛。必用此法。合金剛丸。

治之。痺爲實病。苟非入藏。決無補法。而痿爲虛症。多有宜補者。

加味金剛丸。葶藶木瓜牛膝菟絲子肉苁蓉。筋骨痿軟。總由肝腎虛而有熱。菟絲苁蓉補肝腎。葶藶木瓜牛膝化濕舒筋。久服自効。宜參補氣血藥全用。

第十章 嘔吐門

(一) 熱嘔吐

病因 陽明有熱。火勢炎上。胃氣不能下降。每多嘔吐。或因肝胆有火。風陽上亢。金不能

平木所致。

診斷

凡嘔吐者。食入則吐。不能傾刻停留。發熱口渴。苔黃脈滑數。卽胃熱之嘔。若吞酸嘔噦。口苦咽乾。頭目昏眩。脈弦數。此爲肝陽上亢之嘔。

傳變

胃熱氣升而不愈。煩躁不眠。口臭氣粗。漸至昏厥。肝熱嘔苦。心煩太息。臥驚。洩熱赤。

用藥

嘔本氣逆。忌下。唯食不能入。食入卽吐者。宜大黃甘草湯。瀉火緩中。若肝陽上亢。吞酸而嘔者。宜白芍金鈴延胡青黛烏梅竹茹香附及左金丸等。

調理

胃熱服前藥嘔止後。宜養胃陰。如川石斛花粉麥冬沙參蘆根之類。肝陽亢者。宜

潛陽鎮風。如石決玳瑁片白芍桑菊之類。

(二)寒嘔吐

病因 脾胃虛寒。清陽不佈。濁氣不能下降。乃上逆而爲嘔。亦有肝經虛寒。厥氣犯胃而吐者。

診斷

嘔吐之屬於寒者。口鼻氣清。吐多稀涎。寒飲。口不渴。舌白。脈沉細或緩滑。厥陰嘔吐。頭眩多涎沫。脈沉細者是。

傳變

中寒嘔吐不止。胃愈虛而吐愈劇。漸至乾噦。無涎唾。疲甚。不能納穀。此胃虛也。宜用溫運脾陽。芳香化濁法。輕則藿香正氣。重則兼用附子理中。厥陰頭痛嘔吐。

宜吳茱萸湯。胃虛常用香砂六君湯。

調理

嘔吐愈後。切忌冷飲冷食。誤犯必復發。若至呃逆。多難治。

(三)乾嘔

病因

內無寒飲熱積。祇由清濁之氣。升降失常。阻拒于胸膈之間。清曠失司。故現此症。

診斷

嘔吐多有痰涎及食積隨聲而出。乾嘔則有聲而無物。其聲甚厲。有時亦有甚低微者。

傳變

乾嘔不止。內實無物。必至中州脾胃之正氣。隨嘔逆而俱受。不飢不納。漸至羸瘦。故必於其初起時。卽宜治之。

用藥

不可用消痰化積峻劑。以其內無實蘊。徒傷耗中氣。無益也。其用藥如藿香佩蘭陳皮蘇梗雲苓等類。總之以不攻破爲佳。

調理

勿食過冷過熱之品。節其寒溫。更須遠避穢濁之氣。勿使近鼻。則清濁升降自調。而氣自無阻拒矣。

(四)吐虬

病因

虬之所由生。良由傷飢過飽。喜啖生冷腥膾麪藥肥甘等類。脾胃欠運。濕熱之氣。得肝經風木之化。逢人臟腑之虛。則侵蝕于中。

診斷

凡患蟲者。其心當嘈雜。面色痿黃。唇口時紅時白。腹中痛。脈不沉弦而反洪小。是有蛔蟲。熱則生蟲。故脈洪大。

傳變

厥陰吐虬。病勢甚爲劇烈。虬之長者有尺許。每至嘔吐不止。衝氣亦隨而上逆。久久不愈。必眩暈而厥。

用藥

吐虬屬厥陰病。此經陰盡陽生。多寒熱錯雜之邪。宜烏梅丸。安虬丸。或加蕪荑雷丸檳榔。酸苦可以殺蟲。切忌甘草蜜類。

調理

虬雖因濕熱生。畢竟屬于脾虛欠運。苦寒之味。不宜多進。應用溫燥運脾之藥。脾氣健運。濕熱無由而生。

(五)嘔吐要方淺解

大黃甘草湯 大黃甘草

陽明胃氣。以下行為順。若下焦不通。氣必反而上行。此陽明濁氣不降也。此方瀉火緩中。上病治下。腑氣下行。嘔吐自愈。治食已即吐。脈滑數。大便難者神效。

左金丸 黃連吳萸

此方黃連六分。吳萸一分。故又名茱萸連六一丸。治肝火上逆。吐嘔吞酸。內熱苔黃之症。左金所以平木。方名如是。方義亦如是。

藿香正氣散 附子理中湯 見前霍亂門

吳茱萸湯 吳萸人參生薑大棗

治胃陽衰弱。厥陰逆氣上升。頭痛嘔吐涎沫。脈弦而細者宜之。吳萸降逆氣。人參薑棗皆屬補虛之品也。

香砂六君子湯 木香砂仁陳皮半夏人參茯苓白朮炙草

參苓朮草四君子湯。為補脾虛之正劑。加陳半為六君。則見運用之妙。更加香砂。可以燥脾健胃。凡脾胃虛寒。其氣必滯。故多嘔吐。其實無物。得溫補並施。且補中有行。更無妨礙也。

烏梅丸 烏梅細辛附子桂枝人參黃蘗當歸川椒乾薑黃連

此方治厥陰虺厥。有辛附桂歸椒薑之辛溫。大熱連蘗苦寒。合以烏梅重量。得酸苦

殺蟲之用。誠以厥陰寒熱錯雜。而蟲又因胃寒得濕熱之氣而生。治虻藥雖苦寒與辛熱并用。但宜偏于熱。而不當過于寒也。閱此方自知。

安虻丸。人參、白朮、乾薑、甘草、川椒、烏梅。

參朮薑草甘溫補中。川椒烏梅辛熱酸苦合用。脾胃因虛生濕。得風木之氣而生蟲。故其本必須治其脾之虛。而後可奏殺蟲之効。虻因胃之虛寒而內動。用甘溫辛苦以安之。久久服之。可消虻于無形。

第十一章 臧脹門

(一) 水臧

病因 水臧與水腫相同。多由四肢先腫。由於受雨淋濕。飲水過多。脾胃受傷。運輸失職。水毒結聚。鬱而生熱。濕熱相生。清濁相混。隧道不通。腹乃脹大。其人陽虛。則爲寒水。

診斷 腹部脹大。外皮絀急而薄。皮色蒼黃而澤。且食不能暮食。仍時欲飲水。脈浮大者。順。細小者逆。舌苔白膩或微黃。

傳變

久而不愈。臍突出。肚見青筋。皮光如油。脈虛小。是土敗木賊之象。爲不治。若四肢不腫。但腹脹大。由于脾氣虛而不能運行。濁氣滯塞于中。俗名蜘蛛臧。書稱單腹。

脹。最屬險候。

用藥

以培土制水而潔淨府爲上策。內經有雞矢醴方。後之治者。多由化裁。五皮飲。廓清飲。導水茯苓湯皆可用。甚則金匱腎氣丸以益火消陰。然急則治標。葶藶丸禹功丸亦採用。蜘蛛散調中健脾。

調理

水臌最忌鹽醬糟物。恐助腎水之邪。愈後亦宜緩進。當食淡滲理脾之品。嘗自造三冬湯。頗平穩。可試之。

(二) 氣臌

病因

水臌由於水滯。有形而爲實。氣臌由於氣滯。無形而爲虛。推其根原。多由七情鬱結。氣道壅隔。致上不得降。下不得升。內不干于藏府。外常懸于肌腠。內經所謂諸病有聲。鼓之如鼓者。近是。

診斷

腹大皮色不變而厚。鼓空然不堅。按之窅而不起。四肢瘦削。喘促煩悶。脈弦緊。或沉弦。

傳變

人之所恃。惟氣與血。氣鬱不散。勢必藏府受其影響。諸鬱多由乎肝。肝逆尅土。若忽暴瀉。日夜不止。是謂氣脫。多致不治。因致鬱而血瘀。則爲血臌。

用藥

木香流氣散。沉香降氣湯。木香順氣湯等。以理氣降氣。氣散則腹自平。惟適可而止。不宜過度。恐傷正氣也。氣脫用濃煎益智仁湯。可愈。

調理 宜心和氣平。默自靜養。勿悖怒以引氣升。勿憂慮而使氣結。日以一味陳皮代茶飲。甚妙。

(三)實脹

病因 濁氣中阻爲實脹。感于濕滯。傷於生冷。脾土爲困。乾健失常。不能運化精微。水穀

聚而不散。腹爲至陰之廓。脾病則形于外。內經曰。濁氣在上。則生膈脹是也。亦有瘀血凝結下焦而成脹者。

診斷 腹脹而堅。小便黃赤。大便秘結。善忘。體重。臥不安。脉滑有力。每起于旬日間。蓄血

者少腹硬滿。大便色黑。小便清長。發狂善忘。脈沉而結。過用猛烈。反傷脾胃。病退腹脹不可治。或久延而臍凸。利後腹脹急。久病羸乏。喘

急不得安者。是爲脾腎俱敗。無有愈期。至欬嗽失音。青筋橫絆腹上。及爪甲青。嘔吐頭重。上喘下泄者。亦死。

用藥 宜疎利爲主。寬中湯。利中丸。枳實消痞丸。甚者當直清陽明。大小承氣湯主之。蓄

血宜搜逐。桃仁承氣湯主之。甚者抵當湯主之。調理 宜注意飲食。慮其復發。生冷滋膩難化酸收之品。均在禁例。三餐後嚼豆蔻半顆。

極有益。

(四)虛脹

病因

中氣不運爲虛脹。亦由飲食失節。不能調養。戕伐生生之氣。清氣下降。濁氣脹滿。惟實脹則內有實滯。此則全由脾虛。內經曰。飲食起居失節。入五藏。則腹滿閉塞是也。

診斷

腹脹。小便清白。大便稀澹。容顏枯槁。語言低微。食少多脹。脈細微無力。多由經年累月而成。

傳變

腹脹而見身熱。脈大。或腹鳴而滿。四肢清泄。脈大。皆爲逆。十五日而死。若腹大脹。或未清泄。形脫甚。或腹脹便血。脈大時絕。亦爲逆。不過一日而死矣。

用藥

宜補中爲主。白朮散。枳朮丸。香砂六君子湯。雞金散等主之。不效。當補火。以火能生土。桂附萸姜。俱宜採用。

調理

虛脹較實脹尤宜留意。不特病初瘥時爲然。卽瘥久亦宜如是。常服白朮。可保脾土。乾健。

(五) 腹脹要方淺解

鷄矢醴方。雞糞白。無灰好酒。

矢有排泄之功。醴乃熟穀之液。既有補益中土。調和營衛之效。復能使水液從小便而去。水去而腹大自平。爲治腹脹之祖方。

五皮飲。大腹皮。茯苓皮。陳皮。桑白皮。姜皮。

肺氣不達則水停。脾氣不運則水聚。是方利肺和脾。可謂探驪得珠。皆用皮者。以皮入皮也。

廓清飲。陳皮、茯苓、枳實、厚朴、澤瀉、腹皮、萊菔子、白芥子。

瀉水利氣之中。仍寓和中之意。平安可用。

導水茯苓湯。赤苓、麥冬、澤瀉、白朮、桑皮、紫蘇、木瓜、木香、腹皮、陳皮、砂仁、檳榔、燈心。

仿五皮飲意而加利水之品。仲景所謂身半以下宜利小便也。藥雖繁而同歸。取效

當速。

金匱腎氣湯。附子、肉桂、熟地、山藥、茱萸、丹皮、茯苓、澤瀉。

地黃補腎溫肝。藥苓補脾滲濕。益以桂附溫腎而補火。火能生土。復能消陰。並駕齊

驅。宜爾應手取效。

葶藶丸。葶藶、澤瀉、椒目、杏仁、桑白皮、豬苓。

水輕者可健脾而去。微重者可壯火而消。至重者則非攻不克。此方皆逐水之藥。而

妙在杏仁以開肺。所謂肺為水之上源。肺氣利而通調水道。下輸膀胱也。

禹功丸。黑丑、茴香、木香、姜汁。

黑丑逐水。茴香溫中。木香利氣。聊聊數味。面面顧到。禹開九州而洪水治。此方似之。

調中健脾丸。人參、黃耆、蒼朮、白朮、陳皮、半夏、茱萸、川連、椒、碱、澤瀉、沉香、萊菔子、山查、茯苓。

芩、瓜、蘘、蘇子、五茄皮、香附、白芍、荷葉、大腹皮、苡仁、豆蔻

萃溫涼補瀉之品于一方。看似淆雜。却能取效。憶前歲曾治一蜘蛛。令每日服此

丸六錢。三日而減。一週而愈。可知古人製方。自有未易輕議之處。

三冬飲（自製） 用小冬瓜洗淨。破一孔。去釀留子。中實冬葵子。冬朮各二兩。河水三升

淡黃代茶時飲。

氣香而悅脾。味淡而滲濕。去餘氣而不傷正氣。施病後為無上妙品。

木香。流氣散。丁香。檀香。木香。豆蔻。砂仁。藿香。炙草。

芳草多能理氣。方中六味。皆芳香之品。故名流氣。然理氣皆足耗氣。氣耗則意消。故

入炙草以緩之。况更有調中之手段乎。

沉香。降氣散。香附。烏藥。砂仁。沉香。甘草。

用意較上方相類。正以病在氣分。宜須理氣可耳。

木香。順氣湯。木香。蒼朮。草薶。厚朴。青皮。益智仁。陳皮。澤瀉。茯苓。半夏。乾姜。吳茱萸。當歸

人參。升麻。柴胡。

順氣之中。合補氣養血健脾之藥。邪去而正不傷。正旺而邪易却。氣賊之重者。或正

不足者。宜取法。

寬中湯。陳皮。茯苓。半夏。枳實。山楂。神麩。白朮。厚朴。萊菔子。姜

食滯內阻。故用查麩萊菔朴實以消導。土氣不振。故用陳皮白朮半苓以醒脾。攻和並劑。實脹之因食者最宜。

和中丸 前方去朮朴萊菔加麥芽砂仁五穀虫香附

此方以和中爲主。故用藥較前者爲緩。與香砂六君子湯相彷彿。取名和中。蓋有中

和之義焉。
枳實消痞丸 人參茯苓白朮甘草麥芽半夏神麩川樸黃連生姜

四君扶正。枳麥化滯。夏朴豁痰。生姜黃連一苦一辛。治中焦無形濕熱之滿。統觀消導之方。必顧脾胃之氣。蓋和中化滯。去邪而不傷正。斯爲王道之法。今之一味尅伐者。加之意焉。

大小承氣湯 見溫病門。

桃仁承氣湯 見要方補遺。

抵當湯 蟲蟲水蛭大黃桃仁

蟲蟲水蛭一飛一潛之吮血物。在上之熱。隨經而入。飛者抵之。在下之血。爲熱所瘀。潛者當之。配桃核之仁。以將軍之威。一鼓而下矣。惟性猛藥烈。切勿輕試。

白朮散 白朮茯苓陳皮神麩砂仁五穀虫荷葉

合補脾健脾醒脾之品。以治脾氣不足。無形之虛脹。盡善盡美。輕巧可法。惟白朮散

有十餘方之多。宜細辨之。

枳朮丸 枳實白朮荷葉裹飯煑搗丸

枳實之消。白朮之補。益以荷葉裹飯。升胃家清陽。補而不膩。消而不尅。虛脹之肘後方也。

香砂六君子湯 見嘔吐門。

雞金散 雞金沉香砂仁香櫞人參

虛脹以溫補脾土為主。後天之氣一振。百骸自能安泰。若徒利氣。則氣耗而脹愈甚。此方之用人參。所以培真氣。用沉香香櫞。所以運行藥力。非徒利氣也。

第十一章 暑病門

(一) 中暑

病因 內經暑症。卽金匱中熱中暈。多由太陽而入。陽明其應。暑爲熱邪。最易耗氣傷津。

津氣兩竭。勢必內燔。亦有兼風兼濕者。所謂暑風暑濕也。

診斷

身熱或微惡寒。汗出而喘。煩渴多言。倦怠少氣。脈虛數。兼風則發熱惡寒。身重疼痛。小便已。洒然毛聳。手足逆冷。小有勞身卽熱。脈弦細。紮遲。兼濕則身熱疼重。胸悶頭重。妄言多汗。脈微弱。

傳變 中暑一症。起暴而勢急。誤下則邪陷而神昏。發汗則奪津而寒甚。溫鍼則助瘧而

熱甚。數下則劫陰而淋甚。

用藥 中暑宜白虎加人參湯。清血養津而益氣。暑風宜黃連香薷飲。疎清而達邪。暑濕

宜一物瓜蒂散。湧吐而達邪。後人以五苓散加葱豉。或梔豉湯代之亦可。神昏者宜犀角地黃湯。以清心滌熱而安神。

調理 病後津氣兩虛。宜益氣生津爲是。西洋參。天花粉。之品。可常服。宜與溫病門參閱。

(二) 伏暑

病因 先受暑毒。繼爲風寒所閉。漸漸入內。伏於三焦腸胃之間。或秋或冬。久而始發。有

謂曝書曝衣。暑氣未散。隨卽收藏。至秋冬近之而遂發。則近乎附會矣。

診斷 頭痛脘悶。漸至唇燥齒乾。內熱煩冤。或霍亂吐瀉。或腹痛下痢。或瘧疾寒熱。亦有

暑毒深入。熱結在裏。讖語煩渴。不欲近衣。大便祕結。小便赤澀者。與承氣湯症無異矣。

傳變 由氣分延及血分。神呆舌縮。鼻煤唇血。邪已逆傳於膈中。既入營絡。神識漸昏。內

閉外脫。危期至速。

用藥 伏暑宜黃連清膈丸。見霍亂宜藿香正氣散。見痢下宜木香交加飲。見瘧疾宜小

柴胡湯。加香薷黃連竹葉。見便結宜調胃承氣湯。寒涼以清暑。芳香以化濁。辛燥

調理 以理氣。急下以存陰。終不離乎此旨也。大邪雖退。餘熱未楚。慎勿恣啖飽食。內經曰。食肉則復。多食則遺。不可不慮也。

(三) 暑厥

病因 暑穢薰蒸。鬱遏于內。閉塞孔竅。頓失知覺。此暑厥之所由。若忽然中暑。頓時神識

昏迷。名曰暑迷。似厥而實非厥也。當分別論治。

診斷 暑厥多見四肢逆冷。面垢齒燥。二便不通。神志昏冒。脈滑而數。或一厥而熱。便得

汗解。或再三厥而熱。但頭汗出者。仲師所謂厥深熱亦深也。暑迷則昏迷不省。欲睡懶語。手足或亦厥冷。惟不若厥之勢急耳。

傳變 暑迷過服寒涼。必至吐利不止。煩燥多渴。外熱內寒。狀如傷寒論之陰盛格陽。若

再誤投寒劑。其命立傾。

用藥 前者先用牛黃丸至寶丹等。以芳利竅。神甦後。再用連翹心。竹葉心。玄參。生地。

麥冬。天冬之屬。以清涼血分。後者先用星香湯。加香薷以清神利竅。神甦後。再用香薷飲。急則治標。乃不易之法也。過服寒涼者。縮脾飲加附子冷服之。

調理 厥後當清心養神。蓮子糯米同煮時飲。迷神後。宜稍帶溫。用陳皮佩蘭代茶飲。甚

佳。

(四) 暑瀉

病因 暑病中人。挾濕挾滯。擾亂腸胃。腸胃受傷。乃爲暑瀉。亦有暑月煩渴。引飲過多。脾

胃停積冷濕而成。全屬寒證。與上有差。

診斷

挾濕滯而瀉者。症見煩渴。溺赤。腹痛陣瀉如水。日夜無度。自汗面垢。積冷濕而瀉者。症見腹痛喜按。泄瀉直注。口或渴。必熱飲。全屬太陰爲病。因當暑令。故治暑瀉云。

傳變

大瀉之後。暑濕併去。似已邪無所留。不知久瀉傷陰。瀉而不止。變故正多。詳載泄瀉門中。宜參閱之。

用藥

前者以清暑化濁爲主。宜桂苓甘露飲加減。君以黃連。佐以葛根升麻之屬。後者以溫中健脾爲主。宜大順散加減。君以生姜。佐以蒼朮藿香之屬。久瀉不已。主其虛殆。亟宜玉龍丸用之。萬不可施通因通用之法。

調理

善後之法。不難於泄瀉門中尋覓。隨機應變。存乎其人。所謂與人以規矩。不能與人以巧也。

(五) 暑病要方淺解

白虎加人參湯。黃連香薷飲。調胃承氣湯。九黃丸。至寶丹。小柴胡湯。見前

溫病門。五苓散。藿香正氣散。見前霍亂門。

梔鼓湯。見前傷寒門。

瓜蒂散 瓜蒂。

瓜蒂苦寒。能吐能下。濕氣既去。暑亦隨解。為治中暑之祖方。

犀角地黃湯 犀角地黃芍藥丹皮。

芍藥和陰。生地涼營。丹皮清肝熱。犀角解心火。心主生血。肝主藏血。血清而心肝之

熱除。神自清矣。

黃連清膈丸 黃連麥冬黃芩。

三者皆清心肺之品。心肺一清。邪自却走。暑傷氣。麥冬又補氣陰。是以少許勝多許

也。

木香交加飲 藿香正氣散六和湯合成。

正氣本芳香化濁。六和又治暑挾濕。暑症下痢。必兼濕滯。用之最為適合。

星香湯 南星木香生姜。

神志不清。有寒熱之分。暑為熱邪。不宜服辛燥。惟此方最宜。特體不實者忌之。

縮脾飲 砂仁烏梅草果甘草乾葛蒲豆。

暑迷一症。含有濕氣。濕性緩。故為迷。恣用寒涼。阻塞氣機。本方中正和平。以理其脾。

或加附子者。寒甚而通其陽耳。

桂苓甘露飲 五苓散加石膏滑石寒水石。

五苓利濕。濕去而瀉自止。三石清暑。暑散而中自和。合而成方。斯得其全。

大順散。生姜、肉桂、杏仁、甘草。暑月停飲。中宮之寒可知。故用姜桂以散寒。杏仁以泄降。若以暑月而用涼劑。則殆矣。

玉龍丸。硫黃、硝石、滑石、明礬。

久瀉不止。治宜溫瀉。故用硫黃之溫。明礬之瀉。用滑石者。利水所以實便也。

第十三章 腳氣門

(一) 濕腳氣

病因 腳氣壅疾也。內經無此名。或謂即緩風濕痺。余意素問自蹠跛風寒濕之病一語。疑即此症。多因地氣卑濕。或脾不運化。寒濕下注。襲入足脛。經絡皮肉。無他疾而卒然得之者是。或由病後而漸得之。宜究原別治。

診斷 初起甚微。人多不覺。逐漸腳軟弱。不便步履。自跗至膝。麻痺浮腫。以指按之。窅而

不起。脈遲濡。甚則寒熱。或腹痛下利。飲食減少。皆有風濕為患也。

傳變 治不如法。則厥氣上升。濕濁不降。不降則由膝上犯而入腹。衝胸欲絕。嘔噎腹脹。

或入脅而作痞。皆屬危候。慎之慎之。

用藥

治法以利濕疎風爲主。佐以開肺之品。肺爲水之上源也。宜鷄鳴散。除濕湯。葫蘆巴丸。加減與之。初起以木瓜。檳榔。吳萸煎服。頗能取效。入腹宜千金半夏湯。入脅宜用杉木節湯。

調理

病後慎房室。息悖怒。飲食亦宜注意。若羊牛肉。鮮魚。蔓青。麵食。生果等。均當戒絕。曾治一人。喜麵食。屢勸不改。卒以不治。殊可畏也。

病因

(一)乾脚氣

千金方云。脚氣有冷有熱不同者。足有三陰三陽。寒中三陽。所患必冷。疑卽濕脚氣也。暑中三陰。所患必熱。疑卽乾脚氣也。蓋陰傷則熱熾。下流則脚無力而痿弱。凡多服乳酪醇酒及濕熱之物。皆能致之。勢較由於濕者爲甚。

診斷

此症脚屈弱不能動。飲食如常。大致與濕脚氣無異。惟濕脚氣則腫。此則不腫。爲大異耳。惟其不腫。治者每易忽略。甚有轉輾以死者。可憫孰甚。

傳變

久延不退。則火氣逆上。衝心滿痛。二便俱阻。是謂脚氣衝心。險症也。當分體實體虛而分別施治。不得與脚氣入腹等視。

用藥

治法以潤血清燥爲主。以血虛則熱淫也。宜羌活續斷湯。四物湯。與之。衝心而虛者。宜金匱八味丸。或四物湯加黃柏。實者。宜用金鈴子散加黃柏。

調理

禁忌略同濕脚氣。而酒類。鷄鵝。葱蒜。椒姜。韭薤等。尤不可犯。犯者皆不可瘥。張氏

醫通羅列甚詳。宜與參觀。凡此之屬。病家多不留意。當曉諭之。

(三) 脚氣傷寒

病因 人之營衛週于身。循環肢體。無所不至。或水濕。或濕熱。熱于兩足。兼受外感風寒。行動經絡之濕。因而營衛不和。便成此症。

診斷 腿脚腫痛。步履重着。濕氣重者。甚至足熱如火烙。而痛不可近。且往來寒熱。狀類傷寒。故有此名。

傳變 凡患此者。亦有六經之傳變。而濕熱入絡。久腫不愈。易成痿症。及鶴膝風等候。表氣實而無汗者。急宜解表發汗。于辛溫藥中。少加利濕之品。如攢風散。合五皮

用藥 飲等類。若熱退足軟。將成痿症者。宜二妙丸。虎潛丸之類。此症寒熱愈後。濕熱注絡。易成痿症。已如上述。宜時用冬瓜苡仁煎湯代茶。可以

調理 清化濕熱而養胃陰。

(四) 脚氣要方淺解

鷄鳴散。紫蘇。木瓜。檳榔。桔梗。陳皮。生姜。吳萸。

吳萸降逆。生姜溫中。檳榔下氣。木瓜理濕。氣行則濕去。濁降則腫退。其用蘇。桔。陳。以開肺快氣者。內經所謂肺爲水源。通調水道。下輸膀胱也。雞鳴服之者。秉陽升陰未逆之際。藥力易達也。

除濕湯。六君子加藿香、蒼朮、大腹皮。

六君健脾化濕。三物利氣寬中。敦阜以制水。經訓固昭然也。惟以脾胃不能運動。水濕下注者為宜。東垣謂腳氣有內外二因。此即治內因也。

葫蘆巴丸。葫蘆巴、破故紙、木瓜。

濕為陰邪。利之不已。即宜溫通。此方頗為可法。惟藥少性薄。擬與雞鳴散參酌加入。收效自速。

千金半夏湯。半夏、人參、桂心、乾姜、附子、炙草、細辛、蜀椒。

壯陽降逆。為此方之大旨。蓋寒濕上攻。勢已危殆。不壯陽何以蠲陰霾。不降逆何以制邪勢。今人往往執雞鳴散一方以統治腳氣。曷足與語此。

杉木節湯。杉木、橘葉、檳榔。

杉木為祛風濕之良品。檳榔乃利濁氣之要藥。而妙在橘葉一味。以疎肝。肝主疎泄。肝氣逆則邪隨逆。肝氣降則邪亦降。寒濕入脅。脅乃肝膽之分。固更作引經藥也。

羌活續斷湯。羌活、續斷、細辛、防風、秦艽、白芷、人參、地黃、當歸、白芍、茯苓、桂枝、牛膝、杜仲。血液少則陰虧而熱。筋失養則無力而弱。故方中用歸地芍以養血。斷膝仲以補陰。

秦艽所以活絡。桂枝所以和榮。惟羌辛防芷等辛燥之品。宜酌減。又一足發者。名曰偏痿。亦主之。

四物湯 見要方補遺。

金匱八味丸 見前噉脹門。

大腹子散 大腹子、紫蘇、木通、桑白皮、羌活、木瓜、荆芥、赤芍、青皮、獨活、枳殼。

脚氣至衝心。命已在頃刻。亟宜桑皮通草等以瀉熱。枳殼赤芍等以下降。惟體虛者忌之。按大腹子即檳榔實。功效與檳榔相埒。

金鈴子散 酒煎金鈴醋炒延胡。

肝主疎泄。水濕之聚。多由肝木失于疎泄所致。其症必脚腫腹麻或痛。急宜此方疎泄之。條達木氣。濕自下行矣。

攢風散 麻黃、桂枝、杏仁、甘草、葶藶、炮川烏。

此方專治初病脚氣。表實無汗。而外有寒熱等症。急宜汗之。此方即麻黃湯中加葶藶以化濕。川烏以溫經通絡也。若腫甚洩少。宜合五皮治之。

五皮飲 見前腫脹門。

三妙丸 虎潛丸 見前痿痺門。

第十四章 疸病門

(一) 陽黃疸

家庭醫藥常識 疸病門

病因

喻嘉言曰。夏月天氣之熱。與地氣之濕交蒸。人受二氣。內結不散。發爲黃疸。與盞醬無異。沈金鰲亦云。脾胃濕熱鬱蒸。漸致身目如金。是黃疸之病。總不外濕熱所致。內經謂濕熱相交。民病疸。足以蔽之。

診斷

濕熱屬陽。故曰陽黃。後世所稱。所以別陰黃也。其症多見一身黃色。色明如橙。煩渴頭汗。消穀善飢。小水赤滯。大便祕結。脉必滑數。責在胃府濕熱泄越于上。故多與胃家實相彷彿。

傳變

黃疸不去。濕熱留滯。而飽啖恣食。食積于中。或蟲起於下。則成黃胖症。身黃而腫。必吐黃水。毛髮皆直。大抵疸屬暴病。故仲景以十八日爲期。黃胖爲緩病。有久而不愈者。

用藥

宜清化濕熱。佐之以下。佐之以下。所以廓清胃府。茵陳蒿湯主之。輕者梔子柏皮湯主之。黃胖宜腿金丸與之。

調理

陽黃屬胃。陰黃屬脾。脾宜溫。胃宜涼。脾宜運。胃宜通。病後時服佩蘭梗菡豆衣生苡米新會皮等。芳香化濁。靈巧無礙。佳品也。

(一) 陰黃疸

病因

黃疸由濕熱釀成固矣。亦有不盡然者。漢張仲景云。傷寒汗已。身目爲黃。以寒濕在裏不解故也。則非但濕熱發黃。寒濕亦發黃。惟寒濕少而濕熱多。故多側重濕

熱。

診斷

寒濕屬陰。故曰陰黃。證亦身目爲黃。惟色如烟薰。而不若陽黃之鮮明。肢體重着。身寒胸痞。腹滿趺臥。自汗自利。小便渾少。渴不欲飲。甚則嘔吐。一派寒濕之象。

傳變

寒濕傷脾。脾陽不運。則成腫脹。以陰黃多屬太陰。腹爲太陰之外廓。古人謂疸久不愈。則補脾。卽指此症而言。

用藥

宜運脾溫化。茵陳茯苓湯。茵陳四逆湯。酌其輕重與之。成腫脹者。茯苓滲濕湯主之。

調理

脾不健。則濕不去。是欲除其濕。當先理脾。防濕之法亦然。宜時服香砂六君子湯。黃疸善後。以大麥代茶飲。頗佳。

(二)女勞疸

病因

女勞無度。脾中之濁陰下趨入腎。脾腎之色外現。故身黃而額黑。仲景所謂以女勞得之。與陽黃之由濕熱。陰黃之由寒濕不同。或謂男子精動。則一身之血俱動。

眞陽爲血所壅閉。血瘀不行所致云。

診斷

額上黑。微汗出。手足中熱。薄暮卽發。膀胱急。小便自利。大便黑。爲女勞疸之的證。身亦黃。而仲景不言者。當有脫略。喻氏所謂女勞之疸。惟言額上黑。不言身黃。簡

文也。

傳變

腹滿者難治。腹如水狀不治。誤下之則成黑痘。額黑。甚至身漸黑。足熱便黑。爲土敗水溼之象。最爲險惡。初起形神未槁。猶可施治。若病久肌膚消燦。眞元告匱。則難回榮於竭澤矣。

用藥

初起亟宜硝石礬石散與之。滌熱而不傷胃。最忌攻下。攻下而成黑痘者。黑痘湯與之。

調理

女勞痘由于自誤。黑痘由于人誤。質言之。皆人造之病。人造之病。厥惟攝生可療。慎食飲。禁房室。是所要耳。

(四) 痘病要方淺解

茵陳蒿湯 茵陳蒿 梔子 大黃

君以推陳致新之茵陳。佐以屈曲下行之梔子。不用枳朴以承氣。與芒硝之峻利。但用大黃以潤胃中。則大便不能遽行。必一宿而腹始減。黃從小便去矣。

梔子 柏皮湯 梔子 柏皮 甘草

濕氣鬱蒸。而有成實之裏。前方主之。若無可下裏證。此方清之。故用柏皮之苦寒。解濕熱之蒸。梔子之苦寒。散濕熱之鬱。使從膀胱而出。更以甘草和之。而病可除矣。

腿金丸

針砂 香附 白朮 蒼朮 陳皮 神麩 麥芽 厚樸 甘草

黃胖多由濕熱與食積所致。方中以消食爲主。食積去則濕熱亦隨而去。是爲取巧

法况消食多健土之品。土強而吐自止。腫自退。方出正傳。極等其能。有以也。

茵陳五苓湯。茵陳、茯苓、豬皮、澤瀉、肉桂、白朮。
此方即五苓散加茵陳。黃疸由濕熱瘀鬱。非茵陳推陳致新。不足以除熱退黃。非五苓轉輸利濕。不足以發汗利水。二者合用。有表裏兩解之妙。

茵陳四逆湯。茵陳、乾薑、附子、甘草。

附子乾薑之辛甘大熱。散其中寒。更以茵陳之氣輕浮者。佐薑附以去膚腠間寒濕。而退其黃。布意精警。是善用古方者。

茯苓滲濕湯。茵陳、茯苓、豬苓、澤瀉、白朮、蒼朮、陳皮、黃連、山梔、秦艽、防己、葛根。

方名滲濕。實具和運中宮之妙。正所謂疸久不愈。則補脾。可知陰黃疸處處以旋轉。至陰爲要。舉一反三。全權在握矣。

硝石礬石散。硝石、礬石。

因女勞而成疸者。血瘀不行。非急去膀胱少腹之瘀血。萬無生路。乃取礬石以滌除瘀垢。硝石以破積散堅。二味相胥。銳而不猛。此方有妙用也。

黑疸湯。茵陳、瓜蒌。

疸因女勞。精傷可知。復下而變黑疸。益傷其津。其爲黑色。乃腎敗之徵。故不用硝礬散之消散。而用瓜蒌之滋潤。服之而小便下黃水者佳。不下再服之。

第十五章 吐衄門

病因

(一) 臟血

吐血之症。縱有外感內傷。而以藏府爲主。蓋血稟水穀之精華。生化於脾。宣布於肺。統於心。藏於肝。化精於腎。陰平陽秘。何病之有。一有偏傷。或感勞怒。則迫而上升。大抵由於肺者。多本金燥氣鬱。由於肝者。多本怒動木火。肝陰傷而肝陽獨旺。由於腎者。多本房勞斷傷。陰虛失納。陽虛不攝。由於心脾者。多本思慮過度。仲景所謂心氣不足則吐血。因此而致者。皆屬臟血。亦卽內傷也。

診斷

欬嗽吐血。血出散漫不聚者。肺氣傷也。欬嗽吐血。兩脅作痛者。肝氣逆也。吐血而神勞心悸者。心氣損也。吐血而神疲惡聞食臭者。脾氣傷也。吐血驟至。行動喘促者。元海虛而龍燄升也。此臟血之見證。若粉紅者。肺血。赤如硃漆光者。心血。鮮稠濃紫者。脾肝血。痰唾雜紅絲紅點者。腎血。尤可望而知之矣。

傳變

血以調和五藏。灑陳六府。灌輸百脈。清而純者爲守藏之血。清中之濁者爲府絡之血。清中之清者爲營經之血。吐血久而不已。勢必現貧血之象。面色晄白。神疲乏力。納穀不香。中氣不足。若勞瘵虛損之類。蓋血無以奉養於周身也。至於脈見實大。或小而疾。或欬出白血。似肉似肺。色作淺紅。則皆死矣。

用藥

屬心者宜天冬湯。屬脾者宜歸脾湯。屬肝者宜加味逍遙散。屬肺者宜六味丸加麥冬五味貝母。屬腎者審其爲陰虛而與青鉛六味飲以壯水鎮陽。陽虛而與肉桂七味丸以導火歸原。繆仲諄曰。吐血宜行血不宜補血。行血令循經絡不止自止。宜降氣不宜降火。氣降則火降。自無溢出之患。語頗可味。然清熱養陰之品似不可少。惟不當一味滯膩耳。

調理

吐血之源不外火與氣。血得火而動。得氣而升。然火無氣其勢不猛。故吐血善後一切辛辣香燥之物。若辣椒胡椒等品均宜戒絕外。對於靜養身心尤爲要着。使心平氣和。自然身泰康甯。此孔明所以有澹泊寧靜之訓。亦不獨吐血爲然。百病皆當如是也。

(一) 腑血

病因

五藏皆有見紅症。惟六府則但胃有之。故或稱腑血爲胃血。誠以大腸小腸無血。三焦皆油膜。膀胱屬水道。惟陽明爲多血多氣之海。又爲溫熱之藪。熱動火升。氣逆血迫而溢於口矣。然亦有飲酒過多。損傷胃家而致者。類證治裁歸之不內外因要亦腑血之一也。

診斷

五藏之血其來少而緩。胃血則血來如潮湧。頃刻盈盆。其色鮮濃。火之象也。出不即凝。熱之徵也。脈右堅。葉香岩曰。失血之脈。右堅者治在氣分。係震動胃絡所致。

左堅則肝腎陰傷矣。其飲多傷胃者。必現面紅氣粗之象。可問而知也。肺血浮。肝腎血沉。胃血浮中。

傳變

胃爲六府之長。血出過多。時有昏冒之患。所以然者。胃熱薰心。心主爲之不甯。脾受其累。無以化生精微也。亦有因吐血而同時鼻衄者。以陽明之脈絡於額。不必治衄。但當治本。本源清而自止矣。

用藥

府血初發時。急以還元湯飲之。立定。然後投以犀角地黃湯加桃仁藕汁童便。極效。傷酒者宜葛黃散或六君子湯加香砂葛花。按此症其來驟而其勢猛。而其病實較藏血爲輕。蓋無非胃火升騰。不若藏血之由於五志之火。七情之鬱也。嘗治二人。用上列二方。收效極速。

調理

胃血調理之方。略與溫病同。總以調養胃陰爲貴。憶葉天士曾有一方。頗平正可法。方用生蕭荳。茯苓。沙參。苡仁。貝母。百合。瓜蒌根。茜根。三劑可斷恙。無勞覓丹藥云。

(二) 衄血

病因

經云。陽絡傷則血外溢。血外溢則衄血。有鼻衄耳衄眼衄齒衄肌衄等等之分。但除鼻衄外。餘證皆不常見。故後世以衄爲鼻紅之專稱。然推以治他衄。亦多有効。所謂其理一也。其感溫熱火邪。或風寒壅盛於經而發者。是爲外因。其有怒傷肝

診斷

陰。慾傷腎精。陰虛陽浮而發者。是爲內因。亦有飲酒過量。努力負重而發者。是爲不內外因。然不論內外虛實。多責之熱。熱則迫血妄行而溢出也。

身熱口渴。胸滿脈實血紫。此得之溫熱火邪者。血出而表症仍在脈浮。昔人謂之紅汗。此得之風寒者。面青而脈弦。得於大怒。責之肝浮氣逆。煩心而內熱。得於慾傷。責之腎虛陽亢。若傷酒者。則酒升血沸。面赤多汗。努力者。則傷中損絡。自汗怠倦。以此爲別。

傳變

衄血由於熱固矣。然須辨其實熱虛熱。實者瀉之。虛者補之。若純用寒涼滯膩。每易貽禍。弊與溫病彷彿。宜參閱之。若流血不止。漸至九竅出血。極形危殆。兼身熱不得臥者。死不可治。或脈見洪數實大弦急。及雖小而按之如引葛如循刀者。均屬陰虛血虧。陽熱亢盛之徵。亦難治。

用藥

屬於溫熱者。宜辛潤清涼。七汁飲生地黃飲主之。屬於風寒者。宜祛邪和榮。桂枝湯麻黃湯主之。得之怒者。宜加味逍遙散。得之慾者。宜七味都氣丸。得之飲酒者。宜四生丸。得之負重者。宜保元湯。九竅出血者。犀角湯主之。或瀉熱。或養陰。或祛瘀。當隨證而治。探原而施。有其症則用其藥也。

衄血之後。凡因溫熱者。切戒辛辣之品。因怒者。極力潛心靜養。他若因慾。因酒等。均宜自加戒懼。否則每易復發。元氣已傷。且多加劇。不可不慮。有於發時以生地

調理

納鼻。或冷水浸額。頗能取效一時。預備急救之方。輕而易舉。因附及之。

(四)吐衄要方淺解

天冬湯 人參、黃耆、當歸、芍藥、地黃、甘草、二冬、遠志、阿膠、沒藥、藕節、薑

參著補氣以攝血。地冬涼血而寧心。歸芍調血。藕節祛瘀。用治心氣虛而吐血。可謂

面面俱顧。今人一味涼止。去古遠矣。

歸脾湯 人參、白朮、茯神、棗仁、龍眼、黃耆、當歸、遠志、木香、甘草、薑、棗

補脾脾之氣。而養心脾之血。心生血。脾統血。心脾旺而血有所歸。肺主氣。肺旺而血

有所攝。凡脾虛而便血者。亦宜之。

加味逍遙散 犀角、地黃湯 見要方補遺。

六味地黃丸 地黃、丹皮、茯苓、山藥、澤瀉、吳萸、

加青鉛。名青鉛六味飲。加肉桂。名肉桂七味丸。加五味子。名七味都氣丸。

景岳謂欬嗽吐血。皆源於腎。腎脈入肺。肺腎相聯。腎水虧則火炎金。病之標在肺。其

本固由腎。與六味以壯水。加麥味以清金。標本並施也。陰虛失納者。加青鉛以鎮陽。

陽虛不攝者。加肉桂以導火。或加五味子以斂之。

還元湯 童便去頭尾。溫服。

童便乃真陰。又無嗜慾。以之滋腎降火。誠治血之妙劑。或加藕汁和服尤佳。

葛黃散 葛花、黃連、大黃

葛花爲醒酒之妙品。黃連乃解熱之要藥。更加大黃以微下其濕熱。用治傷酒吐血之良方也。

六君子湯 見前痰癆門

七汁飲 韭汁、藕汁、荷葉汁、墨汁、側柏汁、生地汁、童便

萃清熱涼血祛瘀之品於一爐。用汁而不以湯。配合周匝。藥力專猛。治溫熱衄血。極

簡便靈驗。

生地黃飲 二地、杞子、阿膠、白芍、地冬、側柏葉、地骨皮、黃芩

養陰清熱。爲此方主之。蓋熱傷陰。陰傷則熱愈無忌。用意可謂周到。惟當於服前方

後投之。則收效尤佳。否則恐邪爲膩滯耳。

桂枝湯 麻黃湯 見前傷寒門

四生丸 生艾葉、荷葉、側柏葉、生地

酒爲陽。故易升騰。厥性熱。故易傷營。飲酒衄血。爲恆有之事。宜備此方服之。和平中

正。較葛黃散爲輕。徐氏甚稱其能有以也。

保元湯 人參、黃耆、白朮、炙草、陳皮

脾主肌肉。勞力傷脾。脾虛則失統攝之權。而血外溢。故方中均用參耆朮草等補脾

之品。脾氣足而血自止。繆氏所謂不止自止也。若見血而投寒涼。則益傷其本矣。安望愈哉。

犀角湯。犀角、黃連、荊芥炭、小蘗、龍骨、黃芩。

心生血而主脈。故以犀角爲君。直清少陰之熱。更佐以芩連。使以荊蘗。不治其血而但治其熱。熱去則血無所依也。費氏治血證。每用此法。留意及之。

第十六章 哮喘門

(一) 熱哮

病因。哮者。氣爲痰阻。呼吸有聲。當暑月火盛之時。痰熱內鬱。留於肺絡。熱壅氣逆而致者。是爲熱哮。靈樞雜病篇云。中熱而哮是也。

診斷。喉若拽鋸。甚則喘咳。不能臥息。身熱口渴。脈滑數。一派痰熱之象。且多病于木火體質之人。

傳變。哮之爲病。非朝夕所發。宿根積久。隨感隨起。雖無特殊傳變。然見胸突背駝。此爲

肺絡敗於法爲不治。

用藥。宜清疎。禁用熱劑。恐痰火更升也。桑白皮湯以清其肺。勢猛者。先以四磨飲逆而折之。

調理 熱喘善後。書多失略。卽病家亦置而勿問。殊非除惡務盡之旨。余曾研製一方。用

阿膠馬兜鈴杏仁三味時服。頗有效。

(二)冷哮

病因 貪涼露臥。風寒外束。膠痰與陽氣併於膈中。不得洩越而致者。是爲冷哮。書謂遇

風寒而發者是也。

診斷 冷哮有二。一則中外皆寒。現惡寒痰多脈沉細等象。俗所謂老痰風。一則外寒內

熱。現惡寒口渴脈浮數等象。俗所謂寒包熱。

傳變 冷哮皆由痰飲積於胸中。留而不去。一遇金風。卽引動而發。久不已。恐變支飲懸

飲之屬。益屬根深蒂固矣。

用藥 宜辛散。禁用涼劑。恐風寒難解也。冷哮丸以祛寒痰。寒包熱者。越脾加半夏湯以

散外而清內。

調理 患冷哮者。必脾腎陽虛。往往老年人多患之。宜平時健脾攝腎。四君子湯腎氣丸

主之。腎陽壯則津液化。脾陽健則痰不聚。

(三)實喘

病因 實喘者。肺感邪氣。氣道壅塞。升降出納失常。經云。邪入六府。則身熱不時臥。上爲

喘呼。又云不得臥。臥則喘者。水氣客之。此舉喘之實者也。

診斷

實喘之症。其來驟。其脈實。喘時胸脹氣粗。聲高息涌。不得臥。臥則甚。澎澎然若不能容。惟以呼出爲快。責在肺也。

傳變

實症易治。攻之卽愈。因循失察。則鬱化爲火。肺葉焦腐。釀成肺癰之候。若喘而腹滿。大便溏泄。則死矣。

用藥

輕者定喘湯。重者麻杏石甘湯。葶藶大棗瀉肺湯。漸成肺癰者。千金葶藶湯與之。實喘垂愈。以生熟苡米煎湯代飲。清熱理濕。而天氣清地氣肅。可法也。

(四) 虛喘

病因

虛喘者。腎元虧損。腎氣不納而上出於肺。肺爲氣衝。不能自主。經云。秋脈不及。令人喘。又云。勞則喘息。汗出。此明喘之虛者也。

診斷

虛喘之症。其來徐。其脈虛。喘時慌張氣怯。聲低息短。惶惶然若氣欲斷。提之若不能升。吞之若不相及。勞動則甚。但得引長一息爲快。責在腎也。

傳變

虛喘而見火從臍下逆衝而上。似喘非喘。吞若不及。爲元海根搖。虛而欲脫之象。急須峻補。鎮攝丹田。

用藥

虛喘七味都氣丸主之。欲脫者。前方加人參河車石英青鉛元武板主之。

調理

病後亦可時服七味都氣丸。每次三錢。早晚各一服。戒絕房事。操勞受寒。庶不復發。

(五) 哮喘要方淺解

桑白皮湯。黃芩、黃連、杏仁、貝母、梔子、半夏、桑皮、蘇子、薑。

肺主一身之氣。痰熱留戀。則呼吸喘迫。此方有芩連之清熱。杏貝之化痰。桑皮之瀉邪。蘇子之降氣。熱清痰化。邪瀉氣降。治節安有不肅者哉。

四磨飲。人參、沉香、檳榔、烏藥。

三物調氣降逆極速。而人參尤補氣調中。邪去而正不傷。或謂體實者以枳實易人參。殊覺不倫也。

冷哮丸。麻黃、杏仁、細辛、甘草、南星、半夏、川烏、川椒、白礬、牙皂、紫苑、款冬、神麩。

此少變麻黃附子細辛湯法。而合稀涎散以涌泄其痰。為開發肺氣之剛劑。但專司疎泄。而無溫養之功。氣虛少食者忌之。

越婢加半夏湯。麻黃、石膏、甘草、薑棗、半夏。

麻黃以祛外寒。石膏以清內熱。半夏以豁痰濁。用治寒包熱之哮喘症極妙。况麻黃更有開肺之功乎。

四君子湯。見前痰癆門。

金匱腎氣丸。見前跛脹門。

定喘湯。麻黃、杏仁、黃芩、半夏、甘草、白果、款冬、蘇子、桑皮。

合溫肺降逆。泄肺散寒。清肺化痰之品。以治感受時令風寒錯雜之邪。而咳嗽哮喘。痰黏窒塞者。極當若邪已化熱。則宜下方矣。

麻杏石甘湯 見前咳嗽門。

葶藶大棗湯 葶藶大棗

葶藶瀉肺中鬱熱而降氣。上焦有逆滿之氣。故痰喘。用以爲君。佐大棗之甘緩。以緩其性。則痰喘平而肺胃之元氣不致大傷。斯爲善治。益見仲景方之可寶也。

葶藶湯 葶藶 苡仁 瓜瓣 桃仁

葶藶清肺胃之壅熱。瓜瓣桃仁破血瀉瘀。苡仁清肺下結。看似無奇。而治肺癰頗驗。

古方多有不可思議者。此其一也。

七味都氣丸 見前吐衄門。

第十七章 三消門

(一) 上消

病因 上消者。心肺爲病。內經謂心移熱於肺。傳爲隔消。又謂心肺脉微小。皆爲消瘵是也。

也。肺本燥金。心復移以熱。火燥相合。因而隔上焦煩。乃氣分受傷。陰血暗耗之候。簡言之。卽津液枯也。

診斷

膈上焦煩。大渴引飲。飲而善消。舌上赤裂。咽如火燒。小便頻數。病屬上焦。謂之隔消。易老所謂上消者肺也。多飲水而少食。大便如常。小便清利也。

傳變

肺主氣。其能通調水道而有制者。賴心君火時與以溫氣而爲之主。故曰肺合皮毛。其主心也。火盛固足患。火衰亦有害。經曰。心移害於肺。肺消。飲一溲二。死不治。所以然者。金冷氣沉而不得升。猶下有溝瀆。上無雨露也。

用藥

宜清心火。養肺陰。降心湯。麥門冬飲主之。用藥主乎清養。不可用重降之藥。以藥過病所。必不効矣。如五汁飲之類。可加減用之。

調理

上消愈後。不必服藥。但以蓮心糯米羹食。收效甚佳。此法得之沃山寺某僧所授云。

(二) 中消

病因

中消者。脾胃爲病。內經謂瘴成爲消中。又謂邪在脾胃。陽氣有餘。陰氣不足。則熱中善飢是也。夫陽明雖氣盛熱壯。然以血多津守。未嘗有所飢。今言其飢。則陽盛而傷陰。枯其津液。故時欲飲食以濟之。

診斷

多食善飢。精微不榮肌肉。自汗。大便堅。小便數而甜。病屬中焦。謂之中消。易老所謂中消者胃也。渴而飲食多。小便赤黃也。

傳變

喻嘉言曰。消渴之患。常始於微。而成於著。始於胃。而極於肺腎。始如以水沃焦土。

水入猶能消之。既而以水投石。水去而石自若。可知陽明過亢。雖不飲一洩二。而其死正速。內經有消瘴脈實。大病久可治之說。殊不能一例也。

用藥

宜下其熱。調胃承氣湯主之。所謂亢則害。承乃制也。然後以蘭香飲子和之。清中焦脾胃之熱。便燥難。略兼瀉法。與上消專用清養不同。

調理

病後不宜服膏粱芳草石藥之屬。石藥發癩。芳草發狂。芳草之氣美。石藥之氣悍。二者其氣急疾堅勁。非和平者不可服也。况中消內熱哉。當與玉泉散。

(三)下消

病因

下消者。肝腎爲病。內經謂洩頻數而膏濁不禁。肝腎主之。又謂肝腎脈微小。皆爲消瘴。是也。坎之爲象。一陽居於二陰。腎陰久虧。孤陽無依。蒸燠肺金。肺被火燠。不能管束津液。上朝咽隘。而反輸下矣。

診斷

煩躁引飲。飲水不多。隨即尿下。小便多而濁。腿膝枯細。骨節痠疼。病屬下焦。謂之腎消。易老所謂下消者腎也。小便濁淋如膏油之狀。面黑耳焦而形瘦也。

傳變

下消多由胃熱下傳。或由於石藥耗其真。女勞竭其精。則陽強於外。陰不內守。腎者胃之關。關門不開。則水無輸泄而爲腫滿。關門不閉。則水無底止而爲消渴。漸成飲一斗洩一斗之證。危矣。

用藥

宜滋陰降火。人參茯苓散主之。六味地黃丸亦主之。飲一洩一者。金匱腎氣丸主

之下消主乎肝腎。虛多實少。與中消之可用涼瀉者又異。

調理

下消西人謂之甜尿病。前度中醫學會討論會。有謂當與羊肉。余謂終不若時服六味丸之爲佳也。識者以爲何如。

(四)三消要方淺解

降心湯

天花粉、人參、遠志、當歸、熟地、茯苓、黃耆、五味子、甘草。

上消雖由心火上炎。終屬腎水不濟。是方有清心之品。卽有滋腎之品。極爲合法。趙養葵所謂人之水火得其平。氣血得其養。何消之有。

麥門冬飲

麥冬、知母、天花粉、人參、五味子、葛根、茯神、生地、甘草、竹葉。

此方卽生脈散加味。人參補肺氣。麥冬保肺津。五味子斂肺納氣。而益腎。上消肺液枯槁。能保肺養津。况更有葛根以升清。知母花粉以清熱。竹葉以涼心乎。

五汁飲

見前溫病門。

調胃承氣湯

見前溫病門。

蘭香飲子

石膏、知母、甘草、防風、人參、蘭香葉、連翹、荳蔻、桔梗、升麻、半夏。

消渴善食而瘦。二便結數。此方和之。用半夏者。所以微開其痰熱。卽熱因寒用之類。故入門僅用二分。後人多疑而棄之。失其本旨矣。

玉泉散

天花粉、粉葛、麥冬、生地、五味子、甘草、糯米。

甘寒益津。用清陽明之熱。極中正之能事。名曰玉泉。有瓊漿玉液之意焉。醫鑑謂治消渴之聖藥。信哉。

人參、茯苓散

滑石、寒水石、甘草、茯苓、乾葛、黃芩、薄荷、大黃、連翹、人參、白朮、澤瀉、桔梗、梔子、花粉、縮砂

下消由於腎虛熱亢。然尿濁如膏。驟難議補。故方中皆清熱通利之品。小便清利。然後以後方與之。

六味地黃丸

見前吐衄門。

金匱腎氣丸

肉桂、附子、地黃、山藥、吳萸、茯苓、丹皮、澤瀉

此方有引火歸元之特效。使火在釜底。水火既濟。消渴自止。蓋下消之火。水中之火也。下之則愈燔矣。按飲一洩一。於法為難治。仲景設此方。可謂曲盡其妙。捨此以求總難有當。

第十八章 虛勞門

(一) 陽虛

病因 經言精氣奪則虛。凡陽虛陰虛。不外精與氣而已。脾肺衛外而主氣。憂思鬱結。榮衛失和。脾肺虧損。則成陽虛之症。亦有腎中真陽虛者。以腎有水火二藏也。

診斷

經曰。陽虛生外寒。凡怯寒少氣。自汗喘乏。食減無味。嘔脹飧泄。皆陽虛之症。脈見大而無力。金匱所謂脈大爲勞。極虛亦爲勞也。腎陽虛者。兼見精氣清冷。目眩肢痿。膝下清冷。水泛爲痰等症。命門衰絕也。

傳變

陽虛者。宜益陽以配陰。所謂益火之源。以消陰翳。久而不復。則變成吸短偏臥。陽痿脈弱之症。陽虛之極也。而漸入勞損門矣。

用藥

宜甘溫之品。保元湯。建中湯。養營湯。歸脾湯並主之。腎陽虛者。則當與益火。八味丸。右歸飲主之。久不復者。宜人參白朮當歸黃耆杞子山藥胡桃龍眼大棗茯苓補骨脂鹿茸羊肉人乳之屬大劑與之。

調理

脾胃爲精與氣生化之源。故治虛勞皆以能食爲主。而扁鵲所以有過脾胃不治之訓。病後之方。當推四君子湯中正和平。培土進食爲獨步。

(二)陰虛

病因

陰虛亦由精氣虧損。而肝腎爲之主。肝主藏血。腎主藏精。精血消耗。則精髓枯竭。君相火炎。而成陰虛。以肝腎皆陰藏也。亦有腎中真陰虛者。經謂腎勞傷精。卽指此。

診斷

經曰。陰虛生內熱。凡怔忡盜汗。欬血吐衄。遺精崩漏。經閉骨蒸。皆陰虛之症。脈見數而無力。陰虛則弱。內熱則數也。腎陰虛者。兼見面赤唇紅。五心煩熱。口乾不寐。

傳變

等症。陰虛于下。則陽浮於外也。

陰虛者。宜滋陰以配陽。所謂壯水之主。以鎮陽光。久而不復。則變咽瘡音啞。色悴肌羸之症。陰虛之極也。而亦漸入勞損門中矣。

用藥

宜甘潤之品。河車大造丸。固本湯。並主之。腎陰虛者。則當與補水。六味丸。左歸飲。主之。久不復者。宜麥冬五味子杏仁川貝熟地烏菴蓉燕窩烏骨雞阿膠秋石河車龜膠白蜜之屬大劑與之。

調理

陰虛者。責在肝腎。而肝爲腎子。肝虛雖由血不足。其源終屬腎水虧耗之故。宜糞海參淡菜時食之。絕妙。所謂精不足者。補之以味。又謂虛勞日久。百脈空虛。非黏滯不能潤枯朽也。

(二)五勞

病因

精氣內奪則虛。積虛成損。積損成勞。乃精與氣虛憊之極也。越人謂自上損下者。一損肺。二損心。三損胃。四損肝。五損腎。自下損上者。一損腎。二損肝。三損肺。四損心。五損脾。五藏具損。故曰五勞。

診斷

肺勞者。皮毛枯槁而欬喘。心勞者。血脈不榮而盜汗。脾胃勞者。食少肌消而脹瀉。肝勞者。血虛筋緩而脅痛。腎勞者。腹腫足弱而遺泄。此皆五勞之現象。餘宜細酌。陰虛陽虛二證。而觸類旁通之。蓋勞固由虛來也。

傳變 五勞既爲虛損之流。根株深。若更有增無減。勢必成六極七傷。而病益深矣。六極

者。筋極骨極。血極肉極。精極氣極。七傷者。陰寒陰痿。裏急精漏。精少精滑。溺數也。宜保元湯以治其肺。八珍湯以治其心。四君子湯以治其脾胃。牛膝丸以治其肝。

金剛丸以治其腎。此治五勞之正軌。若六極則宜白芍木瓜以治其筋。鹿角熟地以治其骨。人參阿膠以治其血。白朮山藥以治其肉。熟地巴戟以治其精。麥冬人參以治其氣。七傷則併宜九龍丹主之。

調理

損其肺者益其氣。損其心者調其榮衛。損其脾者調其飲食。勞其寒溫。損其肝者緩其中。損其腎者益其精。此難經治五勞之大法。然調理之妙。皆在環中。服藥攝養。均當奉爲玉律。

(四) 虛勞要方淺解

保元湯 人參、白朮、黃耆、炙草、陳皮。

此卽異功散去茯苓而增黃耆。本經謂耆能補虛。香岩釋曰。溫之以氣。所以補形不足。補之以味。所以益精不足。中正和平之中。而有益脾腎。陽虛初起。宜取法焉。

建中湯 八珍湯 見要方補遺。

養營湯 人參、五味子、陳皮、遠志、茯苓、白朮、甘草、當歸、地黃、芍藥、黃耆、肉桂、薑棗。

雙補氣血。以心脾肺腎爲主。就十全大補湯加減。而但治其虛。深合陽虛之治。卽虛

多邪少。欬嗽虛熱往來者。亦可用。正氣復而邪自不容也。

歸脾湯。人參、白朮、黃耆、當歸、甘草、茯神、遠志、酸棗、木香、龍眼、薑棗。

參耆白朮爲君。歸草龍眼爲佐。遠茯薑棗爲使。補肺脾之氣。養心脾之血。陽虛由於肺脾兩虧。投之頗合。

八味丸。去桂附。卽六味丸。見前吐衄門。

右歸飲。茱萸、山藥、枸杞、杜仲、熟地、炙草、肉桂、附子。去附子、肉桂、加麥冬、龜板。卽左歸飲。

黃地補腎陰。杞仲滋腎精。甘草敦土。山藥化痰。附桂助腎命之陽。偏於溫。補命火。故曰右歸。去桂附之溫。加龜麥之陰。則滋真水裏虛。故曰左歸。取右命左腎之說。腎陽虛者命火之衰。腎陰虛者腎水之虧。故分別主之。

四君子湯。見前痰瘧門。

河車大造丸。生熟地、牛膝、杜仲、當歸、五味子、瑣陽、菴蓉、杞子、天冬、紫河車。

合大劑峻補先天之品。不寒不燥。而填益精血。陰虛之症。此方爲貴。大爲天地造化之物。此方之妙。眞能奪天地造化之功也。

固本丸。生地、熟地、天冬、麥冬、人參。

陰虛則陽浮。是方二冬二地。和以人參。俱屬純陰之品。所以扶陰而使陽有所歸。惟味勝於氣。易致奪食作瀉。適可而止。不宜過度。

牛膝丸 牛膝、萆薢、杜仲、防風、菴蓉、桂心、蒺藜、兔絲。

厥陰主筋。肝虛則筋弱。乙癸同源。腎虛則骨痿。此方雙補肝腎。故治肝損。而尤妙在補中有通。瀦而不滯。

金剛丸 萆薢、杜仲、菴蓉、兔絲餅、豬腰子。

腎虛之極。則遺泄而足弱。此方杜仲、菴蓉、兔絲、豬腰。皆補腎之品。本固而枝自強。卽難經益其精之意也。用萆薢者。所以去邪而養正。猶六味丸用澤瀉之例。張氏醫通改正方。添巴戟、鹿胎。則略事溫通矣。

九龍丹 金櫻子、杞子、蓮鬚、熟地、芡實、茯苓、當歸、山查、酒。

七傷爲病。頭緒雖繁。一言蔽之。則腎虧極而精不固。腎虧則不能約束二便。而爲精漏。精少精滑。溺數。精過傷則內不榮。而有陰寒陰痿。裏急。是方有熟地、杞子、芡實等之補腎。金櫻子、蓮鬚等之瀦精。精瀦腎固。瘥有自來矣。

第十九章 五淋門

(一) 石淋

病因 病源云。淋之爲病。皆腎虛而膀胱熱也。膀胱熱則失其氣化之職。小便數而爲石淋。蓋如湯瓶久在火中。底結白碱也。

診斷

臍腹隱痛。小便難。輕則爲下沙。重則下石。或黃赤。或渾濁。色澤不定。其氣上攻。頭

傳變

沙石淤塞溺孔。往往水不能出。脹痛難耐。西法遇此。恆施手術。然每致愈而復發。良以不治其本故也。

用藥

清其積熱。滌去沙石。水道利而自已。初起勢輕者宜石燕丸。二神散。臨後勢重者。宜獨聖散。神效琥珀散。

調理

病後以滑石甘草代茶時飲。數日轍去。可不復發。

(二) 勞淋

病因

勞淋謂因勞而得之淋。勞有二途。一由思慮煩擾。負重遠行。是爲脾勞。一由強力入房。施泄過度。是爲腎勞。所以然者。皆精氣不足故也。

診斷

小便淋瀝不絕。遇勞卽發。勞于脾者。溲時數痛。身體疲憊。勞于腎者。溺瀉腹脹。牽引穀道。

傳變

勞淋因勞而致。久染不已。必現萎靡衰頓之象。精氣日傷。治當多加培補之品。

用藥

由于脾者。補中益氣湯加車前澤瀉主之。由于腎者。腎氣丸。地黃丸主之。

節飲食。戒房室。前者所以保後天。後者所以保先天。兼服補餌。收效不難。

(三) 血淋

病因 熱甚搏血。失其常道。則每與洩俱下。而爲血淋。以心主血與小腸爲表裏。血滲胞

中也。有血熱血冷血瘀之分。並附于後。

診斷 血淋必溺痛帶血。惟血熱者。則血色鮮紅。脈數有力。血冷者。血色黯淡。面枯白。脈

見沉遲。血瘀者。小腹堅。脈沉弦而數。

傳變 血淋最忌補氣之藥。誤服之。血得補而愈瀆。熱得補而愈盛。漸致氣道閉塞。水道

不通而絕矣。

用藥 血熱者。清熱涼血。立效散。導赤散主之。血瘀者。瘀血阻滯于內。牛膝膏主之。血冷

者。腎與膀胱虛冷。肉蓯蓉丸主之。

調理 心火旺者。每易致血淋。病後以銀花連翹代飲頗佳。初起服之。亦能平愈。

(四) 氣淋

病因 膀胱者。州都之官。氣化則能出矣。氣化不及州都。胞中氣脹。遂小洩爲之。點滴不

利。而成氣淋。

診斷 少腹滿痛。溺有餘瀝。仲景所謂淋之爲病。小便如粟狀。小腹弦急。痛引臍中。卽指

此也。

傳變 氣淋延久。膀胱之氣益窒。初僅小便不爽。後竟有癃閉者。

用藥 助膀胱之氣化。通水道之不利。瞿麥湯主之。石葦散亦主之。

調理 氣淋病後。無甚調理。勿忍小便。勿犯房室可耳。

(五)膏淋

病因 膏淋者以所下如脂膏。故名。亦曰肉淋。大抵皆腎虛不能約制脂液而下流。精溺俱出。精塞溺道。故洩欲出不能而痛矣。

診斷 色如脂膏。或如米泔。或如鼻涕。或便中如蛭蟬之狀。溺不爽而痛。

傳變 膏淋之發。責之腎虛。故有時並不疼痛者。則當固澀其精矣。

用藥 宜沉香散。清其內濁而培中氣。培中治其本。清內治其標也。溺不痛者。聚精丸大

補之。

調理 戒絕房事外。時以滋補調攝之。若海參魚膠之類。可常食也。

(六)五淋要方淺解

石燕丸 石燕、石葦、瞿麥、穗、滑石。

合四者利竅行濕熱之品于一方。性專而力平。治石淋初起。最爲平安。

二神散 海金沙、滑石。

用藥。與前方彷彿。惟必用燈心木通麥冬煎湯送下爲宜。

獨聖散 黃蜀葵。

黃蜀葵性甘寒滑。子花同功。爲利小便之要藥。懷孕者服之卽下。用治石淋。宜有獨

神效琥珀散。琥珀、桂心、滑石、大黃、葵子、膩粉、木香、木通、磁石。

本方均通利水道。蕩滌濕熱之品。固爲石淋正治。用桂心者。以壯其氣化。用琥珀者。以解其鬱結。佐治之法也。

補中益氣湯。見前中風門。腎氣丸。見前三消門。
地黃丸。生地、黃耆、防風、遠志、茯神、鹿茸、黃芩、瓜蒌、人參、石葦、當歸、赤芍、戎鹽、蒲黃、甘草。

車前子、滑石。

勞淋由于腎虛。腎虛則生熱。鬱于膀胱。小便爲之淋瀝。淋以通爲主。故用車前、蒲黃、石葦等以利竅。膀胱有熱。故用瓜蒌、黃芩、滑石等以清熱。其本由于腎虛。故用生地、黃耆、人參、鹿茸等以培補。面面周匝。充推王者之師。

立效散。瞿麥、穗山梔、甘草。

血熱由于心熱。移于小腸。故用山梔清心。瞿麥利竅。藥品無多。輕靈可法。

導赤散。生地、木通、竹葉、甘草。

治小便淋閉作痛。有時尿血。下焦結熱。屢試屢效。不當以平淡忽之。

牛膝膏。牛膝、桃仁、歸尾、赤芍、地黃、川芎。

此方卽四物湯加桃仁、牛膝。因由血瘀。故專用破瘀之藥。而其力專在牛膝。蓋牛膝

能引諸藥下行。而爲治淋之聖藥。然淋久不止。元氣下陷。及崩淋太甚者。皆在禁用。以損胃氣滑精甚力也。

肉蓯蓉丸 蓯蓉、熟地、山藥、牛膝、官桂、檳榔、附子、黃耆、黃連、細辛、甘草。

冷淋由腎及膀胱虛冷。故均用溫腎壯陽之品。腎陽壯則寒氣化。水道利矣。惟血每有熱極兼水化而黑凝者。未可便以爲冷也。

瞿麥湯 瞿麥、冬葵子、茅根、黃芩、木通、竹葉、滑石、冬瓜子。

瞿麥苦寒。性降屬陰。利水之良品。滑淋之要藥。故用以爲君。更臣以冬葵之滑利。木通之開導。用治氣淋。有不一鼓而下者乎。

石葦散 石葦、冬葵子、木通、赤茯苓、車前子、瞿麥、榆白皮、滑石、甘草。

此與前方大旨相類。而勢猛過之。君以石葦者。石葦有清肺氣以滋化源。通膀胱而利水道之功也。證治準繩云。治婦人淋。無滑石。赤苓。車前。加黃芩。主之。

沉香散 沉香、陳皮、黃耆、瞿麥、穗、榆白皮、韭子、滑石、黃芩、炙草。

膏淋縱由腎虛。然既溺淋作痛。膀胱必不潔淨。故一方用黃耆、炙草以補其氣。一方用瞿麥、滑石等以通水道。平正無疵。可師可法。

聚精丸 黃魚鰾膠、沙苑、蒺藜。

膏淋不痛。全由腎虛。虛則補之。故方中專補精血。黃魚膠。煮食一月。能有子。其功可

知矣。

第二十章 白濁門

(一) 白濁

病原 準繩云。腎藏天一。以慳爲事。志意內治。則精全而澀。思想外淫。房室太甚。則淫洩不守。輒隨洩溺而下。卽爲白濁。經言思想無窮。所願不得。意淫于外。入房太甚。發爲筋痿。及爲白淫。可味也。

診斷 敗精流溢。竅端時有穢物。如瘡之膿。如眼之眵。淋瀝不斷。不與洩溺相混。色白。脈

大瀉。按之無力。

傳變 白濁不治。久久則有脾氣下陷。土不制濕。而水道不清者。與夫相火已殺。心腎不

交。精滑不固。而遺濁不止者。皆傳變之虛候。當求脾腎而舉之固之。

用藥 白濁。加減珍珠粉丸主之。脾氣下陷者。補中益氣湯以升提之。精滑不固者。鹿茸

補瀉丸以堅固之。

調理 濁病愈後。以清心寡慾爲第一要義。石頑謂服生白果有效。以其專祛濕濁污垢

也。然見效而止。不宜久食。

(二) 赤濁

病原

昔人謂肥人多白濁。瘦人多赤濁。蓋以體瘦多火。體肥多濕立論。未可爲赤白濁之確論。大抵赤濁之因。與白濁同。由于陰火鴟張。血不及變精。卽迫而流出。以精者血之所化也。

診斷

莖中熱痛。如火灼刀割。溺赤濁亦赤。若時見鮮血。口濁。時發熱。此爲尿血之候。或小便清白而脈弱無力。乃挾寒也。常別論。

傳變

赤濁有熱有瘀。固當通利。然通利過甚。往往反以加劇。此蓋中氣腎陰受傷所致。不當用尋常法矣。

用藥

赤濁。豬苓湯。清心蓮子飲主之。中氣腎陰受傷者。宜滋補下元。氣化而水自清。加減六味丸主之。

調理

調理亦以節慾爲主。時服清熱之品。而尤戒思慮。以思慮則心經不舒。鬱而爲熱。亦足爲赤濁之因也。

(二) 濕熱濁

病原

濕熱濁症。本于過食肥甘辛熱炙煇。肥甘令人濕壅。辛熱令人熱生。濕熱下注。濁遂成矣。入門云。脾胃濕熱。中焦不清。濁氣滲入膀胱所致。卽石頑所謂膀胱便濁。與腎絕不相干者也。

診斷

溲時色白若米泔。若腐花。若腐漿。莖中作痛。回春云。赤白濁其狀漩面如油。光彩

傳變 不定。漩脚澄下。凝如膏糊。或如米泔赤膿。皆濕熱所傷也。濕熱不攘。則膀胱氣化不宜。初爲濁症。漸或變爲癃閉。經曰。脾脈滑爲癃。癃是也。

用藥 亦有因精氣流洩而爲痿弱者。則爲虛候矣。濕熱濁。二陳湯加草薢澤瀉薑汁炒黃柏及草薢分清飲主之。癃閉者通之。痿弱者補之。各詳本門。

調理 善後持戒口味。以淡滲爲主。兼服清化之品。以杜其根。

(四)白濁要方淺解 加減珍珠粉丸。黃柏蛤粉滑石樗皮青黛鹽炒乾薑。

黃柏降陰。火蛤粉鹹補腎。滑石利竅。樗皮燥濕。青黛解鬱火。乾薑斂腎氣。腎氣旺則精自固。陰火降而濁自除。尊生書甚稱其能。有以也。

補中益氣湯 見前中風門。鹿茸補瀉丸 人參黃耆兔絲子桑螵蛸蓮肉茯苓肉桂山藥附子鹿茸桑皮龍骨補骨

脂五味子

濁病而至精流不已。命火之衰。腎陰之虛。達于極點。故以補氣壯火之品。大劑與之。陽生則陰長。氣足則精固。此蓋不涉白濁。全爲滑精之症。是以方中全不用治濁之藥。

猪苓湯 見前溫病門。

清心蓮子飲 黃耆、麥冬、甘草、車前子、地骨皮、蓮肉、茯苓、人參、黃芩、遠志、菖蒲。

昔人論赤濁。往往責之心熱。故用藥多及心經。不知實本于腎也。此方雖以清心命名。而頗多清腎火之藥。臨證隨時增損之可也。

加減六味丸 地黃、茯苓、丹皮、山萸、山藥、蓮鬚、芡實、兔絲子、龍骨、牡蠣、澤瀉、五味子。

腎陰虛則虛火內燔。非相火可比。故愈利而愈劇。此方就六味丸而加減。培養之外。復清其熱。可謂標本並治。雖不治濁而濁自無不愈矣。從此可知濁之實者。宜利中帶微補。濁之虛者。宜補中帶微利。不易之法也。

二陳湯 見前欬嗽門。

葶藶分清飲 葶藶、烏藥、菖蒲、益智仁、茯苓、甘草、鹽。

尊生書以此方治泔濁。泔濁者。以濁如米泔。濕熱濁也。葶藶大清濕熱。故用之為君。茯苓利濕。甘草解熱。雙方兼顧。此分清之所由名也。

第二十一章 瘧厥門

(一) 柔瘧

病原 瘧病之由。仲景論之獨詳。有誤汗誤下而致者。有瘡家發汗而致者。有產後亡血

診斷

而致者。蓋瘧屬筋病。皆由于津燥而風寒濕邪乘之。故筋不柔也。大要分。柔瘧因風。或謂因太陽病發熱。重感于濕而得之。卽內經所謂諸瘧項強皆屬于濕也。瘧病與太陽病同。惟項背強。脈不浮緩。或弦緊而沈遲。仲景所謂太陽其證備。身體強。儿几然。脈沈遲者。瘧是也。若柔瘧則屬中風。證見瘧而身熱汗出不惡寒者是。

傳變

瘧病延久。變成胸滿口噤。臥不着席。脚攣急。齧齒。轉屬陽明也。往來寒熱者。轉屬少陽也。手足厥。筋脈拘急。汗出項強。脈沈。而見四肢不收者。此屬太陰也。閉目合面者。屬少陰也。頭搖口噤者。屬厥陰也。

用藥

柔瘧依中風治。括蕞桂枝湯主之。轉屬六經者。依六經分治。陽明大承氣湯主之。少陽小柴胡湯加桂芍主之。太陰尤附湯加薑草主之。少陰參附湯加薑草主之。厥陰著附湯加當歸主之。

調理

瘧病之後。宜自珍重。勿食辛熱爲第一。張友患瘧後。以天花粉調食。頗見功效。此方據見某書中。實卽由仲景用括蕞而竊取者也。

(二) 剛瘧

病原

柔瘧由于風。風性柔。故曰柔。剛瘧則由于寒。寒性急。故曰剛。或謂自中風發熱。重感于寒而得之。卽內經所謂赫羲之紀。上羽。其病瘧也。然考其實際。蓋卽太陽病

診斷

中風傷寒之類。能知中風傷寒。而瘧病全權在握矣。

剛瘧屬傷寒。證見瘧而發熱無汗。反惡寒者是。仲景所謂太陽病無汗。小便反少。氣上衝胸。口噤不得語。欲作剛瘧也。

剛瘧傳變。大致與柔瘧同。不須贅述。蓋猶傷寒論。在太陽有中風傷寒之分。而一入陽明少陰。則不須分列。王肯堂謂瘧與傷寒分六經表裏。無纖毫之異。此言得之。

用藥

剛瘧依傷寒治。葛根湯主之。所以于柔瘧加括蕒。剛瘧加葛根者。括蕒葛根。皆生津之品。治其本也。

調理

剛瘧同柔瘧。總之剛瘧二柔。雖有風寒之別。而津液不足則一也。調理略同柔瘧。

(二) 寒厥

病原

厥。逆也。陰陽之氣不相順接也。寒厥者。陰氣盛也。經曰春夏則陽氣多。而陰氣少。秋冬則陰氣盛。而陽氣衰。此人者質壯。以秋冬奪于所用。下氣上爭。不能復。精氣溢下。邪氣因從之而上也。氣固于中。陽氣衰。不能滲榮其經絡。陽氣日損。陰氣猶在。故手足爲之寒也。

診斷

寒厥者。手足逆冷。身寒面赤。指甲冷。踈臥便利。不渴。脈遲細。一切脈候。皆見陰症。甚則表熱裏寒。下利清穀。食入即吐。手足冰冷。腹痛脈沉伏者。又有僅指尖冷者。

傳變 寒厥不已。陰氣日長。陽氣日衰。勢必昏厥不醒。面赤戴陽。陽氣虛脫之候。王安道

所謂寒極而成厥逆者。獨陰無陽也。最爲危殆。

用藥

寒厥以回陽驅陰爲主。王太僕云。益火之原。以消陰翳。勢輕者附子理中湯主之。勢劇者四逆湯主之。獨陰無陽。危在頃刻。葱白通陽大劑與之。然亦十難回三。若指尖冷者。謂之清。理中湯可已。

調理

善後之法。內經雖未言。而意在言外。卽秋冬無奪用是也。惟平日素屬陽虧者。可服金匱腎氣丸。

(四)熱厥

病原

仲景以手足膚冷爲寒厥。手足熱或指頭寒爲熱厥。熱厥者。陽氣盛也。經曰。陰氣虛。則陽氣入。則胃不和。則精氣竭。則不榮其四肢也。此人必數醉若飽。以入房。氣聚于脾中。不得散。或傷寒傳經入內。熱盛于中。故徧身內熱。而溺赤也。夫酒氣盛而慄悍。腎氣日衰。陽氣偏勝。故手足爲之熱也。

診斷

熱厥。手足熱。身熱。面青。指甲暖紅。煩渴昏冒。溺赤脈數。一切脈候。皆見陽症。甚則有腹滿身重。難以轉側。晝夜譫語。遺溺。厥逆自汗。脈沈滑者。又有大便秘結者。

傳變

熱厥極深。或失下。則變成身冷。四肢厥清。反見陰症。脈微絕而死者。爲熱極而然。王安道所謂熱極而成厥逆者。陽極似陰也。亦有竟變成痿者。總屬腎肝虛。陰血

失養也。

用藥

熱厥以存陰驅陽爲主。王太僕云。壯水之主。以制陽光。勢輕者。火燭湯四逆散主之。勢劇者。白虎加人參湯主之。陽極似陰者。熱微厥亦微。熱深厥亦深。大承氣湯主之。若大便實者。大柴胡湯亦可用。

調理

內經以數醉若飽入房。爲熱厥之本。卽調養之道。其不宜于爛醉行房可知。平日可服六味地黃丸。

(五)瘧厥要方淺解

括蕒桂枝湯 括蕒桂枝芍藥甘草姜棗

此方卽桂枝湯加括蕒。蓋柔瘧見證。渾同中風。故仍用桂枝湯主治。而瘧之所因。由于津液燥竭。故加括蕒佐之。括蕒苦寒入陰。清氣分之熱。而善生津液。合桂枝湯和榮衛。養筋脈而祛風。則經氣流通。風邪自解。筋不燥而瘧愈矣。若夫飲後啜粥。則資陽明之穀氣以勝邪。立法更深矣。

朮附湯 見前驚風門

參附湯 見前中風門

著附湯 黃著附子

厥陰瘧病。病之入也深矣。然瘧之爲病。未有不傷津液者。故用附子以溫經。卽用黃

著以補氣生津。與太陰之用朮附湯。少陰之用參附湯同意。惟太陰主中土。故用朮。少陰爲先天。故用參。此則主生氣。故用著。而尤要在加當歸以入血分也。

葛根湯 葛根麻黃桂枝芍藥甘草薑棗

此與括蕤桂枝湯同意。柔瘳屬中風。故用桂枝。剛瘳屬傷寒。故加麻黃。用葛根者。亦取其升清陽生津液耳。從可知治瘳病者。生津之品不可少。而治傷寒者。非麻黃不

爲功也。

附子理中湯 理中湯 四逆湯 四逆散 白通湯

以上各方見前霍亂門

金匱腎氣丸 見前厥脹門

火鬱湯 羌活升麻葛根白芍人參銀柴胡甘草防風葱白

仿四逆散之意。而增加宣發之品。本內經火鬱發之之意也。熱厥初起。用之殊佳。或

謂風藥助火。不知火以宣發爲貴。火不宣則鬱而傷陰矣。

白虎加人參湯 大承氣湯 小柴胡湯 大柴胡湯

以上各方見前溫病門

六味地黃丸 熟地山藥山萸丹皮茯苓澤瀉

水之與火勢不相立。水盛則火衰。火旺而水虧。此方脫胎于腎氣丸。去附桂之辛熱。

而注重于填補。地黃山萸。補血益精。以壯水之主。山藥茯苓。健脾滲濕。以培水之源。丹皮澤瀉。清血排毒。疎水道之滯。熱厥本于陽盛陰衰。苟陰氣充足後。何患之有。凡腎虛精少。虛火妄行。皆宜取用。

第二十二章 癲狂門

(一) 狂症

病原 狂病多因七情過度。五志之火內燔。煎熬成痰。上蒙心包。以致神志失常。猖狂剛暴。責之心胃。然亦有熱入血室而發狂者。陽明實熱。而如狂者。所當別論。

診斷

狂病。自悲喜忘。善怒善恐。少臥不飢。自高自尊。善詈罵。日夜不休。又好歌樂。妄行無度。脈見實大爲順。沉細爲逆。熱入血室者。必在經水適來。發熱惡寒。胸膈下滿。如結胸狀。晝則明了。夜則譫語。如見鬼狀。陽明實熱者。棄衣而走。登高而歌。或至不食。踰垣上屋。所上之處。非素所能。

傳變

治裁謂癲狂皆心火自焚。痰迷竅絡。故癲始發。其情志失常。狀亦如狂。狂經久。其神魂迷瞶。狀乃類癲。此症乃七情所發。得志自己。失志加劇。殊無特殊之傳變。

用藥

狂病原因多端。治宜分析。上焦實者。生鐵洛飲主之。痰火在上者。三聖散主之。心火狂亂者。黃連瀉心湯主之。痰擾心包者。鬱金丹主之。若熱入血室。則審其經水。

來而與以小柴胡湯加地黃。經水斷而與以桃仁承氣湯。陽明實熱。則與以大承氣湯。

調理

調理之法。可分爲二。方病時宜乘其所欲而安之。慰之。病愈時當清淨身心。不受外界刺激。蓋七情之病。決非單恃草木所能起。不可不知也。

(二) 癩症

病原

癩病多因抑鬱不遂。侘傺無聊。以致鬱痰鼓塞心包。神不守舍。有狂之意。不如狂之爲甚。責之心肝。若因受驚而得者。與此又別。

診斷

癩病。或笑或歌。或悲或泣。如醉如癡。語言顛倒。穢潔不知。精神恍惚。經年不愈。脈大滑。久自己。小堅急。死不治。受驚者得之。倉卒。尊生書所謂痰火驟壅。發爲怪異之狀者是也。

傳變

用藥

此症終日昏迷。神明不朗。有經年累月而不愈者。然無變證。惟時輕時劇耳。癩病原因。亦有多端。痰迷心竅者。金箔鎮心丸主之。思慮過度者。歸脾湯主之。心氣不足。神不守舍者。歸神丹主之。不時暈倒。痰壅搖擗者。滋陰甯神湯主之。年久血氣俱耗者。活虎丹主之。若因驚者。則與抱胆丸。

調理

(三) 癩症

此症愈後。亦總以靜養爲是。所謂治病必求其本。

病原

癲病多由心腎虛怯。肝風胆火倏逆。痰涎上壅心包。經絡閉阻。迨痰涎排泄于外。而正氣回則愈。大抵病後及鬱悶之人多患此。以體氣本虛。復感六淫。氣虛不能化痰。陰虛不能制火。火炎痰壅故也。

診斷

癲病發時昏不知人。猝然眩仆。甚則癱瘓抽搐。目上視。或口眼歪斜。將醒時吐涎沫。醒後又發。有連日發者。有一日發三五次者。脈細緩者雖久劇可治。虛散沉實強急者不治。而又以浮者屬陽。沉者屬陰。

傳變

癲之爲病。經久失調。遂成痼疾。一觸厥氣。鼓風涎沫升逆莫遏。雖無大害。而正氣日以虛弱。故癲病愈後。急以河車丸斷其根株。

用藥

癲病亦當分治。因驚者溫胆湯。加竹瀝胆星主之。怒觸肝火者。瀉肝湯主之。痰火阻礙者。龍腦安神丸主之。因抑鬱者。四七湯加木香南星主之。因腎虛者。六味湯加首烏白芍棗仁龍骨主之。

調理

丹溪治癲。主痰與熱。病後常以理氣化痰之品煎湯代飲。亦一捷法。

(四) 癲狂要方淺解

生鐵洛飲

生鐵洛

此見內經。爲治狂之祖方。經曰。生鐵洛者。下氣疾也。準繩云。上焦實者。從高抑之。蓋取重墜之性。能降痰熱之鬱結也。準繩復加石膏龍齒茯苓防風元參秦朮竹瀝。尙

三聖散。瓜蒂、防風、藜蘆。不背謬。得效之鐵粉散。蓋本此。

經云。在上者因而越之。此方瓜蒂、藜蘆。皆涌吐之品。乃急則治標之計。得吐爲度。不必盡服。

黃連瀉心湯。黃連、地黃、知母、黃芩、甘草。

黃芩、黃連以瀉心之用。地黃、知母以益心之體。狂亂之由心火熾張者。頗合。

鬱金丹。鬱金、硃砂、白礬。

硃砂以鎮心。白礬以消痰。鬱金以寬胸。用治痰擾心包。面面俱顧。以治癲狂久不愈。

頗效。蓋因痰涎留于心竅也。

小柴胡湯。大承氣湯。見溫病門。

桃仁承氣湯。見要方補遺。

金箔鎮心丸。胆星、天竺、黃琥、琥珀、硃砂、牛黃、雄黃、珍珠、麝香、金箔。

方以豁痰爲主。以痰爲致病之由也。佐以清心甯心之品。以病在于心也。與上方用意相同而較爲周匝。

歸脾湯。見前吐衄門。

肺神丹。硃砂、棗仁、茯神、人參、當歸、琥珀、遠志、龍齒、金箔、銀箔。

此方養心爲主。不特心氣不足。神不守舍者。可服。卽病後亦可服。若多夢不寐者。棗仁倍用之。

滋陰甯神湯。當歸、川芎、白芍、熟地、人參、茯神、白朮、遠志、南星、棗仁、甘草、黃連。

陰虧之體。不宜峻下其痰。不時倒暈。虛已至極。故方以滋陰甯神爲主。而微雜化痰之品。蓋以八珍湯立骨。半補其陰。半培其土。土健而痰自化。陰足而神自甯也。

活虎丹。活蝎、虎、硃砂、麝香、冰片。

沈金鰲曰。此藥能補神。心全則病差。故久癲不愈用之。

抱胆丸。水銀、硃砂、乳香、黑鉛。

水銀有鎮心安神治痰逆之功。黑鉛亦有鎮心安神治痰壅之力。故用治因驚而癲者。惟二者有毒。非經製鍊。切勿入口。爲禍不尠也。

溫胆湯。見要方補遺。龍胆、瀉肝湯。見疝氣門。

龍腦安神丸。冰片、麝香、牛黃、犀角、人參、茯神、麥冬、硃砂、桑白皮、地骨皮、馬牙硝、金箔、甘草。

草。

此乃透竅之方。癩症何問遠近。皆可化服。惟必實證方可。否則反恐遺害也。

四七湯。見噎膈門。六味湯。見前吐衄門。

第二十三章 遺泄門

(一) 夢遺

病原 心爲君火。腎爲相火。中年腎氣充盈。所欲不得。心火動于上。相火翕然隨之。水不能藏。爲精隨以泄。且多見於伶俐乖巧之人。而田野愚魯之夫。則無之。

診斷

凡患遺泄者。皆須從問得之。少年病此。每畏羞不言。宜誘之使言。并按其脈。尺部洪弦。甚則帶數。舌紅。有時苔薄黃。其神色每有異象。如俯首沉思。與之言語。神情不屬之類是。

傳變

中年患遺泄。每月一次或二次。此有餘而泄。本不爲病。唯心氣不靖。陽愈亢而陰愈虛。精愈遺而心愈紊。非爲色情發狂。傳爲癩癩。卽漸傳勞怯。信可懼也。

用藥

相火亢甚。宜用苦寒瀉之。繼用養陰安神法。方劑如大補陰丸。導赤湯。知柏地黃丸。封髓丹之類。所謂肝之陽強。則精不藏。陽強先宜瀉之是也。

調理

先瀉相火。繼進養陰。本屬不易之治。能常服蓮子芡實之類。并須靜坐寧神。心火不動。精自守于其位矣。

(二) 滑精

病原 有色慾過度。心腎氣虛。氣不攝精而滑者。有素嗜厚味。脾胃濕熱流於胞宮。下如

診斷

膏濁者。故有虛實兩因。不可不辨。更有走陽一症。氣隨精脫。滑精無夢自遺。出于不覺。心腎氣虛者。每在中年以後。氣短神疲。脈象虛細。濕熱流注胞宮者。口渴脈數。納少不飢。小溲渾赤。至走陽皆久曠之人。或縱慾之人。與女交合。泄而不止是也。

傳變

滑精一症。其初猶在睡中。繼則白晝醒時。見色卽遺。動念則遺。或早暮無休止。精髓日銷。以致頭眩髮落。神色漸枯。促人生命。走陽則精脫無度。必致昏絕。

用藥

色慾過度滑精者。宜十全大補丸。益精丸。若濕熱流注胞宮。宜清心蓮子飲。四苓散等治之。滲利其濕。卽所以固攜其精也。走陽精脫。其女須抱定勿使陰莖出戶。急呵熱氣於口中。以指捻住尾閭則救矣。用藥宜童便引。

調理

滑精之屬于虛脫者。宜常服腎氣丸。以固下元而濟補精氣。屬于濕熱。宜淡泊滋味。常服苡仁芡實爲妙。凡曾患走陽精脫者。萬勿縱慾。否則再脫不治。

(二) 鬼交

病原

鬼魅相感。邪氣凌厲。心魂無主。夢與鬼交。鬼爲陰類。苟非精氣素虛。心陽不足。何至如此。是以鬼魅邪氣爲其標。而心陽魂魄之虛。則其本也。

診斷

鬼交病狀。不欲見人。如有對晤。時獨言笑。時常悲泣。脈息乍大乍小。乍有乍無。及脈來綿綿。不知度數。而顏色不變。此其候也。

傳變 凡患鬼交既久。俾晝卜夜。昏昏思睡。床第之歡。無間時刻。漸至肉瘦形脫。不知飢。

喜哭無度。雖有延年。日尋鬼趣。不易回復康強。

用藥 宜金匱桂枝加龍骨牡蠣湯。以壯心陽而安魂魄。或蘇合香丸神效。或用硃砂。雄

黃麝香。鬼箭羽。虎頭骨之類。

調理 鬼交實無善後調理法。唯有聚集多人守之。常令陽氣有餘。鬼邪陰氣。自能遠避。

室中宜焚安息香。或作大聲以恐之。

(四) 遺泄要方淺解

大補陰丸 知母、黃柏、熟地、龜板、

此方爲朱丹溪所立。本治陰虧火旺肺痿欬血之症。用以治夢遺之症。有知柏以瀉

相火。地龜以養真陰。較之六味。功效尤捷。唯宜用之陰虛火熾脾胃未敗之時。若食

少便溏。則爲胃虛。切勿可用。

導赤湯 生地、木通、草梢、竹葉、

導赤爲瀉心火之劑。假小腸爲出路。凡夢遺者。固由相火之旺。相火旺而君火亦旺。

必有神煩舌碎等症。兼見。故用此方。瀉心火。從小腸出。火去而神以寧。而精以固矣。

知柏地黃丸 知母、黃柏、熟地、山萸、山藥、丹皮、澤瀉、瀉雲、茯苓、

六味地黃丸。三補三瀉。本屬養陰之善劑。此方加知柏。則瀉火之力更饒。故治有夢

而遺。脈洪尺旺者甚效。
封髓丹 黃柏、砂仁、甘草。

此方為固精之要藥。方用黃柏為君。以其性味苦寒。苦能堅腎。腎職得堅。則陰水不虞其泛溢。寒能清肅。則龍火不至於奮揚。水火交攝。精自安于其位。佐以甘草。緩急瀉火。水土合為一家。以妙封藏之固。若縮砂者。以其味辛性溫。善能入腎。腎之所惡在燥。而潤之惟辛。縮砂通三焦。達津液。能納五藏六府之精歸於腎。腎家之氣納。腎中之髓自藏矣。故名封髓。此方加天冬、地黃、人參、名三才封髓丹。更饒培養之力。十全大補湯。人參、雲苓、白朮、炙草、熟地、白芍、當歸、川芎、黃耆、肉桂。

四君補氣。四物養血。加黃耆、肉桂。建中氣而溫腎陽。以成十全大補之效。故治精滑而屬虛者甚宜。

鹿茸益精丸。鹿茸、桑螵蛸、肉蓯蓉、巴戟天、兔絲子、厚杜仲、益智仁、禹餘糧、川棟子、當歸、韭子、補骨脂、赤石脂、山茱萸、龍骨、滴乳香。

此方治心腎虛冷。漏精白濁。蓋其立方之意。取溫澹之品。以成固攝之功。內有川棟子、乳香。俱流動性。補藥中必兼利品。皆視此例。製為丸。取緩下而澹之意。清心蓮子飲。白茯苓、石蓮肉、益智仁、麥門冬、人參、遠志、石菖蒲、車前子、白朮、澤瀉、甘草。

燈心

清心滌熱。補瀉兼施。既瀉火而不傷陽。復固精而不壅滯。治滑精之有熱者。妙劑也。

四苓散。見前霍亂門。腎氣丸。即附桂八味丸。見前虛勞及吐衄門。

桂枝加龍骨牡蠣湯。桂枝芍藥生薑甘草大棗龍骨牡蠣。

此方治男子失精。女子夢交。蓋以勞傷心氣。火浮不斂。則爲心腎不交。陽泛于上。精孤于下。火不攝水。不必真有交媾。而精自泄。桂枝湯本能補虛而調陰陽。加龍骨牡蠣者。以失精。夢交爲神情間病。非此不足以收斂其浮越也。

蘇合香丸。白朮。木香。犀角。香附。硃砂。訶黎勒。檀香。安息香。沉香。麝香。丁香。藿撥。龍腦。薰

陸香。蘇合香油。

合多品香料。成此丸劑。取其宣通隧道。安鎮神明。本治中風閉症及中惡之法。以其芳香辟穢。服之鬼魅遠避。故又可治鬼交。唯宜暫服而不宜久服。蓋辛能散氣。久服反傷元神。不可不知。

第二十四章 痰飲門

(一) 濕痰

病原 濕痰皆屬於脾。其因有三。一因脾虛生濕。積濕生痰。一因濕邪傷脾。脾陽不運。濕停爲痰。一因酒濕釀痰。

診斷 脈緩面黃。肢體沉重。腹脹嗜臥。納穀不香。其痰多而易于咯出。

傳變 脾主肌肉。濕痰流注肌肉。必變痰核。脾主四肢。濕痰流入骨節。臂痛難舉。

用藥 輕者二陳湯。重者控涎丸。虛者六君子湯。流走四肢者。指迷茯苓丸。流注肌肉者。

加白芥子。因于酒者。加乾葛。鷄距子。

調理 愈後。宜用異功散。四君子湯調理。更宜戒茶酒。薄滋味。

(二) 燥痰

病原 燥痰皆屬於肺。肺失清肅。津化爲痰。

診斷 脈濡面白。喉癢氣短。咳引胸痛。其痰少而不易咯出。

傳變 此症失治。多變肺痿。肺勞等症。殊屬危險。初起宜急治之。

用藥 宜貝母瓜蒌散。加海蛤粉杏仁。或用海螵及萊菔葶煎湯飲之。亦頗有效。

調理 愈後。宜清養肺陰。如百合麥冬之屬。忌食辛辣。

(三) 風痰

病原 風痰皆屬於肝。肝風內動。肝火隨之。風火相煽。煉津爲痰。

診斷 脈弦面青。頭目眩暈。胸脇滿悶。驚悸善怒。其痰清而多泡。

傳變 風痰上逆。最易蒙閉神機。驟變暴厥神昏。四肢抽搐。喉間痰聲如鋸。

用藥 輕者。宜羚羊角散。加瓦楞子。膽南星。仙半夏。重者。先用稀涎散吐之。再予前法。

調理 愈後宜用白芍。牡蠣。龜板。桑葉等。潛肝陽。滋肝陰。並宜安心靜養。毋動肝火。

(四) 熱痰

病原 熱痰皆屬于心。心火熾盛。與濕相合。濕熱蘊釀。變成爲痰。
診斷 脈洪面赤。煩熱口乾。小溲短赤。昏沉多睡。其痰黃厚成塊。
傳變 熱痰本屬于心。蒙閉神機。殊爲易易。或變譫語狂亂之急性病。或變痲癩健忘之

慢性病。

用藥 輕者。宜用滌痰丸。重者。宜牛黃清心丸。或以礞石滾痰丸攻之。隨證施用。

調理 愈後。宜用黃連。蓮子心。竹葉等。清其心火。忌食油膩辛熱。

(五) 寒痰

病原 寒痰皆屬于腎。腎中命火不足。水泛爲痰。

診斷 脈沉面黑。小便不利。手足清冷。小腹拘急。其痰有黑點而稀薄。

傳變 寒盛則陽氣式微。痰盛則竅道壅塞。故寒痰盛者。多致暴厥。况腎爲先天之本。致

死甚易。

用藥 宜金匱腎氣丸主之。若猶未效。當減熟地。山藥。山萸等藥。加菖蒲。沉香。開通其氣

自效。若寒痰暴厥者。宜三生飲。

調理 宜常服腎氣丸。並遠房室。忌飲冷。

(六) 痰飲

病原 素體肥胖。濕氣充斥。復因中氣虛弱。以致肌腠之水。不走網膜。反入于內。而走腸間。身遂瘦削。

診斷 脈弦而滑。其人素盛今瘦。水走腸間。漉漉有聲。心下覺冷。頭目眩暈。

傳變 是症久延不愈。脾陽愈弱。飲邪愈盛。或上犯肺而喘咳。或外走肌肉而腫脹。

用藥 宜芩桂朮甘湯。健脾而化水飲。或合二陳湯以燥之。或合五苓散以利之。隨證選用。

調理 愈後宜用四君子湯健脾。忌食豬肉。

(七) 懸飲

病原 肝失疏泄。三焦不利。水停脅內之板油。懸度不下。留積爲飲。

診斷 脈弦而緊。咳唾白沫。脅下引痛。脅乃肝部。板油居之。飲在板油。肝氣拂逆。而肺氣亦不順矣。故咳而脅下引痛。

傳變 凡病懸飲之人。若患瘧疾。易成瘧母。蓋瘧母亦結于脂下。且必大挾痰飲而結癥。

瘕也。

用藥 體實者。宜十棗湯攻之。體虛者。芩桂朮甘湯去甘草加甘遂。三因方。以十棗湯藥

爲末。棗肉和丸。丸以綉之。頗宜于體虛之人。

調理 攻後宜用苓桂朮甘湯和之。

(八) 溢飲

病原 三焦水道不利。水入膈膜。不能下走網油。以達膀胱。遂致外溢于肌腠。或走于四肢。

診斷 脈浮而弦。肢節作腫。身體疼重。汗不得出。乾嘔喘咳。

傳變 甚則遍體浮腫。指臂不能舉動。喘急不能安臥。

用藥 宜小青龍湯。或越婢湯。分別寒熱用之。其餘如水氣腫脹門等方。均可借用。

調理 汗後飲邪未盡。可用五苓散利之。愈後亦宜健脾。

(九) 支飲

病原 水氣不化。支結于內。其證有四。或在肺。或在腸。或在心下。或在三焦之網膜。

診斷 脈弦而細。在肺者。欬逆倚息。氣短不得臥。在腸者。脹滿。在心下者。心下痞。嘔吐。在

三焦者。其人若冒眩。形如腫。

傳變 支飲之痰。髓處可到。時或變生怪病。莫可端倪。病脈弦而細。跟下如臥蠶狀。百藥

不效。當從支飲法求之。

用藥 在肺者。宜葶藶大棗瀉肺湯。在腸者。宜厚朴大黃湯。在心下者。宜小半夏加茯苓

湯。在三焦者。宜澤瀉湯。

調理 輕減之後。可用桂苓丸緩治之。

(十) 伏飲

病原 好逸惡勞。氣滯血緩。痰飲或伏于心下膈間之空處。或伏于四谿八谷諸俞穴。隱伏不見。

診斷 脈伏而滑。外不腫脹。內不腸鳴。上不喘咳。心下痞。腰背痛。振振惡寒。身瞶劇。傳變 伏飲之病。因其不見。有飲。醫者每致誤治。變生他病。臨證之際。切宜慎焉。

用藥 伏于心下者。宜桂苓丸。伏于四谿八谷諸俞穴者。宜重用茯苓白芥子。再加丁香少許。或指迷茯苓丸亦可。

調理 治愈之後。宜勤于運動。促行氣血。以防再發。

(十一) 痰飲要方淺解

二。陳湯 見前咳嗽門。

六。君子湯 方書謂此方統治諸痰。未可信也。若燥痰熱痰。妄與此湯。必致益劇。用者慎之。見前痰瘡門。

貝母瓜蒌散 是方去半夏。卽異功散。再去陳皮。卽四君子湯。均爲痰飲愈後。調理脾胃之良方。貝母瓜蒌散 貝母瓜蒌橘紅桔梗花粉茯苓。

古方治痰之方。秦半溫燥。俱非燥痰熱痰所宜用。斯方係普明子所定。選用化痰兼

能清熱潤燥之品。用於燥痰。頗合。

羚羊角散。羚羊角、生石決、甘菊花、冬桑葉、鈎藤、殭蠶、梔子、丹皮、靈磁石。

此為熄肝清熱之良方。借治肝風挾痰之症。加五楞子、膽南星、仙半夏。用之頗效。蘭溪醫校校長張壽頤君。治中風因于肝陽挾痰者。每用此法。頗中病機。

稀涎散。皂角、半夏、炙草、白礬、斑蝥。

風痰湧盛。危在頃刻。非用此斬關奪門之將。不足救矣。然非實證至急之時。不可輕用。

清心化痰丸。見驚風門。牛黃清心丸。見溫病門。

礞石滾痰丸。礞石、沉香、大黃、黃芩。

礞石攻痰。黃芩瀉熱。大黃通地道。使其痰有去路。沉香行諸氣。氣行則痰自行。此為

攻治頑痰實熱之峻方。非脈證俱實者。不可輕投。

金匱腎氣丸。見前臑脹門。

桂苓丸。肉桂、茯苓。

肉桂溫通心陽。茯苓能逐心下之水。飲用治心下伏飲。甚宜。

指迷茯苓丸。製半夏、雲茯苓、風化硝、炒枳殼。

此方以半夏化痰。茯苓滲濕。風硝軟痰塊。枳殼行痰氣。較二陳湯之甘緩稍猛。較滾

痰丸之峻悍稍平。尤為治痰飲之平劑。且丸以緩其藥力之下行。可使外達肌腠四肢。故古人以此治痰流筋骨。臂痛難舉。

三生飲 生南星、生川烏、生附子、木香

此為寒痰暴厥之救急方。附子、川烏、回陽逐寒。南星除痰。三者俱生用。取其力猛也。

少佐木香所以行其逆氣也。若體虛者宜重加人參以扶正氣。

苓桂朮甘湯 十棗湯 小青龍湯 小半夏加茯苓湯 俱見咳嗽門。

五苓散 見前霍亂門。

越婢湯 葶藶大棗瀉肺湯 俱見前哮喘門。

澤瀉湯 澤瀉、白朮

水飲入胃。由脾轉輸于三焦之油網。飲邪停于三焦。故以白朮健脾。澤瀉利三焦之

水藥僅兩味。已足切合于病理矣。

厚朴大黃湯 厚朴、大黃、枳實

金匱云。痰飲胸滿者。厚朴大黃湯主之。然此方與小承氣湯相同。胸滿疑是腹滿之

誤。飲邪結于腸間而腹滿。故可用此攻之。

控涎丹 甘遂、大戟、白芥子

甘遂決經隧之水飲。大戟逐臟腑之水飲。白芥子收皮裏膜外之水飲。此方攻水飲

之力。實較十棗湯更劇。蓋十棗湯有大棗以緩藥力而顧正氣。此方則無大棗也。然治痰飲留伏于幽隱之處。非此不足以直達巢穴。故不用大棗之甘緩。更加白芥子以搜逐隱處之飲邪也。惟脈證虛者。切宜慎用。

第二十五章 癰閉門

(一) 實癰

病原

三焦爲溺之來源。尿管爲溺之出路。膀胱爲水津化氣之府。若水氣痰飲停留于三焦。或敗精瘀血阻塞于尿管。或濕熱蘊結于膀胱。此三者屬于實證之癰病。

診斷

尺脈滑而有力。若腕腹痞滿。腸中漉漉有聲。此屬水氣痰飲所停阻。若莖中疼痛。小便急不能出者。此屬敗精瘀血所阻塞。若少腹脹滿。渴而不能多飲者。屬濕熱蘊結于膀胱。

傳變

尿不得從尿管而出。久之尿必妄行。或上逆而爲喘嘔。或外溢而爲腫脹。或偏滲于大腸而爲洞泄。必須通其小便。餘症自除。但不宜純用滲利。有用升提啓上以開下者。有用外治等法者。不可執一。

用藥

水氣痰飲。停留于三焦者。仿前痰飲門治法。敗精瘀血阻于尿管者。令病人仰臥。用鵝翎插入馬口。用水銀一錢。徐徐灌入。以手逐段導之。則諸塞皆通。而尿自出。

調理

尿出則水銀亦從而噴出。毫無傷碍。若因濕熱蘊結于膀胱者。宜入正散合四苓散。若膀胱熱盛而水泉涸竭者。宜田螺罨臍法。或用井底泥敷于臍上。忌用滲利。上述之治法。均係治標。蓋小便不通。其證甚急。故遵經旨急則治標之法。然水氣痰飲之停留。本因脾肺腎三焦之不足。精血瘀阻。濕熱蘊結。莫不各有所因。治愈之後。必當求其所本而調理之。庶幾盡善。

(二) 虛癱

病原

小便之通利。須藉肺氣通調。命火充旺。腎藏堅固。若肺氣不通。則水不能下輸。命火不足。則水不能化氣。腎藏不強。則水不能排泄。此三者。爲癱病虛證之要綱。

診斷

尺脈沉細無力。少腹裏急。若胸悶氣短。此肺氣不通也。若惡寒便溏。此命火不足也。若腰痛口乾。此腎陰不足也。雖日久不小便。却無莖中急欲小便之象。

傳變

虛癱之證。多屬斲傷太過。或年衰病後。正氣衰微。若小便久不得通。必致下氣上逆。嘔噦不食。頭汗淋漓。則難治矣。必須極早施治。或初起漸覺小便利。或便時費力。卽宜治之。庶無危險之患矣。

用藥

凡因肺氣不調。氣閉而致小便不通者。宜服補中益氣湯探吐之。或用人參麻黃各一兩。水煎服。若腎中之火不足者。宜腎氣丸。扶陽以化陰。腎中之水不足者。宜滋腎丸。滋陰以化陽。或用皂角葱頭。王不留行煎湯。令病人坐浸之。使其熱氣內

調理

達。則膀胱之氣化行。而小便通矣。虛而小便不通。本屬肺腎之虧。治愈之後。須分別調理。肺虛者。宜生脈散。腎火虛者。宜八味丸。腎水虛者。宜六味丸。更戒房事百日。蓋腎主臟精。亦主排泄。精虧則腎不足。深恐舊病復發也。

(二)實閉

病原

胃爲受盛水穀之器。腸爲傳導之府。若腸胃之中。或爲食滯所阻。或爲邪熱所結。或爲陰寒所凝。或爲痰濕所膠結。或爲瘀血所瘀阻。皆能使大便不通。此皆屬實。脈滑有力。苔厚。腹脹不減。痛而拒按。此屬實證。惡食吞酸者。屬食滯。壯熱煩渴者。屬邪熱。惡寒口和者。屬寒結。痞滿苔膩者。屬痰濕。脈濇如狂者。屬瘀血。

傳變

實熱便閉。久之燥熱愈盛。津液涸竭。甚至二便均不通者。仍宜攻下。使腸中之燥熱有去路。則津液漸復。小便自利。切勿攻利兼施。反傷津液也。陰結之證。多屬脾腎陽虛。若久閉不通。必致陰氣瀰漫。陽氣否塞。氣閉而死。方書中風門之備急丸。卽爲此症而設。

用藥

因于食滯邪熱者。三承氣湯選用。因于陰寒凝結者。宜溫脾湯。或三物備急丸。因于濕痰膠結者。宜十棗湯。或控涎丹。因于瘀血瘀阻者。宜桃仁承氣湯。若熱結直腸。屎至肛門而不能出。宜豬膽導法。寒結直腸者。宜醬薑導法。

調理

證雖屬實。然攻下之後。胃氣必虛。宜飲薄粥以補養之。倘其邪氣已盡。正氣甚弱。則當用參朮等補中健脾。若脾陰虛者。宜用石斛山藥扁豆等調理之。陽虛者則用參附等溫補之。

(四)虛閉

病原

水穀糟粕之輸化。賴陽氣以腐熟之。賴血液以消化之。賴津液以滑潤之。賴大氣以推蕩之。若過汗過利。或產後病後。虛人老人。腸中氣血津液不足者。多成此病。脈滑無力。或芤或澹。少氣腹滿。或數至圜而不能便。或大便雖閉而腹無所苦。神疲肢倦。不欲飲食。甚有二三十日不大便者。或大便三五日一行。乾燥難出者。

診斷

傳變

苟不詳審。妄用承氣攻下。是虛其虛。目下取快一時。來日閉結愈甚。欲再下之。雖鐵石不能通矣。勢必結者愈結。虛者愈虛。結熱上逆。胸滿喉塞。目睛直視。不可救藥矣。

用藥

氣虛不能推蕩糟粕下行者。宜補中益氣湯加芒硝大黃。因血虛不能滑利大腸而宿食停滯者。宜潤腸丸。因津液虛而宿食停滯者。宜麻仁丸。虛而濕熱阻滯者。宜更衣丸。虛而痰濕膠結者。宜半硫丸。一切虛結。屎至直腸而不得出者。宜蜜煎導法。

調理

常宜食牛奶生蛋豆腐等。滋潤而易于消化之物。並審其血虛者。則補血。氣虛者。

則補氣。津液虛者。則補津液。隨其所因而調理之。

(五)癃閉要方淺解

滋腎通關丸 知母、黃柏、肉桂、

腎爲排泄便溺之要樞。其作用在乎腎中之水火。有火則氣化而能出。有水則濡潤而能泄。故腎藏之水火不足者。皆能成小便不通之病。此方爲治腎水不足小便不通之良劑。知母、黃柏善滋腎水。且腎水不足者。必有濕熱之邪。乘隙蘊結于腎間。方能致小便不通。知母、黃柏又能清腎間之濕熱。故以爲君。少佐肉桂者。陰無陽不化。陰足而又得陽氣之化。則小便自通矣。

八正散 車前子、木通、瞿麥、扁蓄、滑石、梔子、大黃、甘草梢、

車前、木通、瞿麥、扁蓄、滑石。俱能清利濕熱。梔子瀉三焦之火。以利水氣。決瀆之官。大黃瀉下焦之熱。以復水氣濡潤之用。加甘草梢者。取其能直達莖中也。此方本爲治濕熱淋痛之劑。借治小便不通。加木香之辛以利氣。溫以化氣。堪爲癃症之良方。

腎氣散 見前臑脹門 亦名八味丸 去桂附名六味丸

四苓散 三承氣湯 生脈散 俱見溫病門

溫脾湯 見瀉痢門

三物備急丸 巴豆、大黃、乾姜

此方為攻陰結之峻劑。乾姜散陰寒。巴豆下寒積。大黃助巴豆以推蕩積滯。用之得當。有起死回生之功。然非脈證俱實者。不可輕用。方名備急者。正以急則可用。不宜一概妄用也。

控涎丹 見前痰飲門 十棗湯 見咳嗽門

補中益氣湯 見前中風門 桃仁承氣湯 見要方補遺

潤腸丸 當歸生地枳殼桃仁火麻仁

當歸生地桃仁養血活血。枳殼行氣。麻仁潤腸。血虛而便閉者。此方甚宜。然血虛復因宿食邪熱內結者。法當先攻其邪。後顧其正。攻邪仍宜用三承氣湯。不得過事小心。妄與此湯。深恐食滯熱結之邪。得歸地等滋膩之藥。反愈膠結而不得解也。

麻仁丸 見前中風門

更衣丸 蘆薈硃砂

蘆薈清濕熱。硃砂潤腸。為攻濕熱積滯之平劑。虛者宜之。

半夏硫黃 半夏硫黃

半夏化痰濕。硫黃下陰結。治大便不通。因于痰濕陰寒所結者。用此甚效。

豬膽汁導法 豬膽汁灌入肛門中

醬薑導法 醬薑削如手指大納穀道中

蜜煎導法。蜂蜜熬厚，捻作挺子，乘熱納穀道中。

大便結在直腸，攻下徒傷胃氣，宜審寒熱虛實，用導法導之。寒者薑導法，熱者宜豬膽汁導法，津液虛者宜蜜煎導法。

田螺罨臍法。田螺一枚，搗爛去壳，入麝香少許，敷臍上，用帛束之。

熱結膀胱，小便不通，久之下氣上逆，嘔吐不能飲藥，惟用此法外治之，甚妥。

第二十六章 便血門

(一) 遠血

病原

其血由胃或小腸而下，離肛門遠，故曰遠血。其因有三：一因脾氣虛弱，血失統攝，陰絡之血離經妄行，滲入于胃或小腸；一因胃熱熾盛，陽明經血得熱妄行，流入于胃或小腸；一因跌扑損傷，瘀血收入于腸胃之中。

診斷

先便後血者為遠血。若脈遲細無力，面黃肢冷，血色稀淡者，屬脾虛，脈洪數有力，面紅口渴，血色鮮紅者，屬胃熱，血色黑者，為瘀血。

傳變

脾胃為後天之本，化精微以滋養全身。若便血久而不愈，脾胃大傷，勢必陷入損途，難經以自上而損下，至胃則不治，自下而損上，至脾則不治。然若脾胃先損，不亦更甚乎。

用藥

因于脾虛者。宜黃土湯。甚者稍加升麻。仿補中益氣湯意。因于胃熱者。宜白虎湯。合犀角地黃湯。因于瘀血者。宜桃仁承氣湯。

調理

此證治愈之後。宜多服四君子湯。及八珍湯等。調補脾胃而生新血。并忌食辛辣之食物。毋過勞以傷脾。

(二)近血

病原

其血由大腸而下。離肛門近。故曰近血。其因有二。一因濕熱蘊結于大腸。大腸榮血受傷。結爲內痔。破而時時流血。名曰藏毒。一因邪風稽留于厥陰。擾動衝脈之血。衝脈與直腸相並。血滲入腸而下血。是名腸風。

診斷

先血後便者爲近血。若肛門疼痛血色渾濁。點滴不已者。爲藏毒。若肛門不痛。血色純清。四射如濺者。爲腸風。

傳變

藏毒久而不愈。甚則脫肛翻花。或久漏而成損。腸風久而不愈。血去過多。肝失榮養。必致肝風內動。挾其稽留之邪風。變生不測之病。蓋風爲百病之長。而善變也。藏毒宜赤豆當歸散。腸風宜槐角丸。二證下血過多。陰分虧損。久而不愈者。宜滋陰臟連丸。

用藥

陰臟連丸。

調理

近血愈後。宜調養肝腎。如四物湯六味地黃湯等。皆可酌用。更宜少房事以養腎。戒嗔怒以養肝。

(三) 淋血

病原

此證原因。多由敗精瘀血。挾濕熱阻滯于泌尿管。及馬爾祕氏囊之間。以致腎靜脈之血。流至其處。不能分泌血液與尿爲兩路。故血與尿同出也。靜血本爲渾濁之血。且夾雜敗精瘀血。故溺時淋瀝不爽。因名淋血。亦有不因濕熱。因于命火衰微。膀胱宣化失司。以致淋血者。

診斷

尿中夾血。淋瀝不爽。管中割痛。甚則小便點滴不通。少腹脹痛。若脈弦滑而無虛證者。屬濕熱。脈虛細無力而多虛證者。屬命火衰微。

傳變

淋血久而不愈。尿道濁垢。愈積愈厚。甚至小便點滴難通。莖中痛如刀割。更甚則尿無出路。上逆而爲嘔吐氣喘。則不治矣。

用藥

因于濕熱者。宜導赤散必效。散主之。因于瘀血者。宜牛膝膏。因于命火衰微者。宜肉蓯蓉丸。

調理

淋之病根。本在于腎。腎藏虛弱。不能分清水血之故。若淋病愈後。宜八味六味丸。隨其陰虛陽虛而調補之。

(四) 尿血

病原

此證原因有二。一因血室有熱。血得熱而妄行。一因肝脾兩虛。血室之血。失于統藏。血室與前陰最相接近。女人崩漏之血。卽從此出。男子病此。卽爲尿血。血室爲

診斷

任脈所主。任脈卽大動脈管。動脈之血本清。且由血室而徑出。無濕濁瘀精之夾雜。故尿血莖中不痛。

溺出鮮血。如尿長流。絕無阻滯。且不疼痛。若脈數舌絳。心煩咽燥者。爲血室有熱。若見脈虛無力。神疲肢倦者。屬肝脾兩虛。

傳變

此證初起之時。雖莖中不痛。然久而不愈。多致變爲莖中亦痛。蓋或所流出之血。瘀阻于管中。或濕熱乘隙而下注。不通則痛矣。此時用藥。宜與淋血同治。

用藥

血室有熱者。宜一味龍膽草治之。不效者。宜六味地黃丸。壯水以制陽光。若肝脾兩虛者。宜歸脾湯主之。

調理

血室之病。爲肝所主。故此病愈後。當以調肝爲第一要着。如逍遙散四物湯等皆可選用。

(五)便血要方淺解

黃土湯

竈心土、甘草、白朮、熟地、黃芩、阿膠、附子。

血者脾之所統攝也。脾虛則血無統攝。脾氣下陷。血亦隨之而下。故便血也。此方以灶土草朮補脾。以爲攝血之本。氣陷則陽陷。故用附子以振陽。血傷則陰虛火動。故用黃芩以清火。又以阿膠熟地補其既虛之血。合計此方。乃健脾補血。兼用溫清之品以和之。爲脾虛失血之總方。古皆目爲聖方。不敢加減。然吾謂仲聖立法。指示法

門之一端。實則化而裁之。在乎後人。若其症偏于寒者。此方可去黃芩。再加溫藥。若其症偏于熱者。此方可去附子。再加清藥。是在臨證之隨機應變耳。

犀角地黃湯 桃仁承氣湯 逍遙散 四物湯 八珍湯 均見要方補遺

補中益氣湯 見前中風門

白虎湯 見前溫病門

四君子湯 見前痰瘧門

赤豆當歸散 赤小豆當歸

藏毒之病原。由于濕熱蘊結于腸門。血凝毒滯而成。此方以赤小豆利熱濕而排血中之濕毒。以當歸和榮活血。藥僅二味。已具治病求本之要旨。

槐角丸 槐角地榆黃芩黃連黃柏生地當歸川芎防風荆芥側柏枳殼烏梅生姜

腸風之症。由于外風傳入于陽明大腸。并挾厥陰之內風。擾動衝血所致。此方以防風荆芥祛其外來之風。以烏梅川芎治其內動之風。又佐以各種養血清火等藥。蓋

火清血甯。則風自熄矣。

滋陰臟連丸 即六味地黃湯 加黃連猪大腸

便血久而不愈。此方最效。方用六味地黃湯為君。此中頗有妙理。蓋腎主二陰。腎氣足則二便如常。腎氣不足則二便反常。便血之原因雖多。其本則在于腎。故用六味

地黃湯補腎爲主。加黃連之苦寒。苦能堅腸燥濕。寒能清熱。加大腸引至病所。立方頗精。

導赤散 必效散 牛膝膏 肉蓯蓉丸 俱見淋濁門
八味丸 六味丸 俱見虛勞門 歸脾湯 見吐衄門

第二十七章 汗病門

(一) 自汗

病原 自汗屬陽虛。陽者衛外而固密者也。陽氣內虛。陰中無陽。則汗隨氣泄。經謂陰勝

則身寒汗出。卽其候也。過服汗劑則亡陽而汗不止。卽其證也。

診斷 陽虛者。不因勞動。不因發散。忽然汗自出。或每至天明時汗出。身寒而冷。脈象虛

微。

傳變 久延不治。津虧液虧。易成損證。于前虛勞門求之。甚者有因而亡陽者。

用藥 宜補氣以衛外。固衛則表氣實而腠理不疎。補陽湯主之。黃耆建中湯亦主之。

調理 此證往往愈而復發。可常以黃耆浮小麥黨參棗仁四者煎湯代茶。能杜不發。曾

治數人皆效。

(二) 盜汗

病因 盜汗屬陰虛。陰者營內而斂藏者也。陰氣虛弱。則生內熱。而迫液外泄。經謂腎病

者。寢汗憎風。卽此意也。產後脫血。孤陽無依。大汗不止。卽此證也。

診斷 陰虛者。寐中汗竊出。醒後俛收。自不知汗何時泄。惡風口渴。脈虛細而散。仲景云。

男子平人。脈虛弱細微者。善盜汗也。

傳變 久不已。亦延入損門。若汗出如珠不流者。此爲絕汗。死不可治。

用藥 宜補陰以營內。填營則裏真固。而津液不泄。益陰湯主之。當歸六黃湯亦主之。

調理 宜時以經霜桑葉爲末。茶調服。然宜自加養性。不可暴怒。引動肝火。注意及之。

(二) 實汗

病因 實汗之類甚繁。若暑邪溫熱。胃實傷風等。皆能致汗。惟皆因于熱。蓋熱能散氣。陰

液乃得乘間而泄越。

診斷 暑邪見前暑病門。溫熱見前溫病門。胃實傷風見前傷寒門。之陽明太陽二候。閱

者可自檢閱。此不復贅。

傳變 傳變前亦述及。惟往往有熱盛而反無汗。則以津液燄涸。汗源竭絕。經云。陽加于

陰。涸而無汗。涸亦常也。

用藥 熱盛無汗者。宜白虎湯加生地蘆根花粉等與服。餘不再述。夫四者皆因感邪而

致汗。則治者直去其邪可也。不必拘拘于汗。觀自汗盜汗。禁用發表之品。而總以

補陽補陰爲主。可三隅矣。

調理 大抵總忌辛熱之品。然內經云。食肉則復。多食則遺。指熱病而言。亦當觸類旁通之。

(四)黃汗

病因 黃汗者汗出黏衣作黃色也。因脾熱汗出。用水浸浴。水入毛孔而成。仲景所謂黃

汗得之汗出入水中浴。水從汗孔入得之是。蓋氣從汗孔而入。鬱蒸爲熱。濕熱相

診斷

身腫而冷。狀必周痺。胸中塞。不能食。反聚痛。暮躁不得眠。汗出而渴。狀如風水。汗

沾衣。色正黃如柏汁。脈自沉。

傳變

黃汗兩脛自冷。假令發熱。此屬歷節。若汗出已。反發熱者。久久其身必甲錯。發熱

用藥

宜黃。著桂枝芍藥苦酒湯。晝熱者加防風。夜熱者加當歸。食少者加白朮茯苓。

調理

黃汗小便亦黃。謂清者邪已盡。可勿藥。黃者可以蔓荊子爲末。每日以白開水服一匙。漸漸減少。亦單方也。

(五)藏府汗

原因 藏府汗。卽五藏六府之汗也。大抵一因于熱。一因于勞。勞則傷陽。熱則傷氣。皆能

診斷 致汗。故偶然者。不能謂之病。若過度長久。則不免傷五藏之精。卽不免于治矣。飲食飽甚。汗出于胃。驚而奪精。汗出于心。持重遠行。汗出于腎。疾走恐懼。汗出于肝。搖體勞苦。汗出于脾。此見內經。言簡而大可玩味也。

傳變 此屬自然。非爲疾病。並無傳變之候。然五藏因虛者。亦不當任其不治也。若胃則

用藥 所謂食入于陰。長氣于陽。不治可耳。曾有友人。每食必汗。無傷也。肺虛者。固其皮毛。宜玉屏風散。心虛者。益其心脈。宜硃砂安神丸。腎虛者。助其藏。

調理 宜六味丸。脾虛者。壯其中氣。宜補中益氣湯。肝虛者。禁止疎泄。白芍湯。無須服藥餌調理。惟能養生以節勞操作。安居處。攝身心耳。

補陽湯 (六) 汗病要方淺解 人參、黃耆、白朮、甘草、五味子。

補陰湯 本四君子湯去茯苓加黃耆、白朮、甘草、五味子。補氣之中。有酸收之效。陽虛自汗。投之立效。

盜汗 山萸、地黃、丹皮、芍藥、麥冬、五味子、山藥、澤瀉、燈草、地骨皮、蓮子。盜汗由于陰虛。陰虛則生內熱。故方中都用清補之物。所以補其陰而清其熱也。惟

當歸六黃湯 見要方補遺。虛甚者。可加人參。其效尤著。

白虎湯 見溫病門

黃著桂枝芍藥苦酒湯 黃著桂枝芍藥苦酒

黃汗由酒熱相交。故用桂枝行陽。芍藥益陰。黃著氣味輕清。外皮最厚。達于皮膚最捷。寘以苦酒。則直協苦酒之酸。以止汗也。長沙方之妙。無一味虛設。於此可見。

玉屏風散 防風黃著白朮

肺主皮毛。肺虛難免感受外邪。故用防風。然以防風之善驅風。得黃著以固表。則外有所衛。得白朮以固裏。則內有所據。風邪去而不能復入。無邪留之患。有固表之功。此所以當依如屏而珍如玉也。

硃砂安神丸 黃連甘草生地當歸硃砂

心虛則神散。神散則恐懼自失。流淫而不止。故先以硃砂鎮之。後以黃連生地清其心。當歸和其血。甘草培其中。

六味丸 見前吐衄門

補中益氣湯 見前中風門

白芍湯 白芍棗仁烏梅

肝血虛則肝失疎泄。用芍以泄之。棗以補之。梅以收之。藥要而不繁。頗可法也。

第二十八章 疝氣門

(一) 衝疝

病因 督脈生病爲衝疝。由于寒溼之邪。久鬱于內。化而爲熱。客寒觸之。遂成此疾。氣從少腹上衝心而痛。不得前後。甚則二便不通。

診斷 此證延久不除。漸變衝心疝氣。證似蟲脹。宜溫運而忌攻伐。然多不治。

傳變 宜天台烏藥散加鐵銹水調服。甚則禹功散加炮姜。枳實。青皮。下之。

用藥 此症調理。切宜謹慎。每見食填中脘。濁氣上逆。頃刻告變。與脚氣衝心相類。

(二) 狐疝

病因 肝所生病爲狐疝。由于寒客厥陰。沉結下焦。邪挾肝風而上下也。

診斷 睪丸偏有大小。臥則入腹。立出腹。時上時下。脹緊攻痛。

傳變 久則正氣日衰。病氣日盛。以致不能坐立。坐立則脹墜疼痛欲絕也。

用藥 宜蜘蛛散。用補中益氣湯。外用牡蠣六兩。鹽泥固擠。炭三斤。煨至火盡。取一二兩。乾

姜一兩。焙末。水調塗患處。

調理 肝爲藏血之臟。肝臟生病。良由血虛不能養肝所致。故此症愈後。當繼以養血。

(三) 癩疝

病因 三陽爲病發寒熱。其傳爲癰疝。由于太陽寒濕之邪。下結膀胱所致。

診斷 少腹腎囊腫急絞痛。甚則陰囊腫大。如斗如拷。或頑固不仁。

傳變 甚者腎囊腹大。與身齊等。若腎囊破裂。卽致不救。

用藥 此症痛甚者難治。宜蠲痛丸。但覺微痛者。易治。宜桂苓丸。加蒼朮。厚朴。川烏。黃柏。

調理 寒濕之邪凝結而爲癰疝。必因脾腎陽虛。寒溼得以留戀。溫運脾腎。實爲此症調

理之必要。

(四) 厥疝

病因 肝經素有火邪。寒氣外鬱。肝不條達。木乘土位。遂成斯疾。

診斷 脈大而虛。腹中疼痛。上下左右。攻衝無時。甚則厥逆。

傳變 久之肝木尅脾。脾氣亦虛。甚至疼痛不能食。或自利不止。勢難救藥矣。

用藥 宜寶鑑當歸四逆散。或川苦楝散。加吳茱萸。玄胡索。烏藥之類。

調理 此證無論已愈未愈。切宜戒怒。怒則厥氣盡向上逆。卽有霎時昏厥之變。

(五) 瘕疝

病因 脾傳之腎爲瘕疝。由於脾經濕氣。下注於衝任交會之所。

診斷 腹有瘕疝。痛而且熱。時下白濁。女子不月。男子囊腫。

傳變 時下白濁。久而不愈。最易變爲虛損。蓋白濁爲人身之津血所化也。

用藥 宜龍膽瀉肝湯。去生地。加橘核。桃仁。吳茱萸。丹參。白茯苓。
調理 此證調理之法。當以益腎養血爲主。腎氣盛。則下焦之溼熱自化。血氣旺。則凝結
之痞塊自消。

(六) 癘疝

病因 肝不條達。血凝氣滯。肝脈循陰器。故結於陰囊。而爲癘疝。

診斷 肝脈滑甚。卵核腫脹。偏有大小。堅硬如石。痛引臍腹。

傳變 甚則陰囊腫脹成瘡。時出黃水。或成癰潰爛。或下膿血。

用藥 宜橘核丸。橘核散。主之。或用桃仁。紅花。玄胡。山查。橘核。荔枝核之屬。

調理 是證愈後。宜逍遙散。改湯爲丸。常常服之。俾肝木得以條達。病根自除。

(七) 癘疝

病因 脾經濕熱。下注膀胱。膀胱之旁爲血室。濕熱與血凝結而成也。

診斷 脾脈微數。少腹滿痛。腎囊腫大。小便祕澀。

傳變 甚則小便不通。脹緊欲絕。宜仿前癘閉門之治法。急通小便爲要務。

用藥 宜加味通心散。或加味通心飲。或五苓散。加桃仁。山查。川棟子。茴香。

調理 清利溼熱。爲是症調理之必要。然邪之所湊。其氣必虛。又當養陰以清熱。健脾而
化濕。治病必求其本也。

(八)疝氣要方淺解

天台烏藥散。烏藥、木香、茴香、青皮、檳榔、良薑、苦楝子、巴豆。

衝疝爲病。由于寒濕挾厥氣上衝。故用巴豆降其上衝之勢。楝子平其厥逆之氣。烏藥、良薑、行氣和血而化寒濕。青皮、茴香、溫寒理氣而疎肝木。木香行周身無形之滯。檳榔破下焦有形之積氣。氣行則凝結者自散。氣順則上衝者自降。故東垣以此方爲治衝疝之良方。

禹功散。見前厥脹門。

此方本爲厥脹攻下之峻方。借治衝疝。蓋衝氣上逆。下之以順其氣也。然惟初起脈證俱實者。方可用此。若久病脈證俱虛者。僅宜溫運脾陽。若降厥氣。慎勿妄攻而誤人命也。

蜘蛛散。蜘蛛、肉桂。

陰狐疝氣。卽內經之狐風疝。由于寒邪挾肝風。沉結下焦而成。蜘蛛性陰而厲。隱見莫測。可定幽暗之風。散厥陰下焦之結氣。肉桂芳香入肝。辛溫祛寒。善散沈陰疝氣。而爲蜘蛛之引導。二者合用。其法甚妙。後人以蜘蛛有毒。不敢試用。然有病則病當用之。宜雖砒鳩尚可入。藥何況蜘蛛。吾師拙巢常用此方治愈狐疝者。已有三人。毫無中毒之害。惟蜘蛛必須去頭足熬焦爲宜。

蠲痛丸

延胡索、川棟肉、小茴香、白牽牛、高良姜、當歸、青皮、木香、烏藥、全蠍。

此方治疝氣之痛甚者。頗有奇效。蓋血凝氣滯。不通則痛。方用延胡、當歸、良姜、行血。木香、茴香、青皮、行氣。氣血流通。則痛自止。更佐川茴、平肝。全蠍息風。肝氣平。肝風息。則攻衝脹痛可除。佐烏藥止痛。牽牛瀉積。積者去。痛者止。則沉結疝氣可除。痛疝用此。詢有立即蠲痛之功。

桂苓丸

見前癰閉門

寶鑑當歸四逆散

當歸、梢、附子、官桂、茴香、柴胡、玄胡、芍藥、川棟子、茯苓、澤瀉。

此治厥疝疼痛之主方。厥陰為藏血生氣之臟。內寄相火。寒濕客於厥陰。血滯氣逆。變為厥疝。方用當歸、白芍和其血。玄胡、茴香理其氣。桂、附溫散其寒。苓、澤淡滲其溼。川棟、平肝。柴胡、疎肝。立方頗合病理。為後世方中不可多得之方。

川苦棟散

川棟子（剉細同巴豆炒黃去巴豆）木香、茴香（鹽炒去鹽）

是方藥僅三味。方意頗精。川棟、茴香本皆為治疝之要藥。然疝氣多屬寒濕外鬱。而川棟大苦大寒。尚未切合。故用大熱之巴豆同炒。以制其大寒之劣性。且巴豆性善下達。又能助棟、川平肝之力。使肝氣之上逆者。得以下降也。茴香雖能治疝。然其性辛散。難于直達下焦。故以鹽炒。鹽為腎之味。能引茴香直達至陰之處也。佐以木香。善理諸氣之品。川棟得木香。則平肝之力愈大。以肝氣得以條達也。茴香得木香。則

治疝氣之功愈顯。以疝氣得以疎通也。

龍膽瀉肝湯。龍膽草、柴胡、澤瀉、車前子、木通、生地黃、當歸尾、梔子、黃芩、甘草。

疝證屬於肝經溼熱者。非此方不克。方用龍膽草瀉肝膽之火。更以柴胡引之。甘草緩之。佐以芩梔通澤。車前。冀大利前陰。使肝經之濕熱盡從前陰而出。然前藥皆瀉肝之品。病去則肝亦傷。故又加當歸生地補血以養肝。於瀉肝之劑。反佐以補肝之品。頗有標本兼顧之妙。

橘核丸。橘核、海藻、桃仁、海帶、川棟子、厚朴、木通、枳實、玄胡、桂心、木香、昆布。

瘻疝之狀。堅硬如石。此屬寒濕與氣血凝結而成。故以海藻昆布海帶軟其堅。橘核川棟治其疝。桂心溫寒。木通利濕。桃仁玄胡破血。厚朴枳實木香行氣。藥味雖多。俱與病理相合。亦是良方。

加味通心散。瞿麥穗、木通、梔子、黃芩、連翹、甘草梢、枳殼、川棟子、肉桂、桃仁、山查、當歸尾。

燈芯竹葉車前草。

是方主治癰疝。癰疝者。疝氣而兼小便不通也。方用木通、燈心、車前、黃芩、梔子、連翹、大利三焦之濕熱。癰疝之病。因由于濕熱與瘀血互阻。故又用桃仁歸尾山查以祛瘀。瘀血非溫不行。故加用肉桂以溫血。枳殼攻治有形之結。川棟平治無形之氣。瞿麥穗直趨下焦。而通癰閉。甘草梢直達莖中。而緩疼痛。更佐以竹葉清心。火蓋以尿

之來源。由于腎動脈之血。經過腎臟。從血液中分泌而來。血生于心。故清心火以治其本。方名通心。亦爲此意。至前人以心與小腸爲表裏。然考于生理解剖諸書。小腸並不主乎小便也。

加味通心飲 卽前方煎湯

逍遙散 見要方補遺

補中益氣湯 見前虛勞門

第二十九章 噎膈門

(一) 寒膈

病因 中焦陽氣不充。寒氣凝聚。上脘不得通。胃氣不得降。此寒膈之病因也。

診斷 脈遲面白。四肢厥冷。泛吐清水。脘腹脹滿。食不得入。雖入亦不消化。

傳變 此症久延。甚則粒米不入。泛吐黑水。是謂陽氣已竭。不可救矣。

用藥 宜五膈丸主之。或理中湯加川烏、蜀椒、川連、巴霜、皂莢末、蜜丸。冷水送服。

調理 此症稍愈之後。卽宜兼服八味丸。補真火而生陽氣。俾中焦之寒氣可以盡去也。

(二) 熱膈

病因 陽明燥火熾盛。津液耗乾。火性上衝。則食不得下。食道乾燥。則食不得入。

診斷 脈數面赤。五心煩熱。口苦生瘡。咽喉乾燥。食不得入。甚則食入即吐。

傳變 此症不能久延。變症甚速。如譫語狂妄。口舌焦黑等症。每致隨之而見。

用藥 熱而虛者。宜用梨汁藕汁熬膏加蜜。不時噙服。熱而實者。宜調胃承氣湯。或大黃

甘草湯。

調理 是病初愈之時。不宜多食。蓋食入于陰。長氣于陽。恐再助陽明之火而復熾也。

(三) 氣膈

病因 七情過度則氣結。氣結則運化不行。氣機壅滯。肝氣上逆。膈氣不通。

診斷 脈弦而沉。噫氣頻頻。中脘滿痛。痛引背脊。胸悶氣逆。食不得下。大便秘利。

傳變 久之腹中疼痛如刀割。饑雜如大飢。此內傷已極。死期迫矣。

用藥 氣挾食者。宜越鞠丸。氣夾痰者。宜四七湯。氣挾寒者。宜五噎丸。虛者。宜逍遙散。

調理 此症乃神思間之病。法當內觀靜養。以助藥力。否則藥雖逍遙。而人不逍遙。亦無

益也。

(四) 痰膈

病因 頑痰留飲。膠結于上脘食管之間。飲食下咽。爲痰所阻。故不得下也。

診斷 脈滑有力。咳嗽氣喘。喉間痰聲漉漉。胸膈痞塞。飲食不能下咽。

傳變 甚則喉間痰塞。氣息不通。頃刻告變。與類中相同。

用藥 宜小青龍丸。或二陳湯加蘇子。虛者加參朮。喉間痰盛者。可微涌之。
調理 宜六君子湯調理之。蓋脾爲生痰之源。治脾卽所以杜痰之根株也。

(五)食膈

病因 卒然暴食。壅結于上脘。食管之間。閉塞不通。因而成膈。年老人多得此疾。
診斷 脈濇有力。胸中苦痛。不得大息。惡聞食臭。粒米難下。咽痛不堪。

傳變 甚則氣塞不通。目睛直視。胸高息閉。倏忽死矣。

用藥 初起者。宜用春米杵頭細糠。煎湯呷之。或煉蜜爲丸。合嚥津。甚者。宜開關利膈丸。
調理 因食而噎。必由氣不足輸送。而津不足濡潤也。當用四君四物等湯。調理其後。

(六)虛膈

病因 脾虛不能生津。血虛不能濡潤。以致食管胃府。乾燥不能納食。此膈症之最重也。
診斷 脈細無力。四肢怠倦。肌膚乾燥。或肢體麻痺。咽喉乾燥。噎膈不通。

傳變 久之糞如羊矢。腸中之血亦無矣。吐痰如蟹沫。脾氣敗矣。皆主不治。

用藥 脾虛者。宜六君子加丁香沈香。血虛者。宜四物湯加桃仁。童便。韭汁。乳汁。

調理 宜多飲人乳牛羊乳。以增胃中之津液。惟便溏者忌乳。宜服人參湯。或炒米湯。

(七)噎膈要方淺解

五膈丸 人參、附子、乾姜、蜀椒、桂心、細辛、麥冬、甘草、遠志。

五噎丸

人參、附子、乾姜、蜀椒、桂心、細辛、橘皮、吳萸、茯苓、白朮。

二方俱用參附椒辛姜桂之屬。皆所以治脾胃虛寒之噎膈也。惟前方加麥冬甘草以生津。遠志以補火。寒盛而兼肺胃枯槁者宜之。此方加橘萸以疎肝。苓朮以健脾。脾虛而兼肝氣橫逆者宜之。

理中丸

見前霍亂門。

調胃承氣湯

見前溫病門。

大黃甘草湯

見前嘔吐門。

八味丸

見前噎膈門。

越鞠丸

香附、蒼朮、撫芩、神麩、梔子。

此方為統理諸氣之主方。氣之鞠鬱。多依痰濕食滯而為病。故用蒼朮神麩以化之。氣之阻滯。多由血脈不通而為病。故用香附撫芩以行之。氣鬱則化火。故用梔子以清之。借治氣滯食停之氣膈症。頗有效驗。然藥性偏燥。暫用則可。久服非宜。恐反耗氣而傷津血也。

四七湯

半夏、厚朴、茯苓、紫蘇。

此方以四味之藥。治七情氣鬱之病。故名四七。實仿金匱半夏厚朴湯之意。蓋氣本為無形之物。苟無痰瘀等有形之物。為其依憑。則氣安能成噎塞攻衝之病哉。故氣

挾痰而爲病者。當以治痰爲主。理氣爲佐。是方以茯苓半夏治痰。厚朴紫蘇理氣。卽是意也。

逍遙散。四物湯。俱見要方補遺。

小青龍丸。卽小青龍湯原方爲丸。二陳湯。俱見前咳嗽門。

六君子湯。見前痰瘧門。

開關利膈丸。木香、檳榔、人參、當歸、藿香、甘草、枳實、大黃、厚朴。

是方卽小承氣湯加行氣扶正之藥。蓋取氣行則膈開。正足則邪去之意。然藥品攻多于補。惟宿食壅結而致噎膈者。方可暫用此劑以攻之。否則噎膈之燥結。多由五志抑鬱。傷耗精氣而成。若妄用攻下。鮮有不僨事者也。

第二十章 咽喉門

(一) 喉風

病因 前人有十八種喉風之別。然綜其大要。不外虛實二種而已。虛者由于虛火上炎。實者由于痰火及風。且喉痺卽實者之重症。喉癰亦與實者相類。白喉係虛喉風之一種。皆不必另分。

診斷 實證喉風。腫紅焮痛。痰多脈洪。甚則咽喉閉塞。湯水難下。語言不出。謂之喉痺。若

傳變

其腫偏在一偶。痛引耳根。腮下牙牀者。爲喉癰。微腫微紅。咽乾脈虛者。爲虛證。喉風。上午痛甚而苔白者。屬陽虛。下午痛甚而喉白者。屬陰虛。

喉風爲喉症中最重之症。治之稍緩。卽至危殆。所謂走馬看喉風是也。大抵服藥隨手應效者。可治。若至面青唇黑。氣急頭汗。直視反張。鼻流清涕。六脈模糊者。雖見一端。皆不可治也。

用藥

實證治法。表實者。荆防敗毒。裏實者。雄黃解毒丸。或利咽涼膈湯。表裏俱實者。清咽利膈湯。痰盛者。元明醋導吐之。熱盛者。貼異功散。刺少商穴。虛證治法。陽虛者。補中益氣加麥冬。元參。桔梗。牛蒡。陰虛者。養陰清肺湯。喉間俱吹玉鑰匙。膿熟針之。

調理

病時不宜多臥。慮其痰火不能下降。病後不宜厚味。慮其餘燼復熾。更宜再服清火化痰等劑。以杜後患。

(三) 喉痧

病因

春應溫而反寒。冬應寒而反溫。非其時而有其氣。釀成疫癘之邪。邪從口鼻而入。蒸騰于咽喉。漫佈于三焦。故上而咽喉疼痛。外而發現丹痧也。

診斷

初起寒熱嘔咳。胸悶心煩。遍身骨楚。繼則外發丹痧。其紅點細小成粒者爲痧。紅暉如雲成片者爲丹。然亦有受邪本輕。不發丹痧。僅喉痛愈後。寒熱自退而愈。

傳變 是證因于疫毒。易于傳染。近侍之人。宜多服青龍白虎湯。可免傳染。其傳變之次序。與外感風溫相同。亦由衛而氣。由氣而榮而血而入心包也。凡神識不清。或自

利不止。或音啞氣急者。皆爲險症。

用藥

初起宜解肌透痧湯。熱在氣分者。加減麻杏石甘湯。熱在榮分者。加減黑膏湯。胸

調理

悶甚者。先服玉樞丹三分。再服前藥。外吹玉鑰匙。爛者吹錫類散。喉痧之證。與溫病彷彿。溫病最易傷陰。喉痧亦易傷陰。愈後調理之法。當以養陰爲第一要義。亦有過服涼藥而傷陽者。然甚少耳。

(二)乳蛾

病因

多食辛熱酒肉等物。熱毒蘊于肺胃兩經。結于厥陰之絡。復感風寒。凝結而成。輕者爲單乳蛾。重者爲雙乳蛾。若其火毒更甚者。則爲喉疔。

診斷

乳蛾生于帶丁之旁。形如乳頭。或如蠶蛾。或如棗栗。紅腫疼痛。妨于嚥飲。兩旁俱生者。爲雙乳蛾。一旁生者。爲單乳蛾。喉疔與單乳蛾相類。但蛾圓而大。疔尖而小。形如釘尖。色紫堅硬。初覺麻癢。旋即大痛。

傳變

此證若兼痰湧氣急者。險。急用三稜針刺少商穴。或厥陰之火。乘勢大升。手足厥冷。頭目昏沉者。用吳茱萸末。醋調。敷足心。引火下行。若熱毒內陷。胸高面黑。神昏。譫語者。死。

用藥

乳蛾宜清咽利膈湯。吹冰硼散。日久不潰者烙之。膿熟者針之。便閉者下之。喉疔宜三黃涼膈湯。倍加甘草。銀花。地丁草。菊花。外貼異功散。內吹金不換。內熱盛者急下之。

調理

此證愈後。仍宜多服清火之藥。以善其後。然火盛者陰必虛。壯水之主。以制陽光。亦爲此證調理之妙法也。

(四)喉疔

病因

其因有二。一因梅毒未盡。循任脈上攻于咽喉。一因腎水久虧。相火挾脾濕上薰于咽喉。前人有喉疔喉癰之分。其實無甚差別。且其因亦同。

診斷

梅毒喉疔。初起周圍有紫暈。久則腐爛疼痛。臭穢不堪。虛證喉疔。初起咽喉乾燥。如物噎喉。其色紫暗。微腫微痛。久則腫痛日增。喉上破爛。喉皮重疊。更且嘔吐酸水。噦出甜涎。

傳變

梅毒喉腐。爛上則鼻柱爛壞。爛下則飲食難進。多致不救。虛證喉疔。日久則聲音嘶啞。喘急多痰。臭腐蝕延。妨碍飲食。由此胃氣漸衰。病氣愈深。而難救藥矣。

用藥

梅毒喉疔。服硫黃不二散。吹結毒靈藥。兌人中白。弱證喉疔。服甘露飲加川連。或知柏地黃湯。腫吹冰硼散。腐吹錫類散。

調理

愈後宜服六味丸。有毒者加禹餘糧。龜板。虛者加玄參。知母。女貞。枸杞。俱用鹽水

炒。或稍加附子。導火歸原。更宜薄滋味。寡色慾。庶不致再發。

(五) 咽喉要方淺解

荆防敗毒散 見前瀉痢門

是方借治喉症表實之證。卽內經所謂結者散之。火鬱則發之之義。然惟初起表邪盛者。方可用之。否則發散太過。恐其助炎上之火勢。傷五內之正氣也。

雄黃解毒丸 雄黃、鬱金、巴豆

此係奪關斬將之峻劑。惟喉風痰火壅盛者。方可暫用此丸。用者慎之。

利咽涼膈湯 梔子、玄參、石膏、薄荷、黃連、花粉、牛蒡、貝母、大黃

胃火上炎。致成咽喉危症。非此釜底抽薪之法。不足治也。稍加牛蒡薄荷者。仍寓結者散之之意。且諸藥苦寒。僅能直達下焦。無此輕散之品。不足以達病所而治喉症也。

清咽利膈湯 連翹、梔子、黃芩、銀花、防風、荆芥、薄荷、牛蒡、甘草、桔梗、元參、黃連、朴硝、大黃

此治咽喉實證之主方。卽從荆防敗毒及利咽涼膈二方所套出。用藥之層次。較彼兩方更佳。臨證者再能臨機變化。隨證加減。則應用無窮也。

元明醋 元明粉、鎮江醋

右用元明粉和醋。灌入喉中。鵝翎探攪。令其吐痰。喉風痰聲湧盛者宜之。

異功散

斑蝥四錢、血竭六分、乳香六分、沒藥六分、全蠍六分、元參六分、麝香三分、冰片

三分

右藥將斑蝥去頭翅足。糯米拌炒。以米色微黃為度。去糯米。除血竭外。合諸藥共研細末。另研血竭拌勻。瓷瓶收儲。勿令出氣。凡遇喉症腫痛。以此散少許。置小張膏藥上。左腫貼左。右腫貼右。左右俱腫。俱貼。均貼在結喉旁邊軟處。閱六七小時。即揭去膏藥。有水泡用銀鍼挑破。擠盡毒水。能解去火毒。消腫止痛。頗有奇效。

補中益氣湯

見前中風門

養陰清肺湯

大生地、麥冬、白芍、薄荷、元參、丹皮、貝母、生甘草

此方乃治陰虛咽喉疼痛之妙方。於大劑養陰中。加丹皮清榮分之熱。貝母化痰。薄荷散結。所謂治病必求其本是也。

玉鑰匙

西瓜霜五錢、西月石五錢、飛硃砂六分、殭蠶六分、冰片五分、研極細末（一方

有元明粉五錢、無西瓜霜）

此方豁痰清火。用吹喉風喉痺甚效。再入人中白、青黛各三錢。犀黃珠粉各三分。方名金不換。較此更勝。用吹疫喉甚合。

解肌透痧湯

荆芥、牛蒡、豆豉、葛根、蟬衣、桔梗、生草、馬勃、射干、連翹、前胡、姜蠶、竹茹、浮萍

此治喉痧初起之主方。以荆蒡、豆豉、葛根、蟬衣、浮萍。發汗解肌而透痧子。以翹、茹、甘、桔、射

勃前蠶。清肺化痰而療咽喉。服此得汗則痧疹透而諸恙俱解。蓋喉痧得汗則生。無汗則死。解肌透痧爲第一要義也。

加減麻杏石甘湯

麻黃杏仁石膏甘草薄荷元參連翹射干竹葉象貝姜蠶白蘿蔔汁

此治喉痧初起之重劑。外而痧疹不透。內而煩躁咳逆。或已服前方而無效者。可用此方治之。此方發表用麻黃。清熱用石膏。化痰用萊菔汁。俱是峻猛之品。故可治較

前更深一層之病也。

加減黑膏湯

鮮生地鮮石斛生赤芍生甘草生石膏連翹壳姜蠶象貝豆豉薄荷蟬衣

浮萍鮮竹葉荊根蘆根

此治喉痧入榮分之重症。夫邪已入榮。慮其銷鑠陰液。固宜大劑生津清熱。然徒清其熱而邪無出路。徒生其津而反足助邪。故又加豆豉薄荷蟬衣浮萍。輕疎表而逐邪。此立方之畫龍點睛法也。

又按津液已竭而邪勢已輕者。疎散之品。可以稍減。如熱盛者。羚羊犀角甘中黃金汁等。皆可隨症加入。

玉樞丹

(卽紫金錠) 山慈菇川文蛤 (卽五倍子) 紅大戟當門子千金子 (一本

有硃砂雄黃)

此方以山慈菇清毒火。川文蛤化頑痰。當門子辛散開發。大戟千金苦寒降下。既有

解毒化痰之功。復有辛開苦降之妙。故治痰火濕濁。壅塞在上焦者。頗著効績。
錫類散 象牙屑、珍珠、青黛、壁錢、冰片、犀黃、指甲。

此散有清火化痰去腐生新之効用。吹于爛喉最宜。

冰硼散 冰片、硼砂、山豆根。

此散發散清熱。有結者散之。火鬱清之之妙用。用于乳蛾喉癰等證甚合。

三黃涼膈散 黃連、黃柏、黃芩、梔子、銀花、花粉、元參、甘草、當歸、川芎、赤芍、蘇葉、薄荷、青皮。

陳皮、射干。

是方用大隊苦寒清熱之品。稍加活血宣氣化痰之藥。惟喉症火毒重者方可用此。然其中川芎、蘇葉。係辛溫發散之品。非火毒盛者所宜。用者當隨症加減之。

硫黃不二散 硫黃、靛花。

此散主治楊梅結毒。上攻咽喉之症。以硫黃解毒。靛花清熱。但須與土茯苓煎湯。候

涼送服。其效更著。

結毒靈藥 水銀、硃砂、硫黃、雄黃各三錢。

共研細末。入陽城罐內。泥固鐵蓋。緊封口。其火候俱按紅昇丹之煉法。火畢。次日取

出。蓋底有靈藥一兩六錢。瓶貯候用。

甘露飲 天冬、麥冬、黃芩、生地、熟地、枇杷葉、石斛、枳殼、茵陳、甘草。

此方治喉疳甚宜。喉疳病因。由于脾腎兩虛。相火挾濕熱上蒸所致。故以二冬二地養陰。甘草石斛補脾。茵陳去濕。黃芩清熱。枇杷葉順氣。氣順則濕熱之上蒸者得以下降也。

六味丸

見前虛勞門

知柏地黃湯

見遺泄門

第三十一章 五積門

(一) 肝積

病因 肝之積。名曰肥氣。由肝藏逆氣。與瘀血相併所致。積久而成塊。婦人憂鬱。每多此症。

診斷

在左脅下。如覆杯。有頭足似龜。脈弦而細。

傳變

久不愈。令人發欬逆痰癧。連歲不已。以久則真衰邪盛。少陽不和則爲癧。上干而肺亦病也。

用藥

宜和肝散結。肥氣丸主之。五積丸亦可用之。

調理

平居以恬澹爲是。時以青皮代茶飲。有人病肝氣。身佩沉香。不時臭之。得不發。可法也。

(二) 心積

病因 一心之積。名曰伏梁。心經氣血結滯所致。內經所謂裏大膿血。居腸胃之外者也。
診斷 起臍上大如臂。上至心下。縈繫于中。伏而不動。如屋之梁。脈沉而急。
傳變 久不愈。令人病煩心。夜眠不安。身體股脛皆腫。不可移動。環臍而痛。
用藥 宜活血涼血。散熱通結。伏梁丸主之。或用桃奴三兩爲末。空腹溫酒調下。
調理 此病亦由心氣抑鬱所成。氣滯則血亦滯。然則調理預防。惟保沖和之氣是要耳。

(三)脾積

病因 脾之積。名曰痞氣。因脾胃虧損。邪積胸中。阻塞氣道。氣不宣通。與痰食相搏所致。
診斷 在胃脘。覆大如盤。有時作痛。按之堅。脈沉而急。
傳變 久不愈。令人四肢不收。發黃疸。飲食不爲肌膚。皆脾弱之候也。
用藥 宜健脾散滯。痞氣丸。增損五積丸主之。
調理 病後切忌生冷。及一切不易消化之物。如納少可嚼荳蔻一粒以和胃。

(四)肺積

病因 肺之積。名曰息賁。由肺氣不利。痰濁聚於肺中所致。
診斷 在右脅下。覆大如杯。支轉筋前及胸痛。背痛嘔逆。呼吸不便。
傳變 久不已。令人洒淅寒熱。喘欬。發肺壅。壅一作鬱。言壅塞鬱結而不通也。
用藥 宜降氣清熱。開痰散結。調息丸。息賁湯主之。

調理 痰濁半由脾不運化精微而生。肺又體寒而喜溫。病後調理。終不遠溫。化理氣之品。

(五) 腎積

病因 腎之積。名曰賁豚。由腎氣虛弱。脾家濕邪陷之。隨肝氣而上逆。診斷 發于少腹。上至心下。若豚狀。或上或下無時。胸腹痛。往來寒熱。脈沉而滑。若臍下

悸者。乃欲作奔豚也。

傳變 久不已。令人喘逆。骨痿少氣。乃腎氣虛寒。精不充骨也。

用藥 宜補氣健脾。辛溫散結。奔豚湯主之。欲作奔豚者。茯苓桂枝甘草大棗湯。

調理 可時服金匱腎氣丸。以攝納腎氣。

(六) 五積要方淺解

肥氣丸 當歸蒼朮青皮蛇含石京三稜蓬莪莖鐵華粉。

和血利氣。爲肥氣之正治法。更用三稜莪莖以逐瘀。可謂和攻並濟。惟柴胡亦可加入。以疎少陽之氣。

伏梁丸 黃連人參厚朴黃芩肉桂茯苓丹參川烏乾薑紅豆蔻萹蒲巴豆霜。

此用下法以通其積。服後當大便微溏。積漸去也。用溫藥者。以血不得熱。則不流動也。陳修園用肉桂大黃陳皮厚朴蒼朮甘草。每爲見效。亦有此方之意。而化裁出之。

痞氣丸也。

赤石脂、川椒、乾薑、桂心、烏頭、附子。

溫中之藥。所以健脾。脾健則運化有常。痞塊自解。然因痰因食。總當詳審。隨症加減。是在能人。幸勿泥守成方也。

五積丸

蒼朮、桔梗、麻黃、枳殼、陳皮、厚朴、乾薑、半夏、茯苓、甘草、白芷、當歸、芍藥、川芎、肉桂。

此方本平胃爲主。參以二陳。故能治脾積。藥雖冗雜。得辛溫散邪之大旨。但複方原。不拘全用。後有用以治肝積者。皆增損之功。

調息丸

陳皮、豆蔻、射干、紫苑、桑皮、桔梗、石鹽、海浮石、旋覆花。

專以通利肺氣之呼吸。不特肺積可治。卽一切實症咳嗽。皆可酌用。眞王者之師也。

息賁湯

半夏、桂心、人參、吳萸、桑白皮、葶藶、甘草。

以桑皮葶藶瀉肺。吳萸降逆。半夏化痰。使肺中之痰濁去。則清肅之令自行。

奔豚湯

甘草、當歸、川芎、黃芩、芍藥、半夏、生姜、生葛、李根白皮。

上下升降。無論邪正之氣。未有不由少陽者。此方合桂枝小柴胡二方。去桂枝柴胡大棗。以太陽少陽合病治法。解內外相合之客邪。肝氣不調。而加辛溫之芎歸。熱氣不調。而加苦泄之生葛李根。不治奔豚。正所以深于治也。服此湯而不愈者。服烏梅丸。神效。

茯苓。桂枝。甘草。大棗。湯。茯苓。桂枝。甘草。大棗。

此由傷腎氣所致。茯苓。桂枝。爲治奔豚要品。茯苓。安腎氣于下。桂枝。保心氣于上。皆所以化太陽之水氣。甘草。大棗。補中土。而制水邪之溢。治將作奔豚。圖于先也。

第二十二章 癥瘕門

(一) 癥

病因

其因有四。一因寒客于經。血凝不行而成。一因脾胃素虛。宿食停積而成。一因三焦不利。痰塊膠結而成。一因寒客腸外。凝爲瘕肉而成。瘀血。宿食。痰塊。瘕肉。皆爲有形之物。故成爲有形可徵之塊也。

診斷

瘀血之癥。結于少腹。輕按應手。重按似軟。宿食之癥。結于脘間。堅硬不移。按之痛甚。痰塊之癥。多在脅下。按之有形。不甚硬痛。瘕肉之癥。結在腹中。按之則堅。推之則移。凡患癥者。脈皆沉緊。

傳變

癥塊牢固不動。堅硬不軟。病根已深。難以療矣。若至脾胃衰弱。飲食減少。大便溏瀉。此時欲補正而恐益其邪。欲攻邪而正將不支。雖有扁鵲。無能爲矣。

用藥

血癥宜琥珀散。或桃仁承氣湯。食癥宜祕方化滯丸。酒積加神麴。乾葛。鷄棋子。肉積加山查。阿魏。硝石。米積加麥芽。萊菔子。痰癥宜控涎丹。或導痰湯。瘕肉宜阿魏。

調理

麝香散。外貼阿魏膏。如日久正虛者。宜攻補兼施。經曰。大積大聚。其可犯也。衰其大半而止。過者死。故攻癥及半。當與甘溫調養。使脾土健運。則破殘之餘。不攻自走。或待其正復而再攻之。終宜詳慎施治。毋傷其正。

(二) 瘕

病因

此因抑鬱忿怒。肝氣不調。其氣橫行于三焦油膜之間。與水飲痰沫相搏。復爲外寒所襲。凝聚爲瘕。氣復阻滯。則聚而成形。氣漸舒和。則沒而不見。故其塊或聚或散。而無常也。

診斷

不發之時。毫無病狀。發則腹中起塊。時往時來。行走無定。推之則動。按之則走。脘腹絞痛。臍腹脹。嘔氣頻頻。甚則嘔吐。或二便不利。或腹中雷鳴。其脈弦細而沉。瘕塊雖似有形。却不可過于攻伐。蓋瘕屬氣。氣爲無形之物。攻之反傷正也。卽行氣破氣之藥。亦不宜過用。恐其正氣受傷。而變證蜂起也。

傳變

用藥

治宜行氣爲主。佐以化痰溫寒。古方治瘕之方甚多。惟散聚湯最妙。在脘及大腹者。可加括蕪。防己。白芍。在小腹者。加橘核。小茴香。荔枝核。川棟子。五靈脂。在右者。加蘇子。桑皮。在左者。加青皮。蠓牡。

調理

瘕塊既散之後。恐其復聚。宜以調血爲和氣之法。此時瘕氣既散。處于血分之中。

但調其血。則氣自和而不復聚矣。宜逍遙散加丹皮、香附。或歸脾湯加柴胡、鬱金。

琥珀散

烏藥、三稜、莪朮、丹皮、官桂、延胡、劉寄奴、當歸、赤芍、生地。

是方主治血癥疼痛。以三稜、莪朮、丹皮、寄奴破血攻堅。佐川烏藥、延胡、行氣。氣行則瘀血自行。官桂祛寒。寒去則血凝自化。然純用剋伐之峻藥。恐其傷正。故又佐以歸芍地黃。冀收征撫並用之效也。

桃仁承氣湯

見要方補遺

祕方化滯丸

巴豆、三稜、莪朮、青皮、黃連、半夏、木香、丁香、陳皮。

此方為攻治食癥之良劑。蓋宿食停積。致于結為癥塊。多因方食動氣。氣與宿食交阻。停積于胃角腸曲之間。日積月累。復與頑痰血液。互相膠結。乃成癥塊。故此方以青皮、二香行氣。陳皮、半夏化痰。三稜、莪朮破血。黃連清其久鬱之火。惟用一味巴豆。攻其食積。其立方之意。可謂精矣。惟虛人宜用人參湯送下。庶不致攻邪而反傷正氣也。

控涎丹

見前痰飲門

導痰湯

半夏、南星、橘仁、枳實、茯苓、甘草。

是方即二陳湯加南星、枳實。有化痰塊之效。而無攻伐之厲。虛人忌用控涎丹者。可

以此代之。

阿魏膏

羌活獨活、玄參、官桂、赤芍、穿山甲、生地黄、兩頭尖、大黃、白芷、天麻各五錢、槐柳

桃枝各三錢、紅花四錢、土木鼈子二十枚、亂髮如鷄子大一團。

右藥用眞麻油二斤四兩浸之。春夏三秋七冬十日。煎黑去滓。入亂髮再熬。濾清。徐下黃丹。煎至較軟得中。入芒硝、阿魏、乳香、沒藥各五錢。取起離火。再入蘇合香油五錢。麝香三錢。調勻成膏。瓷器收藏。此膏專治堅硬不移之癥塊。每用兩許。攤大紅紵上貼患處。內服健脾消積開鬱藥。凡貼膏須對正癥塊。不可偏貼。後以綿紙掩上。用芒硝隨患處鋪半指厚。用熱熨斗熨一時許。日熨三次。硝耕再加。月餘藥力盡。其膏自脫。便愈。年久者。連用兩膏。無不消盡。接近世西醫治腹中之塊。必須破腹而用割法。往往因而致命。遠不如中醫用此法之巧。彼夫崇尚西醫者。常稱其破割之奇能。殊不知我國古代醫學未甚昌化之時。亦用破割之法。迨後醫道日進。鑒于破割之危險。遂設外治之法。其法既穩且佳。遠勝西法。誰謂中醫不如西醫哉。

阿魏麝香散

阿魏五錢、麝香一錢、野水紅花子四兩、神麩人參、白朮各一兩、肉桂五

錢。右藥研細爲散。每服三錢。用葶薺三個。去皮。搗爛和藥。早晚各一服。砂仁湯過

口。

是方以阿魏化堅塊。麝香行氣。紅花行血。肉桂溫寒。參朮神麩補脾。脾土健旺。血氣

散聚湯。通利。則堅塊自化矣。

半夏、檳榔、當歸、陳皮、杏仁、桂心、茯苓、甘草、附子、川芎、枳殼、厚朴、吳茱萸、
寢雖屬氣。然氣爲無形之物。安能聚而成形。必因氣與痰沫寒氣相搏。凝聚于募原
網油之間。方其氣和之時。則安適如常。一或鬱怒而氣逆。則氣至其處。欲行而不得
行。遂舉其聚氣而發作矣。故治此者。不宜專用行氣散氣之品。須兼用化痰溫寒之
藥。此方以半夏、茯苓、陳皮、枳殼等化痰。桂附、茱萸等溫寒。正所以去其氣所憑依之
物也。

逍遙散。見要方補遺。
歸脾湯。見前吐衄門。

第二十三章 耳疾門

(一) 耳聾

病因 內經曰。精脫者耳聾。蓋耳爲腎竅。腎主藏精。精虛則不上榮于竅。而失其聰明。然
亦有氣閉猝聾者。不當專責之虛。肝肺虛聾者。不當專責之腎耳。

診斷

腎虛而耳聾者。有因于勞役過度。昏昏曠曠。脈見細微。有因于病後精血不足。眼
見黑花。脈軟弱而小。因肺虛而耳聾者。則少氣不能報息。噤乾。因肝虛而耳聾者。

傳變

則目眈眈無所見。善恐。若猝聾者。則大抵風熱上壅。必現頭痕寒熱。脈浮而數。耳聾無甚傳變。惟須知有不用治者。若聾而色黑筋骨健壯。此精氣俱有餘。固藏閉塞。是聾爲實。乃高壽之兆也。經曰。不知調陰陽。七損八益之道。早衰之節也。其年五十。體重耳目不聰明矣。此亦無治也。若虛者不加補養。則陰虛之象。勢必畢現。

用藥

房勞者。滋陰地黃湯主之。左慈丸亦主之。病後者。腎氣丸加磁石龜版主之。內經所謂精不足者。補之以味也。肺虛者。宜生脈散。嚼下蠟彈丸。肝虛者。宜四物湯。加防風羌活柴胡菖蒲茯苓等。猝聾者。芎芷散主之。

調理

耳聾而屬於腎虛者。病後調治。不外補澀精氣。宜時以帶衣合桃肉鹽炒食之。卽肝肺虛者。亦可食。蓋乙癸同源。金水相生也。

(二)耳鳴

病因

耳雖腎竅。但手足少陽之脈。俱會其中。少陽主相火。風火痰氣上逆。亦能使耳不聽。則皆爲耳鳴之類。而亦有虛實之分。不可不辨。凡耳鳴以手按之而不鳴。或少減者。虛也。手按之而愈鳴者。實也。

診斷

耳鳴有數種。肝胆之火上升者。如聞蟬鳴。口苦咽乾。脈象弦數。痰火上升者。氣粗效。噎脈象滑數。其有腎經熱者。則右耳重聽。其鳴不劇。總之。耳鳴一症。以手按之。

辨其甚不甚而分虛實。爲一法。而不按鳴甚者。爲痰火。鳴微者爲腎虛。又一法也。

傳變

耳聾耳鳴。往往與他證雜見。譬之傷寒論少陽爲病。寒熱往來之。外恆見耳聾咽乾口苦目眩。故于傳變。殊難確指。終須視其他症爲何如耳。若痰火而耳鳴者。往往神糊。胆火而耳鳴者。往往寒熱交作。甚者則因鳴而爲聾是也。

用藥

肝胆之火上升者。龍胆瀉肝湯主之。痰火上升者。如減蘆薈丸主之。以清肝胆。平痰火。爲不二法門。腎經熱者。地黃湯主之。以育陰清熱。爲切近治療。蓋虛則補之。實則瀉之。寒者熱之。熱者寒之。內經之訓。固昭昭也。

調理

耳鳴善後。無甚調理。惟最要者爲節慾二字。節慾則腎陰足。水能涵木。自鮮肝胆火逆之患。不僅耳鳴然。卽耳聾亦然。

(三)耳漏

病因

肝火挾濕熱爲患。則生耳漏。耳漏者。耳內流膿也。若耳內津液結聚。則爲耳聾。又有耳聾耳痔耳癰等。總因濕火之爲病。亦有耳痒者。則因腎中有風。煩擾於內也。耳漏者。耳中時流膿水。痛而且痕。耳痕者。痛痕而有垢內結。耳聾耳痔者。有齖肉突出。不寒熱。不作膿。耳痒者。時覺奇痒。如蟲蠕動。耳癰者。內外紅腫而痛。亟宜消解之。

診斷

傳變

耳漏不止。則耳內生管。當以拔管藥消去之。耳聾則有數年不愈者。耳癰不愈。勢

必釀膿破潰。則當外用提膿解毒藥。內外並治。方克見效。諸此數症。治不除根。均能致聾。不可不慎也。

用藥

耳漏者。柴胡聰耳湯主之。耳聾者。馬勃散主之。耳聾耳痔者。普濟消毒飲主之。耳痒者。四生散主之。耳癰者。活命飲主之。凡此除耳痒外。均屬于外科。當更外滲以藥。庶見效較速。普通用柳花散。最為穩妥。

調理

症涉外科。宜于飲食一途。加意禁忌。凡辛辣發熱之物。不可入口。患耳漏者。則宜時時以新綿捲去其膿。勿使內結而發熱。

(四)耳疾要方淺解

滋陰地黃湯 六味地黃湯。加當歸、白芍、川芎、菖蒲、遠志、知母、黃柏。

六味以補精。四物以養血。勞役之後。精血兩虛。治宜雙濟。更加菖蒲以通竅。知柏以清化。蓋朱丹溪大補陰丸之遺意也。

左慈丸 熟地、丹皮、茯苓、磁石、山萸、山藥、澤瀉、柴胡。

此方即六味湯加磁石、柴胡。六味以滋陰。磁石以收納逆氣。柴胡以宣通清竅。互為功用。相得益彰。為治腎水不足耳聾之通用方也。

腎氣丸 見三消門
生脈散 見暑病門

蠟彈丸 茯苓、山藥、杏仁、

山藥、茯苓皆為補脾之品。惟杏仁利氣。乃補中有通也。合生脈散之補肺。宜爾奏效。惟參麥五味。必少氣隘乾方用之。

四物湯 見要方補遺

芎芷散 川芎、白芷、細辛、厚朴、半夏、陳皮、紫蘇、桂枝、甘草、蒼朮、木通、生薑、葱白、

內經曰。火鬱發之。此于風熱上壅之耳聾。均用辛散之品也。

龍胆瀉肝湯 見疝氣門

加減蘆薈丸 黃芩、山梔、當歸、柴胡、龍胆草、大黃、青皮、青黛、蘆薈、胆星、木香、麝香、

合疎肝清熱瀉火豁痰之品于一爐。以治痰火為患。自應收桴鼓之效。所以疎肝者。

以肝胆之絡入于耳。既治痰火之外。亦不可不顧及也。

地黃湯 見吐衄門

柴胡聰耳湯 柴胡、連翹、水蛭、蝨蟲、麝香、當歸、人參、炙草、

耳內流膿。宜排而去之。故用二蟲以去瘀濁。更宜清以和之。故用柴翹以清熱毒。麝

香則為通竅之用耳。

馬勃散 馬勃、薄荷、桔梗、杏仁、連翹、通草、

此治風溫上鬱之耳聾。故用輕清之品。不若腎虛之宜取重墜達下也。

普濟消毒飲。黃連、黃芩、陳皮、甘草、柴胡、桔梗、元參、連翹、升麻、玄參、板藍、馬勃、牛蒡。

此方本治溫疫。借治耳痔。亦覺親切。蓋有芩連板藍連陳玄參以清化。柴升桔梗以升清解鬱。馬勃以消腫。甘草以除毒。方無定則。惟在運用得當耳。

四生散。白附子、黃芪、獨活、白蒺藜。

獨活祛少陰之伏風。白附祛上部之遊風。蒺藜泄肝。黃耆能除大風苛毒。用治腎中

活命飲。甲片、防風、白芷、甘草、赤芍、歸尾、花粉、貝母、角刺、陳皮、銀花、乳香、沒藥。

此治一切癰疽之正方。防芷以散邪。歸芍以和血。銀花花粉以清熱解毒。乳沒陳皮以理氣止痛。角刺甲片以引達病所。癰疽之生不外氣滯血凝。熱壅毒聚。舍此復何求哉。

柳花散。黃柏、青黛、冰片。

三藥合用。有清化濕熱之功。用治耳內流膿。最爲貼切。

第二十四章 目疾門

(一) 目赤

病因 目赤爲病。有外內二因。外因不外風熱。內因不越肝火。張子和謂目不因火則不

病。治目者專主治火。一句可了。卽指此而言。其有內皆結胞。三五日生膿者。亦由熱氣客在眇間。搏聚津液所成。

診斷

兩目白眼。紅絲交錯。迎風流淚。畏見日火之光。黑處較快。甚則澀痛。上下皮亦腫。得之外因者。兼寒熱頭痛。脈浮數。得之內因者。口苦脈弦數。若內皆結胞者。俗名偷針。三五日間便生膿汁。但勢輕者小。汁潰熱散自退。

傳變

目赤有纏綿不愈者。久則兩目昏糊。神光漸耗。因而失明者。正亦不鮮。且此症最易傳染。手巾之屬。總宜分用。公共之處。尤當注意。戴復庵云。眼赤皆血壅肝經所致。而不知有傳染者在也。

用藥

肝開竅于目。故治內因。目赤以清肝爲主。瀉肝散主之。治外因則兼以散鬱。用白蒺藜散主之。或芎藭散主之。若偷針則微者爲針剔破。卽愈。甚者地黃丸主之。

調理

目赤退後。餘熱未清。當戒辛熱發物。且不宜多勞目力。或燈下作事。所以養其神也。更宜以密蒙花散代茶飲。輕清之品。于此最合。

(二) 目痛

目痛之原因。每因五藏積毒。傳之于肝。更受邪熱。使血散亂于肝經所致。然有白眼痛。黑珠痛。不同。亦有眼忽疼痛。不涉風熱者。則因肝腎兩虛。精血不能營養。枯澀而致也。其痛而腫者。總不外濕熱風熱所壅滯。

診斷

白眼痛者屬陽。晝痛。點苦寒藥則效。珠黑痛者屬陰。夜痛。點苦寒藥反劇。乾澀疼痛者。時發時歇。作時難忍。臥不得睡。不辨三光。痛而腫者。則有胞腫如盃。五輪壅起。日痕不能轉。若鵠之睛。亦有珠痕出如拳者。

傳變

風熱不散。目痛不久。則變生外障。蒙蔽不清。當于目障中求其治。若珠痕出如拳者。久則珠爛。爛則瞳神散失。不能復聚。失明之後。神方無所施矣。

用藥

白眼痛瀉肺湯以瀉之。黑珠痛夏枯花散以泄之。乾澀疼痛加減地芝丸以補之。胞腫者洗肝散主之。珠出者石膏散加羌活芍藥薄荷主之。

調理

目痛目腫之調理。與目赤相彷彿。而尤宜戒者。亦爲房事。犯則腎水枯而熱愈熾矣。除服密蒙花散外。時以黃連洗滌亦佳。

(三)目障

病因

目障者。目中如有物障礙。而視不分明。亦稱目翳。大別分內障外障二種。內障屬血虛氣鬱而成。外障屬風熱上壅。一由內虛。一由外實。治法逕庭。極宜留意。若目黑而不能見物。則因肝陽上升故也。

診斷

內障者。外似好眼。而不能照物。不痛不痒。惟瞳神之內。有隱隱青白者。皆藏府中邪乘虛入而爲翳也。外障者。上下胞努肉蓓蕾。磨蕩其睛。久而生翳。或如雲霧。如絲縷。如秤星。在晴外遮暗。則因生氣不升所致。與外障又別。

傳變 目障均能失明。最屬重險。初起之時。不可不謹也。若有珠陷者。則爲腎傷水竭也。

瞳神散大者。乃屬精氣不足。更有氣脫者。無可挽救。內經所謂氣脫者。目不明是也。

用藥 內障治法。不外補養而清肝。補腎磁石丸主之。外障則不外解散。皂角丸主之。

氣不升者。羌活勝風湯。瞳神散大者。六味丸加五味子石決明主之。目障愈後。陰必不充。宜與補益。以杜根株。若六味丸之類。宜常服之。此症老人患

之最屬難愈。以人四十而陰氣自半。腎水不充也。

(四)目疾要方淺解

瀉肝散 梔子 荆芥 大黃 甘草

方用調胃承氣去芒硝。以無實滯也。佐梔子以清熱。荆芥以散火。輕巧無偶。白蒺藜散 白蒺藜 甘草 殭蠶 防風 天南星 菊花

風火目赤。當用疎散。而不離乎肝。此方散中具疎肝清熱之能。宜爲世重也。

芎菊散 薄荷 菊花 甘草 川芎 防風 白芷

防芷薄荷以辛散。菊花以清潤。川芎以和血。與上方有異曲同功之妙。兼治口瘡。塗之立愈。

地黃丸 生熟地黃 石斛 防風 枳殼 牛膝 杏仁

用地黃石斛以養陰清熱。佐以杏仁之苦泄。防風之疎散。治偷針目赤。爲不二法門。唐丞相李恭公患眼痛不已。僧智深授此散而霍然。

密蒙花病。密蒙花、羌活、菊花、石決明、蒺藜、木賊草。

數者皆清肝之品。用治目赤善後。有益無損。（羌活可減去。）特有借此以爲治目疾捷經。則非余所知也。

瀉肺湯。羌活、元參、黃芩、地骨、桑皮、大黃、芒硝、甘草。

眼白屬肺。故以清肺爲主。其痛因風。故復佐疎泄。其本在木。故加入清肝。若硝黃所以瀉其火。惟虛體當斟酌耳。

夏枯花散。夏枯草、製香附、甘草。

意在發泄肝火。然痛久則血傷。當歸、白芍、生地、黃耆。自宜加入。

加減地芝丸。生熟地、天冬、枸杞、菊花、當歸、麥冬、黃肉、五味子。

肝藏血。血足則目有所養。腎屬水。水旺則木得其涵。目乾而痛。惟滋肝腎。此方純正。不偏。久服之。自見效。

洗肝散。薄荷、當歸、羌活、防風、山梔、甘草、大黃、川芎。

此方以祛風泄熱爲主。名曰洗肝者。以肝主目也。治邪熱壅滯之目腫頗宜。

石膏散。石膏、蘘本、白朮、炙草、蒺藜。

此治風熱濕熱交阻。故用石膏以大清內熱。白朮以滲濕。藥本以驅風。惟石膏宜重用。

補腎磁石丸。磁石、菊花、石決明、兔絲子、菴蓉、雄雀。

于補腎之中。參入清肝之品。補而不膩。清而不涼。而雄雀尤得生氣之助。說者謂磁石為礦質。能助眼電。信然。

皂角丸。蛇蛻、蟬衣、元精石、甲片、當歸、白朮、茯苓、穀精珠、木賊草、菊花、蠟皮、胆草、赤芍、連

翹、獷猪爪、人參、川芎。

此方皆消風散熱之藥。張石頑曰。外障內治。以皂角丸為主。其功可知。

六味丸。見前吐衄門。

第二十五章 口疾門

(一) 口瘡

病原 此證有虛實之分。實者由于過食膏粱厚味。脾胃積火上升。虛者由于七情色慾

太過。心腎虛火上炎。

診斷 瘡色艷紅。滿口濶斑。甚者腮舌俱腫。脈實口渴者。此為實證。瘡色淡紅。滿口白斑。

微點。甚則陷露龜紋。脈虛不渴。此為虛證。

傳變

此證本屬于火。然有服涼藥久不愈者。此因孤陽上亢。當用七味地黃湯冷服。引火歸原。甚者附子亦可加入。

用藥

實證宜服涼膈散。外擦赴筵散。虛證宜服四物湯加黃蘗、知母、丹皮。或少佐肉桂。以爲引導。從治之法也。

調理

口瘡雖皆屬火。然火之有餘。便是水之不足。清之瀉之。治其標也。欲善其後。宜用六味丸調理之。

(二) 口臭

病原

口臭有寒熱之分。寒者譬如陰濕留垢。熱者譬如暑天腐肴。然臭氣之所以上升。而不下降者。實皆由于胃氣不降也。

診斷

臭如酸胖。苔膩不渴。飲食噎滯者。此屬寒證。臭如糞穢。口渴引飲。胃納甚旺者。此屬熱證。

傳變

臭爲濁陰之氣。宜走下竅。若臭從口出。濁氣上逆。久則清陽失曠。必有頭脹胸悶等變證。

用藥

熱而實者。宜涼膈散。熱而虛者。宜甘露飲。寒而實者。宜平胃散。寒而虛者。宜理中湯。俱宜加藿香佩蘭之類。

調理

口臭之病。最易復發。凡一切葷腥油膩辛甘厚味之物。皆當禁食。卽其餘食物。亦

當少食。庶免復發之患。

(三) 口甘

病原

此證有虛實之分。實者由于濕熱蘊蒸。濁氣上泛所致。虛者由于脾虛不能攝涎。脾液上泛所致。

診斷

胸悶苔膩。涎沫厚濁。小洩黃赤者。此屬濕熱。舌上無苔。涎沫細黏。小洩清白者。此屬脾虛。

傳變

平人口甘欲飲。小洩混濁。俱屬濕熱蘊于中。脾津乘于上。久而不愈。濕熱化爲熱毒。必發癰疽。

用藥

實證宜二陳湯去甘草。加山梔、黃連、黃芩、竹茹、烏梅、佩蘭之類。虛證宜六君子湯加益智、佩蘭。

調理

此證愈後。宜服四君子湯。蓋其虛證固由于脾虛。而實證之濕熱。亦由于脾虛而生。故以補脾而要着。

(四) 口苦

病原

口苦皆屬于火。猶之物焦而苦也。然有虛實之分。虛者由于謀慮不決。膽虛氣溢。實者由于肝熱移膽。膽汁上乘。

診斷

脈象弦大。按之無力。舌質紅絳。目弦口苦者。虛火也。脈象弦數。按之有力。舌苔黃

傳變

膩。煩渴口苦者。實火也。

膽府爲安甯魂魄之所。膽汁爲消化食物之用。膽火妄動。久則夜不得臥。膽汁妄

泄。久則飲食難化。

用藥

虛證宜逍遙散加酸棗仁。實證宜龍胆瀉肝湯。或小柴胡湯去半夏。加梔子、丹皮、龍膽草。

調理

口苦愈後。宜養陰生津。陰旺則火無再熾之患。津足則口苦不致再發矣。更宜怡情曠懷。以舒肝胆之氣。

第二十六章 舌疾門

(一) 舌異

病原

風火蘊結。則爲舌墊。心火太盛。則爲重舌。氣鬱痰凝。則爲舌癩。熱迫筋弛。或腎氣大虛。則爲舌出。

診斷

舌墊者。舌下起腫核。重舌者。舌根下生形如小舌。口不能聲。舌癩者。生舌上。如癩狀。色如紫。舌出者。長而不收。

傳變

舌墊者。甚則腫硬流血。重舌者。久則腫大塞口。不能轉掉。舌癩者。甚則乾結或腐爛。舌出者。出而不收。氣絕而死。

用藥

舌墊宜舌墊方。腫硬流血者。蒲黃散搽之。重舌宜青冀散。腫大塞口。宜琥珀犀角膏。舌癩宜滯熱解鬱湯。舌出屬熱者。宜清熱如聖散。以冰片搽之。虛者每屬大病房勞之後。不治。

調理

諸舌異症。屬熱爲多。善後之法。不外養營清熱。如麥門冬飲之類。並用燈心煎湯代茶。久服寧神。

(二)舌瘡

病原

舌上生瘡。固多由上焦與中焦之熱。以心開竅于舌。脾脈絡舌也。然有酒色勞倦過度。中氣不足。亦每有此症。

診斷

舌瘡因于心脾結熱者。必心煩口苦而渴。夜不安眠。發熱氣悶。舌質紅色絳而乾。脈弦以數。若勞倦屬虛。則短氣神疲。舌淡紅。脈虛無力。帶熱症也。

傳變

舌瘡熱症。久必傳爲消渴。蓋心脾液枯。求救於水。終于無濟也。屬虛者。醫不明其故。而以涼藥治之。必傷中便泄。汗出肢冷。而終矣。

用藥

熱症用藥。宜瀉心脾之熱。黃連湯主之。瀉黃散亦主之。虛症擬天王補心丹。及人參養營湯之類。

調理

舌瘡因熱而發。服藥後病去大半。宜阿膠鷄子黃湯。以養心脾之液。宜起遲睡早。切勿妄動心陽。虛者尤宜節勞節慾。否則虛火過升。重發難治。

(三) 舌血

病原 舌乃心之苗。心主血。心火太旺。熱迫血溢。其出如箭。甚爲可危。良由乎素嗜炙燔

膏粱。熱蘊已久。或心高氣傲。亦有患此症者。

診斷 此症于出血之前。必心煩懊懣。繼則舌部碎痛。不知五味。喜漱冷水。至此出血不

遠矣。舌色鮮紅。脉數疾。甚至于亂。

傳變 舌血不止。血去陰傷。則爲心悸。爲頭眩眼花。爲自汗盜汗。常默默不語。口乾欲飲。

而不能多。夜睡不安。甚則譫語。

用藥 既明其爲熱迫血溢之故。則用藥不外涼血清熱之劑。犀角地黃湯主之。血出多

而不止者。宜琥珀犀角膏主之。

調理 舌血調理。要不外養心和營之品。並須安神息慮。勿動氣怒。必使火從下趨。則陰

平陽秘。舌和知味矣。

(四) 舌強

病原 舌強之原因。有因痰氣阻于廉泉而致者。有因精氣不能上升而致者。蓋腎脈繫

舌下也。最宜審辨。

診斷 若因痰阻廉泉而舌強。其人必手演指畫。並示其喉間有病。或咳嗽胸悶是也。精

氣虛而舌強。則因腎虛故也。熱病已久。必與神昏嗜臥等症同見。

傳變

痰阻舌強。不治之則愈壅愈多。喉愈壅塞。甚至不能出音。必至神糊妄言。病久正虛。舌強者。每囊縮氣乏。如欲死狀。難爲力矣。

用藥

舌強之因于痰阻。宜滌痰湯。加菖蒲、遠志、竺黃、竹瀝之類。若虛者。竟無藥可服。不得已。培其肝腎。若伏熱者。下之。亦必在不治之列。

調理

舌之下爲咽喉。咽通于肺。舌通于胃。而舌爲發聲之機。欲全其用。不可不善養肺胃。視其痰氣寒熱。以意治之。而尤要者。不可張口吸風。免爲風邪所中也。

(五)口舌要方淺解

涼膈散

薄荷、連翹、黃芩、梔子、甘草、大黃、芒硝、竹葉。

陽明之火熾于內。風熱之邪束于表。此時專散其表。則裏熱有燎原之勢。專瀉其火。則表邪有內陷之虞。計惟表裏兼顧。汗下並施。故此方既用薄荷連翹以解表。復用大黃芒硝以攻裏。卽是意也。

赴筵散

黃芩、黃連、黃柏、梔子、細辛、乾姜。

右藥各等分。研細末。每用少許。搽于口瘡。吐去濁涎。其痛卽止。方中用三黃梔子清火。卽內經熱者寒之之意。用細辛乾姜散結。卽內經火鬱發之之義。方名赴筵者。蓋謂口瘡疼痛。不能赴筵。用此搽之。卽可赴筵也。

四物湯

見要方補遺

七。味。地。黃。湯。六。味。丸。俱。見。前。吐。衄。門。

甘。露。飲。見。前。咽。喉。門。

平。胃。散。見。前。溫。病。門。

理。中。湯。見。前。霍。亂。門。

二。陳。湯。見。前。咳。嗽。門。

六。君。子。湯。四。君。子。湯。俱。見。前。痲。瘡。門。

逍。遙。散。見。要。方。補。遺。

龍。膽。瀉。肝。湯。龍。胆。草。黃。芩。梔。子。澤。瀉。木。通。車。前。子。當。歸。生。地。黃。柴。胡。甘。草。

肝。體。屬。陰。肝。用。屬。陽。肝。體。不。足。肝。用。有。餘。則。肝。陽。化。火。而。上。炎。矣。是。方。用。生。地。當。歸。

所。以。養。肝。之。體。也。龍。膽。梔。子。所。以。平。肝。之。用。也。佐。柴。胡。以。解。肝。鬱。肝。木。暢。達。則。木。火。

自。平。又。佐。澤。瀉。木。通。車。前。以。滲。濕。熱。濕。熱。下。走。則。肝。火。不。能。乘。勢。上。炎。矣。

小。柴。胡。湯。見。前。溫。病。門。

舌。墊。方。荆。芥。防。風。細。辛。白。芷。羌。活。獨。活。陳。皮。香。附。燈。心。

此。症。每。因。風。火。蘊。結。火。鬱。發。之。結。者。散。之。故。此。方。多。用。疎。散。之。品。不。用。一。味。苦。寒。之。

藥。者。唯。恐。風。火。不。得。開。泄。必。留。戀。而。為。患。也。陳。皮。香。附。行。氣。開。結。燈。心。清。熱。力。甚。微。

也。

蒲黃散。 螵蛸炒蒲黃研搽。

二味研細搽舌腫出血處。蓋螵蛸性收澀。蒲黃炒用。則能止血也。

青翼散。 黃連、黃蘗、牙硝、青黛、硃砂、雄黃、牛黃、硼砂、冰片研細末搽。

此方搽舌。功能消腫清熱。與蒲黃散之重在止血者不同。若內熱重者。亦可調服。

琥珀犀角膏。 人參、棗仁、茯神、犀角、琥珀、辰砂、冰片、麥冬湯下。

此方治熱耗心陰。氣虛不寐者最佳。重舌腫大塞口。若心液已虛。固宜用此。苟熱勢

壅甚。還當參用青黛散。或以承氣湯下之。釜底抽薪也。

清熱解鬱湯。 連翹、黃連、柴胡、枳殼、薄荷、桔梗、香附、雲苓、苡仁、萋皮、半夏、陳皮。

氣鬱濕凝。舌上生瘡。有如地上藨苔。固與他項舌症之屬於熱者有間。此方擅解鬱

清熱化痰之効。以治舌瘡。當有奇効。

清熱如聖散。 梔子、連翹、花粉、薄荷、牛蒡、黃連、赤芍。

梔翹連芍。以清氣血之熱。薄荷、牛蒡。以散熱結。花粉清熱潤燥。舌出之屬熱迫者。固

非此方莫治。若熱深甚。應加黃芩、犀角、黃丹、皮琥珀等味。更易奏効。外以冰片研末搽

之。其舌自收。

麥門冬飲。 見前三消門。

黃連湯。 黃連、梔子、當歸、赤芍、生地、麥冬、甘草、犀角、薄荷。

此方瀉心熱以和營。藥和平而有力。舌瘡之症。每因陰血先虛。心火上亢之故。投以此劑。易奏奇功。

瀉黃散 甘草 防風 石膏 梔子 藿香

脾胃之熱。挾心火上蒸于舌。以致生瘡。其症必兼口臭胸悶。用甘草清脾瀉熱。防風能發脾中伏火。又能于土中瀉木。梔子石膏瀉肺胃之火。藿香辟惡調中。胃熱口瘡。非此不治。

天王補心丹

人參 酸棗仁 當歸 生地 黃麥冬 天冬 柏子仁 遠志 五味子 丹參 元參 白茯苓 桔梗

心火有餘宜瀉。苓連之類是也。若心血不足。津液枯竭。虛火上炎。以致口舌生瘡。正宜養血安神。血足而火自斂。此方本治神志不甯。健忘怔忡之症。以治虛火舌瘡。可稱允當。

人參養營湯

人參 白朮 茯苓 甘草 黃耆 陳皮 當歸 熟地 白芍 桂心 遠志 五味子

阿膠 鷄子黃湯

阿膠 黃連 白芍 鷄子黃

犀角地黃湯 見前吐衄門

此為養心血最有力之劑。養心脾之液。即以斂虛浮之燄也。

滌痰湯。枳實、竹茹、半夏、橘紅、雲苓。

痰因氣滯。故化痰必先行氣。此方雖帶破結潰堅之能。恰有化痰順氣之効。再加菖蒲、遠志、竺黃等。尤爲雙美。

第二十七章 牙齒門

(一) 牙痛

病原

陽明胃火。循經上升而痛者。爲胃火牙痛。少陰陰虧。陽亢于上而痛者。爲虛火牙痛。胃火上升。風寒外乘。熱被涼遏而痛者。爲風火牙痛。肥甘濕熱。化生牙蟲。蛀蝕齒敗而痛者。有蟲牙痛。

診斷

牙齦紅腫疼痛。喜寒惡熱者。胃火也。牙齒浮動。痛而不腫者。虛火也。惡風發熱。痛引頭腦者。風火也。蝕損蛀空。牙敗而痛者。蟲也。

傳變

牙齦腫痛。雖多屬火。忌過用涼藥。須遵內經火鬱發之。結者散之之義。否則涼藥相遏。其痛必反增劇。且恐變生他證也。

用藥

胃火宜清胃湯。甚者加酒蒸大黃。虛火宜玉女煎。加西洋參骨碎補。風火宜涼膈散。外搽失笑散。蟲痛宜用韭子薰法。噉一笑丸。

調理

齒屬腎。牙齦屬胃。牙痛終不離腎陰虛而胃火旺也。胃火易平。陰虛難復。是在牙

痛愈後。多服六味丸等以調理之也。

(二) 牙疳

病原

此證多生于小兒。小兒陰氣未充。脾胃薄弱。肥甘厚味。恣意嗜啖。以致陽明積火。蘊蒸于上。或加以暴躁啼哭。肝火妄動。或加疹痘之後。餘毒留戀。遂成是疾。

診斷

初起口有臭氣。漸至齒黑。牙齦作爛。腐臭難聞。熱盛則牙縫出血。血聚成膿。甚則牙齦紫硬。腐穿頰頰。牙齒搖動。寒熱往來。形肉瘦削。

傳變

此症遷延失治。則齒皆脫落。面色光浮。氣促痰鳴。頰頰見骨而死。蓋熱邪疳氣。直壅上焦。其變甚速。故有走馬看牙疳之喻。

用藥

胃火盛者。宜蕪荑消疳湯。肝胃火盛者。宜蘆薈消疳飲。痘疹餘毒。宜清疳解毒湯。外搽冰白散。甚者搽蘆薈散。

調理

此證愈後。易致復發。全在起居飲食。調理得宜。如肥甘厚味辛辣發氣等食物。俱當禁忌。並宜服人參茯苓粥以調養之。

(三) 牙衄

病原

此證多屬于熱。因血得熱而妄溢也。然有虛火實火之分。亦有虛實並見者。虛火牙衄。由于七情色慾。不知自節。陰水虧耗。不能濟火也。實火牙衄。由于膏粱厚味。恣食太過。熱積于胃。循經上升也。

診斷

口臭煩渴。牙齦腫痛。齒不搖動。血出甚多。血色鮮赤者。實火證也。口不臭。牙齦微痛。或不痛。牙齒搖動。出血點滴不多者。虛火證也。

傳變

牙齦出血。久而不止。則其實火之證。亦必漸變虛證。甚至牙齒脫落。牙齦腐爛。血滲不已。則身體虛而變證必多矣。

用藥

實火宜清胃散去升麻。加藕節、竹葉。甚者宜調胃承氣湯。加童便下之。虛火宜六味地黃湯加減。虛實並見者。宜玉女煎。

調理

虛火牙齦固屬陰虛。而實火牙齦。衄血多出。則陰分亦虛。故牙齦之調理法。當以養陰爲主也。

(四)牙癰

病原

牙癰病原。皆由素嗜厚味。辛甘太過。陽明積火。循經上升。加以風熱之邪。乘勢外襲。氣血鬱結。榮衛不從。遂結于牙齦。而牙癰成矣。

診斷

初起之證。與風火牙痛相彷彿。但風火牙痛。上下齦俱腫痛。而牙癰之腫痛。僅在一處。腫硬疼痛。腮頰浮腫。發冷發熱。

傳變

此證雖屬于火。然宜涼藥熱服。或涼藥中加發散之品。不可純服涼藥。或過服涼藥。恐其變生多骨。不易收功也。

用藥

初起宜服荊防敗毒散。若大渴煩嘔者。宜蟾酥丸汗之。便閉者。宜雙解貴金丸下。

之外搽冰硼散。

調理 牙癰愈後宜用西洋參、川石斛、山藥、玉竹之類。清養胃陰。或參用六味地黃丸。以

養腎陰。夫養陰所以清其餘熱也。

(五)牙齒要方淺解

清胃湯 石膏、黃芩、黃連、生地、丹皮、升麻。

醫方集解所錄清胃散。無石膏、黃芩。有當歸。是失清胃之本旨。恐係訛誤。今從醫宗金鑑外科心法錄出。名曰清胃湯。不名曰散。其藥頗合清胃之法。生地、丹皮、清陽明血分之火。石膏、芩、連、清陽明氣分之火。升麻、升陽明之清陽。清升熱降。則牙痛自止。而齦腫自消矣。

玉女煎 生地、麥冬、知母、石膏、牛膝。

按王孟英云。陳修園力闢此方之謬。然用治陰虛胃火熾盛之齒痛。頗有捷效。若治溫病氣血兩燔之症。宜去牛膝。蓋即白虎湯加生地之意。未可厚非也。

失笑散 萹芡八分、北細辛一錢、大冰片二分半。

共研細末。擦牙痛處。伏於桌邊流涎。片時見效。蓋牙痛一症。多屬寒邪包火。搽此辛散之藥。則寒邪得解。火鬱得伸。故能止其痛也。

一笑丸 川椒七粒、巴豆一粒。去皮。共研勻。飯和為丸。綿裹安蛀牙孔內。俯首流涎。其痛

卽止。取其殺蟲之效也。

葑子薰法 瓦上煨紅。置葑子百粒。清油數滴。待烟起。以漏斗管吸引。向蟲牙痛處薰之。良久溫水漱吐。有小蟲出盡爲度。

燕。蕒。消。疔。湯。 燕蕒雄黃大黃蘆薈川黃連胡黃連黃芩。

蘆薈消疔飲 蘆薈大黃胡黃連石膏羚羊角梔子牛蒡銀柴胡桔梗元參薄荷甘草清疔解毒湯 人中黃川黃連柴胡知母連翹牛蒡犀角元參荊芥防風石膏淡竹葉。

以上三方俱爲治牙疔之良方。然臨證施用。須分別之。第一方宜于陽明積熱盛者。第二方宜于肝胃之火俱盛者。第三方宜于痘疹餘毒爲患者。細審方中各藥。自知分別施用矣。

冰。白。散。 冰片人中白枯白礬各等分。

右研細末。先用韭菜根松蘿茶煎濃汁。乘熱以雞翎蘸洗牙疔腐肉。若見鮮血。再敷此藥。日敷三次。若爛至咽喉者。以蘆筒吹之。

蘆薈散 蘆薈一錢黃柏五錢人言五分用紅棗五枚去核每棗納人言一分火燒存性共研細末。先用米泔水漱口。次用此藥敷於患處。

人參茯苓粥 人參一錢茯苓六錢共研末同梗米一茶鐘熬成粥。先以鹽湯漱口。再食此粥。

此為調養脾胃之最好方法。凡病後脾虛。及脾虛用攻積藥之時。俱宜服此。其功甚大。非特補脾。且能開胃也。

調胃承氣湯

見前溫病門

荊防敗毒散

見前瀉痢門

蟾酥丸

蟾酥二錢酒化輕粉

銅綠枯礬寒水石膽礬乳香沒藥麝香各一錢硃砂三錢

雄黃二錢蝸牛二十一個

以上各為細末稱準。先將蝸牛研爛。同膽酥和研稠黏。再入各藥末。共搗極勻。和丸。

如菉豆大。每服三丸。開水送下。覆被取微汗。

雙解貴金丸

生大黃白芷研末。水泛為丸。每服三四錢。五更時用連鬚葱。大者三根。黃

酒一碗。煑葱爛。取酒送丸。服畢。蓋臥出汗。過二。三時。大便秘行。一。二次。立效。

此宣通攻利之劑也。濟之以葱酒。力能發汗攻下。故名雙解。凡火盛便閉之癰症。皆

可用此。

冰硼散

冰片五分。硼砂。元明粉各五錢。硃砂六分。

共研極細末。搽患處。兼搽口瘡及咽喉腫痛等症。

第二十八章 痔漏門

(一) 痔瘡

病原

久居濕熱之地。或素有濕熱。或好食辛熱炙燂之品。（如川菽胡菽辣菽等。）或縱飲無度。要皆以過熱所致。初起大便秘結。非數日不解。燥屎蘊積直腸。直腸爲燥屎熱毒所攻。漸生紅色小瘰。先痒後痛。積之既久。乃爲痔瘡。有生於肛門內者。謂之內痔。有生於肛門外者。謂之外痔。大抵年高陰虛火盛而患痔者。多爲內痔。故內痔多見虛證。外痔多見實症。有熱極迫血妄行者。則爲血痔。又有憂思恐慮。而爲痔者。謂之氣痔。

診斷

肛外突出瘰肉。狀如肉球。亦似鼠奶。卽外痔也。外痔之狀。有極怪者。有似鷄冠。有似蓮花。故有鷄冠痔蓮花痔諸名。若痔生於肛內。肛外不可見。肛邊痛癢難忍者。內痔也。好酒者貪杯卽發。疼不可忍。甚者流血。若更衣輒出清血者。血痔也。稍有憂思恐怒。立見腫痛者。氣痔也。

傳變

治療痔症。務以滋益化源爲上。若專以寒涼治火者。無不致禍。良以純服苦寒。脾胃口損。肺氣亦傷。脾肺傷損。則不特痔瘡不愈。而諸病叢起矣。又若妄用刀針。藥線繫紮。鉛丸懸墜。利剪割切。良肉受傷。反以致害。又或屢用藥紙。致瘡內四傍新肉磨成硬管。愈插愈深。遂成漏瘡痼疾。

用藥

內痔外痔形雖不同。而濕熱爲患一也。但化濕熱之毒。必假道於脾胃。肛門未必受益。易使脾胃受損。故須益後湯主之。庶幾兼顧脾胃。而有益於肛門也。或以槐

調理

角丸治之。其外治法。須分內痔外痔。內痔先用喚痔法。次以護痔散。繼以枯痔法。外痔疼者。熊胆散清之。頭大蒂小者。線結之。頭小蒂大者。治以枯痔法。血痔以清源散。梅連丸治之。氣痔則先用歸脾湯調其鬱。平日常食肺餅。荸薺。可消痔患。愈後仍須滋填精血。兼戒房勞奔走。及辛熱動風諸發物。如豬肝。蕃茹。河豚。海腥。椒酒等品。皆忌之。而尤忌飲酒。否則創愈復潰。轉成怯症。

(二)漏瘡

病原

痔瘡不治而潰。積久不愈。仍復貪飲善啖好色。漸成漏管。不能收口。乃成漏瘡。或因藥絛插入。插入致痔內四傍。磨成硬管。愈插愈固。愈固愈深。亦成漏瘡。

診斷

痔瘡成管。終年破流血水。膿穢淋漓。時發時止。脈弦絕濡者難治。滑大和柔者易治。

傳變

自愚之輩。每言漏瘡不能醫痊。以爲留此門戶。爲濕熱外滲之地。若收功完口。濕熱反無出路。殊不知腎開竅於二陰。穀道卽腎之門戶。若使終年破流血水。則真陰由此耗。正氣從此虧。能不癆瘵者幾希矣。

用藥

治漏以補中兼消四字爲大法。青龜丸最妙。去濕而不散氣。敗毒又不損血。補破於無形。填隙於有孔。退管丸。琉璃餅亦佳。

調理 愈後戒酒色至少三月。若不遵禁忌。雖有靈丹。亦難奏效。善後之法。可用完善丸。

(三) 痔漏要方淺解

益後湯 白芍藥、茯苓、山藥、薏仁、地榆、穿山甲、

治痔諸方。類以苦寒有損脾胃。此方既無損於脾胃。又有益於肛門。故前賢陳遠公推此湯爲治痔第一方。

槐角丸 槐角(黑牛胆製炒)黃芩、地榆、當歸、防風、枳殼、

此丸專治大腸火盛。腸風下血之症。

喚痔法 吸鐵磁石、草烏尖、枯礬、乾姜、

以姜汁或葱汁調塗肛門上。少頃肛自內脫出。痔瘡乃見。洗淨。四邊敷以護痔散。

護痔散 白芨、大黃、苦參、寒水石、葶豆粉、黃柏、

各等分。共研細末。熟水調塗四邊好肉上。方用枯痔法。

枯痔法 明礬、輕粉、硃砂、白砒、

先將礬入銅杓內。煨滾。次入砒末攪勻。以礬枯爲度。去火毒片時。次入輕粉、硃砂。再研極細。瓷罐收貯。每日辰午申三時。以溫湯洗淨痔上。唾津調塗。四邊好肉。須先用護痔散護住。七八日其痔自然乾黑枯盡。方上生肌藥。

熊胆散 熊胆、梅片、

研細。先將大田螺一個。用尖刀挑起螺蓋。入藥在內。放片時。待螺化出漿水。用雞翎掃痔上。頻頻用之。即愈。

線結藥線方。芫花、壁錢、白色細扣線、水一碗同煎水乾爲度。

凡外痔而頭大蒂小者。以此線結之。

清源散。黃連、槐花、地榆、人參、茯苓、白芍、白朮、車前子、葛根、白芷、穿山甲、三七根、

梅連丸。川連、烏梅、百草霜。

以上二方。均爲治血痔之要方。故用藥不外清熱止血之品。

青龜丸。烏龜、茯苓、黃芪、當歸、人參、薏仁、穿山甲、瓦松、白芷、槐米、乾黃芪、羊蹄、後爪、

朱丹溪曰。漏瘡須先服補藥。生氣血。參朮芪歸爲主。此丸重用參芪以益氣。復加去

濕敗毒之品。補中兼消。頗得治漏之奧妙。宜其久漏者服之而見效也。

退管丸。當歸、露蜂房、川連、象牙、槐花、川芎、滴乳香。

共研細末。黃蠟二兩。熔化爲丸。如梧桐子大。每服三十丸。空腹時。漏盞爐甘石煎湯

送下。其管退出。用剪翦去。亦有化爲膿血出者。忌房事、豆腐、火酒。雖愈。仍忌四十九

日。

琉璃餅。琉璃、燈、陳芥菜、螳螂殼、陳蛻皮、田螺、珍珠。

除田螺外。餘均研細。即取田螺水和藥。乘濕捏成餅。先用陳芥菜入砂鍋內煎湯。以

此湯傾入小口瓶內。對患處熱薰溫洗。洗後拭淨。將藥餅放患頂上。膏封。一日一換。痔管內仍用所存藥末。鵝毛管吹入。

完善丸

夏枯草花十兩。連翹壳五兩。甘草節五兩。金銀花四兩。

右共炒磨爲細末。以山東淨槐花一兩。熬濃汁。泛丸如菉豆大。每早空心用淡鹽湯送下三錢。若起漏三五年者。服兩料全愈。

第二十九章 寤寐門

(一)不寐虛證

病原

其因有三。一因思慮過度。心陰耗傷。神不守舍。一因憂鬱傷肝。肝火內擾。魂不歸肝。一因房勞傷腎。腎精虧耗。精不凝神。蓋以心藏神。肝藏魂。腎爲精神歸宿之所。故病因多在心肝腎也。

診斷

怔忡健忘。惺惺不寐。病在心也。多怒善驚。恍惚不寐。病在肝也。遺精頻頻。煩擾不寐。病在腎也。大病後及新產後之不得寐。多屬于虛。其病所亦不外此三也。

傳變

人生終日辛勞。全賴夜間睡眠。恢復已耗傷之精神。苟若夜不得寐。雖日日服參茸燕耳。奚益哉。故人治虛勞。以安神顧胃爲要着。詢不誣也。不睡之變。必爲癲狂。病在心者。宜天王補心丹。病在肝者。宜酸棗仁湯。或眞珠母丸。病在腎者。宜六味

用藥

調理

地黃湯加炒棗仁。丹方用酸棗仁一兩炒爲末。醇酒調服。頗有效。靈樞曰。陽氣盡。陰氣盛。蓋陽主動。陰主靜。靜則寐矣。故治虛證之不寐。多以養陰爲主。調理之法。亦當以養陰爲要也。

(二)不寐實證

病原

其因有六。一因胃有痰濁。一因胃有食積。卽經所謂胃不和則臥不安也。一因驚而心虛。痰乘虛入。一因痰熱在膽。膽氣不甯。一因水停心下。心陽不振。一因水氣上逆。肺魄不安。要之不寐實症。不外于此。

診斷

嘔噦氣悶不得寐。胃有痰濁也。腹痛脹悶不得寐。胃有食積也。譫妄不寐。病在心也。驚惕不寐。病在膽也。心悸不寐。水停心下也。喘咳不臥。水氣逆肺也。

傳變

人之安寐。全在心腎之交。一有痰濁食積之類。阻隔於中。則心不得下交于腎。腎不得上交于心。故不得寐矣。然初病實證。久病則因不寐而變虛證者。往往然也。胃有痰濁。宜靈樞半夏湯。食積宜保和丸。或承氣湯。病在心者。宜安神定志丸。病

用藥

在膽者。宜溫膽湯加棗仁。水停心下者。宜茯苓甘草湯。水氣逆肺者。宜葶藶大棗瀉肺湯。

調理

實證之不寐。雖由于食積痰飲之爲祟。然必因正氣之虛。而後邪氣乘之。脾胃虛弱。而後痰滯留積。是則補養脾胃。爲此症必不可少之善後法也。

(三)嗜臥虛證

病原

嗜臥之虛證。多屬脾陽不足。精神不振。大抵勞倦之後所患者。屬脾陽不足。大病之後所患者。屬精神不振。但亦有兼挾濕熱者。丹溪云。無濕不嗜臥。良有以也。

診斷

四肢無力。脈緩嗜臥者。陽不足也。精神痿頓。脈虛嗜臥者。精神不振也。若食入之後。輒生困倦。呵欠頻頻欲臥者。此脾虛兼挾濕熱也。

傳變

嗜臥之證。每兼飲食減少。人生以食爲日間之需要。以臥爲夜間之需要。臥多食少。是爲有夜無晝。有陰無陽。陰陽不平。勢必百病叢生矣。

用藥

脾陽不足者。宜補中益氣湯。精神不振者。宜生酸棗仁一兩爲末。茶清調服。脾虛兼挾濕熱者。宜升陽益胃湯。

調理

飲食入胃。化生氣血。氣血充足。精神乃振。故古人治嗜臥之虛證。皆以調補脾胃爲主。由此推之。則病後調理之法。亦當以注重脾胃爲要也。

(四)嗜臥實證

病原

其因有四。一因濕邪鬱遏。陽氣不伸。一因心肝火熾。亂其神明。一因少陰之溫邪內發。心神不清。一因少陰之寒邪內盛。陽氣不振。除此四者之外。又有腸胃大而

皮膚濇者。亦多臥。非病也。

診斷

脈緩苔膩。肢倦體重者。濕也。脈數苔黃。壯熱昏睡者。火也。脈浮身熱。鼻鼾多睡者。

傳變 溫邪從少陰而發出也。脈微細但欲寐者。寒傷少陰也。嗜臥之實證。皆屬外來之邪。蒙蔽神明所致。苟不急去其邪。勢必昏睡不醒。故為醫者。治療此症。當用急療之法。不可緩也。

用藥 濕邪鬱遏者。宜平胃散。心肝火熾者。宜牛黃清心丸。少陰溫邪內發者。宜黃芩湯。少陰寒邪內盛者。宜四逆湯。

調理 此證調理之法。不宜拘一。當察其所因。去其所病。如有濕者。宜健脾以化餘濕。有熱者。宜養陰以清餘熱。各隨其所宜而調理之可也。

(五)寤寐要方淺解

茯苓甘草湯 茯苓 桂枝 甘草 生姜

此治心陽不振。水停心下。以致心悸不寐之主方。桂枝振心陽。茯苓化水飲。生姜佐桂枝以通陽。甘草佐茯苓化水。凡此類不寐之證。必當用此治法。不得妄用補血安

神之品。臨證者。其慎諸。

酸棗仁湯 酸棗仁 甘草 知母 茯苓

人寤則魂寓于目。寐則魂藏于肝。肝陰不足。痰火乘之。則不得眠矣。故用棗仁以養肝陰。知母清火。茯苓化痰。佐以甘草之和緩。以和諸藥。使以川芎之辛竄。以達肝經。皆所以求肝之治。而宅其魂也。

珍珠母丸

珍珠母、當歸身、熟地黃、人參、棗仁、柏子仁、犀角屑、茯神、沉香、龍齒

前方治肝陰不足。痰火乘之之症。其病乃在肝也。此方治肝陰不足。肝陽上擾。心神腦髓。皆不得安之症。其病較爲複雜。故用藥亦較複雜也。余治不寐虛證。常以此二方加減施用。頗多奇效。

天王補心丹

生地、丹參、當歸、人參、茯神、甘草、五味子、柏子仁、酸棗仁、遠志肉、元參、天冬、麥冬、桔梗

心主血而藏神。故以生地、丹參、當歸補養心血。五味斂心神。柏子益心神。棗仁安心神。元參、二冬清血中之虛火。而安心神之浮越。桔梗載藥上浮。而歸于心。遠志化痰而通心氣。藥味雖多。無不絲絲入扣。實爲仲景之後。不可多得之良方。惟托言天王所傳。未免近于荒謬也。

六味地黃丸
靈樞半夏湯

見前吐衄門
半夏秫米

此爲治胃有痰濁不得臥之良方。方中以半夏化痰。秫米化濁。痰濁一化。則胃氣和而臥立至矣。

保和丸

山查、神麩、茯苓、半夏、陳皮、萊菔子、連翹、麥芽

此爲和胃消食之要方。山查消肉積。神麩消飯積。萊菔子制麩毒而攻痰積。麥芽消

穀食而軟堅積。傷食必兼乎濕。茯苓補脾而滲濕。積久必鬱為熱。連翹散結而清熱。半夏和胃化痰。陳皮調中理氣。氣行則食積自行。痰化則食滯自動矣。

承氣湯 見前溫病門

此二方為消滯攻積之方。非治不寐之正方。然積滯于中。黃婆失媒介之職。心腎不得交通。去其積滯。即所以安其寐也。

安神定志丸 人參、白朮、茯苓、茯神、菖蒲、遠志、麥冬、棗仁、牛黃、硃砂

此係沈氏遵生方。方中以參朮二茯健脾化痰。麥冬棗仁清心安神。遠志化痰而通心氣。牛黃化痰而清心神。菖蒲開心竅。硃砂安心神。立方之意頗佳。但方中白朮性味溫燥。宜去白朮加川貝龍齒之類。則更佳矣。

溫膽湯 見要方補遺

葶藶大棗瀉肺湯 見前哮喘門

補中益氣湯 見前中風門

升陽益胃湯 黃芪、人參、甘草、半夏、白芍、羌活、獨活、防風、陳皮、白朮、茯苓、澤瀉、柴胡、黃連

陽氣不振則倦怠思臥。故用參芪柴胡補陽升陽。陽氣不振則濕熱乘之。故用風藥散濕。淡藥滲濕。白芍黃連和榮而清熱。陳皮半夏和胃而化痰。但此方惟陽虛者宜之。陰虛者忌用。

平胃散 牛黃清心丸 見前溫病門
黃芩湯 見前傷寒門
四逆湯 見前霍亂門

第四十章 痧疹門

(一) 正痧

病原 凡第一次發痧子者。無論大人小兒。皆爲正痧。由于內伏先天之胎毒。外感天行

之時氣。相觸而發。與痘略相似也。

診斷 初起寒熱咳嗽。胸悶泛噁。鼻流清涕。眼淚汪汪。或作噴嚏。或作鼻煽。三四日發出

細紅之點。七日遍身發齊。八九日後痧子漸回。身熱漸退。諸恙漸減。

傳變 痧子以發透爲吉。否則痧毒留中變五證。歸脾則泄瀉不止。歸心則煩熱神昏。歸

肝則驚惕抽搐。歸肺則咳嗽血出。歸腎則牙疔腐爛。

用藥 初起宜加減銀翹散。熱盛者宜清疹湯。痧子不出而氣喘者。宜麻杏石甘湯。痧子

已出而神昏者。宜涼營清氣湯。

調理 痧後無論有病與否。皆當服清熱解毒藥二三劑。以清未盡之餘毒。否則必變瘡

毒牙疔等症。先哲所謂去疾務盡之意。不可忽也。

(二) 風痧

病原

曾經發過正痧復發痧子者爲風痧。由于伏溫溼熱內蘊。風寒之邪外束。鬱于太陰陽明兩經。邪從血絡而外出者也。

診斷

初起寒熱骨痛。外熱極重。裏熱不甚。或有咳嗽。亦不甚重。胸悶泛噁。舌苔薄膩。二三日見點者輕。四五日見點者重。朝出晚退。子出午收。收而復發。出沒無定。

傳變

此證每與傷寒、傷風、風溫、溼溫等同發。其傳變亦與傷寒等同。故風痧變證。可仿傷寒溫病同治也。

用藥

初起宜荊防敗毒散。外用胡荽酒。又以苧麻醮酒遍身搽之。務令汗出痧透爲要。着其餘夾雜之症。須汗出之後。隨證治之。

調理

風痧之後。惟咳嗽最不易止。宜用前胡牛蒡象貝之類。宣肺祛風而化痰熱。慎不可妄用補品。以致補住邪氣。遺害無窮。

(三) 疳痧

病原

此證多發于小兒。因小兒腠理空疎。風熱毒邪從表襲入。挾內蘊之胎毒。與血相搏所致。是卽痧子挾丹毒之類也。

診斷

初起壯熱煩躁。甚則驚搐不甯。次則紅暈發于肌表。漸次紅點成片。先發一處。漸及遍身。痛痒交作。非常難忍。舌絳苔黃。脈象洪大而數。

傳變 經言火鬱則發之。熱實則下。惟此證表裏俱熱。過表則火勢焰張。過下則邪乘虛

入。皆有神昏譫語。痙厥直視之變。用藥之際。切宜加意謹慎焉。

用藥

初起宜清疹湯。次服清瘟敗毒飲。若大便秘者。可加大黃三四分。但不宜重用攻

下之藥。蓋此爲無形之邪。下之反傷正氣。有邪乘虛入之虞。

調理

調理之法。仍宜仿清瘟敗毒飲之意。減輕石膏及苦寒之藥。滋陰清榮爲主。或用

六味地黃湯。壯水之主。以制陽光。

(四) 喉痧

病原

疫癘之邪。從口鼻而入。寒邪束于肌表。疫毒鬱于肺胃。厥少之火。乘勢上亢。咽喉

爲厥少之道路。肺胃之門戶。故發喉痧。

診斷

初起寒熱煩躁。咳嗽嘔噦。咽喉腫痛腐爛。舌苔或白或黃膩。此邪鬱于氣分也。甚

則壯熱口渴。神昏譫語。舌絳唇焦。此熱入血分也。

傳變

此證爲最劇之急性傳染病。沿門闔境。老幼相似。竟有朝發夕斃。夕發朝亡者。大

抵汗不出。痧不透。聲啞氣急。痧出神昏者多死。

用藥

初起邪鬱在氣分者。宜解肌透痧湯。重則麻杏石甘湯。痧未透而熱已入血者。宜

加減黑膏湯。痧已佈而熱入血分者。宜涼營清氣湯。

調理

疫癘之邪。非虛不入。厥少之火。非虛不亢。其虛之本。端在腎陰。陰虛于下。火亢于

上。疫邪得以乘隙而入。故此證善後。當主養陰。

(五) 痧疹要方淺解

加減銀翹散(自製)

連翹、銀花、荊芥、薄荷、前胡、牛蒡、杏仁、象貝、蟬衣、竹茹、蘆根、葶薺芽

此方治小兒痧疹初起。以銀翹散加減。所以不用豆豉、桔梗、甘草者。恐助噁心氣喘也。連翹清解痧火。銀花清解胎火。佐以疎表宣肺化痰清熱之品。用藥雖輕。取效頗速。蓋治表治肺之藥。貴乎輕清。若雜一味沉降之藥。則反受牽制。而失其透發痧子之效矣。

清疹湯

生石膏、知母、羚羊角、金線重樓、薄荷葉、連翹、蟬衣、殭蠶、鮮蘆根、

此方爲張錫純先生所定。專治小兒出疹。表裏俱熱。或煩躁渴飲。或喉痛聲啞。或咳嗽氣喘等症。方用薄荷、蟬衣、殭蠶、連翹、解肌透痧。尤妙在用石膏、羚羊角。既能清熱。又能透發痧疹。金線重樓一名蚤休。一名草河車。善清熱毒。凡痧疹初起。熱輕者用前方。熱重者用此方。無不奇效。

麻杏石甘湯

見前咳嗽門

涼營清氣湯

犀角尖、鮮石斛、黑山梔、牡丹皮、鮮生地、薄荷葉、川雅連、京赤芍、京元參、生

石膏、生甘草、連翹壳、鮮竹葉、茺蘆根、金汁

如痰多加竹瀝一兩。沖服珠黃散。每日二分。

此方爲業師丁甘仁夫子所定。專治痧疹雖佈。壯熱煩躁。渴欲冷飲。甚則譫語妄言。咽喉腫痛腐爛。脉洪數。舌紅絳。或黑糙無津之重症。用大隊清榮生津之藥。妙在仍用薄荷透表。石膏清氣。蓋熱邪由氣而漸入于榮。仍冀其由榮而漸出于氣。由氣而透出于表也。

荆防敗毒散 見前瀉痢門

清瘟敗毒飲 生石膏、小生地、烏犀角、真川連、梔子、桔梗、黃芩、知母、赤芍、元參、連翹、丹皮、

甘草、鮮竹葉、

此方爲吾師用治熱疫之主劑。氣血兩清。滋降並施。詢屬清瘟解毒之良方。痧疹亦係熱疫之類。故可借用。且余常以此方治溫病熱入血分之證。亦多有效。

解肌透痧湯 荆芥、蟬衣、射干、馬勃、薄荷、甘草、桔梗、牛蒡、前胡、連翹、僵蠶、豆豉、竹茹、紫背

浮萍、

如嘔吐甚。舌白膩。加玉樞丹四分。沖服。

加減黑膏湯 淡豆豉、鮮生地、鮮石斛、生石膏、薄荷葉、連翹壳、炙姜蠶、京赤芍、淨蟬衣、象

貝母、生甘草、浮萍草、鮮竹葉、茆蘆根、

此二方俱係業師丁甘仁夫子所定。前方治痧疹初起。寒熱咳嗽。咽喉腫痛。遍體痠痛。煩悶泛噁等症。後方治痧疹佈而不透。發熱無汗。咽喉紅腫。焮痛白腐。口渴煩躁。

舌紅絳起刺。或黑糙無津之重症。按法用之。均有神效。

第四十一章 疳積門

(一) 脾疳

病原

小兒脾胃薄弱。易於受傷。若乳食不節。肥甘過度。脾胃損傷。則脾疳成矣。且脾虛生濕。積濕生蟲。故脾疳多兼蟲積也。

診斷

面黃肌瘦。懶食喜睡。腹膨便瀉。或兼腫脹。或面色時紅時白。口溢清涎。腹脹且痛。煩躁多啼。

傳變

若至羸瘦如柴。吐食吐蟲。心煩口渴。頭骨開張。日晡蒸熱。便泄無度。此為脾胃已敗。疳熱熾盛。攻補兩難。不可救矣。

用藥

初起者。宜先攻其積。消疳理脾湯主之。日久者。宜攻補兼施。肥兒丸主之。蟲積宜使君子散。疳瀉宜清熱和中湯。腫脹宜御苑勻氣散。

調理

書云。壯人無積。虛則有之。是則患疳積者。其本必虛。積消蟲去之後。宜繼以參苓白朮散。調補其脾。

(二) 肝疳

病原

小兒七情簡單。惟啼哭易動肝火。肝火挾肥甘之濕熱。蘊結為患。則肝疳成矣。肝

診斷

氣通于目。肝疳之熱上攻於眼。則爲眼疳。面黃筋露。臍腹脹大。眼生眵淚。耳流濃水。燥渴煩急。糞青如苔。或兼兩目紅痛。白

翳遮睛。眼邊爛癢。流淚羞明。

傳變

疳火上攻於眼。若日久失治。多致兩目失明。甚者上攻於腦。以致昏厥。宜珍珠散主之。或可挽救於萬一耳。

用藥

初起宜柴胡清肝散清其熱。蘆薈肥兒丸攻其積。眼疳先用瀉汗散清解之。再用清熱退翳湯消其翳。眼疳外治之法。參前目疾門。

調理

若病勢消退。宜用抑肝扶脾湯調理之。目疾久而不瘥者。亦宜調補。用羊肝散主之。

(三) 心疳

病原

先天胎毒之火。後天肥甘之火。兩火蘊于血分。心主血。心火熾盛。則心疳成矣。挾濕熱上蒸。則爲口疳。挾驚氣入心。則爲驚疳。

診斷

面紅舌絳。煩熱口渴。小洩紅赤。或兼口舌生瘡者爲口疳。或兼咬牙弄舌驚惕啼哭者爲驚疳。

傳變

心爲君主之官。不宜受病。故心經之疳。爲病最重。變化甚速。倘若治之略緩。卽有昏厥之變。不可不急急施治也。

用藥

心疖及口疖。皆宜瀉心導赤湯主之。熱盛兼驚者。宜珍珠散主之。病久心虛者。宜茯神湯主之。口疖外治法。宜中白散。參前口齒門。

調理

病後調理之法。當以補養心脾爲主。宜茯神湯主之。蓋心血生于脾。脾爲心之子。子能令母實也。

(四)肺疖

病原

大人傷風不已。則成肺癆。小兒傷風不已。則爲肺疖。伏風痰熱戀肺。清肅之令不行。或挾濕熱上蒸。則爲鼻疖。蓋鼻爲肺之竅也。

診斷

面色白。槁。皮上生粟。肌膚乾燥。憎寒發熱。咳嗽氣急。或兼鼻根生瘡。鼻孔癢痛者。則爲鼻疖。

傳變

此病傳變。與大人之肺癆相同。若至形肉瘦削。大便泄瀉。是爲肺病傳脾。不可救矣。

用藥

初宜仿外感傷風之治法。疎解外邪爲主。佐以化痰。日久肺虛者。宜補肺阿膠湯主之。參用治大人肺癆之法。

調理

肺疖愈後。當以培補脾胃爲主。蓋脾爲肺之母。土旺金生。則肺病自能斷根矣。

(五)腎疖

病原

先因腎氣不足。解頤鶴膝齒遲行遲等症。更因肥甘失節。濕熱內蘊。則腎疖成矣。

或上攻齒牙。則爲牙疳。面色黧黑。齒縫出血。中氣臭。足冷如冰。腹痛泄瀉。啼哭不已。或兼牙疳腐爛。齧肉

腫痛。蓋齒屬腎。故牙疳亦屬腎。牙疳一症。傳變最速。古人有走馬看牙疳之喻。若至穿腮破唇。牙枯齒落。飲食減

少。雖有扁鵲。難爲力矣。

用藥 先宜金蟾丸治其疳。繼用九味地黃丸補之。牙疳內服蘆薈消疳飲。外搽中白散。

重者宜搽丁氏走馬牙疳散。

調理 此證治愈之後。最易復發。惟在調理得宜。如鵝蟹甜辣等物。俱當禁忌。若稍有疎

忽。必致復發。慎之慎之。

(六)疳積要方淺解

消疳理脾湯 蕪荑 三稜 莪朮 青皮 陳皮 蘆薈 檳榔 使君子 肉 生甘草 川黃連 胡黃連 麥

芽 神麩

是方用藥峻猛。專主攻積。惟初起形證俱實者。方可暫用。否則宜慎之。

肥兒丸 人參 白朮 茯苓 甘草 川黃連 胡黃連 使君子 肉 神麩 麥芽 查肉 蘆薈

脾虛疳積。當以脾虛爲本。疳積爲標。是方以四君補脾。餘藥攻積。標本兼治。攻補並

施。攻積而不傷正。積去脾旺。氣血滋生。則小兒因脾積而羸瘦者。必能漸至肥大。方

名肥兒。不亦宜乎。

使君子散 使君子肉、苦楝子、白蕪荑、甘草。

使君子苦楝蕪荑皆殺蟲之藥也。和以甘草之甘。引蟲來食而殺之。誠妙法也。且甘草能補脾。使殺蟲而不傷正。較之方書化蟲丸等。專主攻伐者。頗有霄壤之異。余治蟲積用此。每獲奇效。惟必須空腹服之。服後三小時內。禁食雜物。

清熱和中丸 白朮、陳皮、厚朴、赤苓、甘草、黃連、澤瀉、神麩、麥芽、使君子肉。

是方主治疳積泄瀉。以朮草補脾。陳朴化濕。苓澤滲濕。黃連清疳熱。使君麩麥消疳積。立方甚為周到。

御苑勻氣散 桑皮、桔梗、赤苓、甘草、藿香、陳皮、木通、薑皮。

疳積腫脹之病。由於脾肺虛弱。水濕不化。脾主濕。肺主氣。氣不順。則水濕泛濫而為腫脹矣。故用桑皮桔梗清肅肺氣。陳皮藿香宣通氣機。薑皮辛溫助陽而化濕。通苓淡味滲泄以利濕。佐以甘草調和諸藥。兼顧脾土。立方之意甚善。

參苓白朮散 見前驚風門

柴胡清肝散 銀柴胡、炒山梔、連翹、殼、生地黃、胡黃連、赤芍、龍胆草、青皮、甘草、引用燈心

竹葉

肝疳初起。宜用此方。惟柴胡龍膽藥性太猛。如症未重者。可改用桑葉菊花。若納穀

不旺者。生地宜改用元參。庶幾盡善。
蘆薈肥兒丸。五穀蟲蘆薈胡黃連川黃連銀柴胡扁豆山藥山查蝦蟆豆蔻檳榔使君

肉神麩麥芽鶴虱蕪荑硃砂麝香

瀉肝散。是方彙集殺蟲攻積之藥。非常峻猛。雖有山藥補脾。然終非形證俱實者。不可輕用。
生地當歸赤芍川芎連翹梔子龍胆草大黃羌活防風生甘草

疳火上攻於眼。眼為肝之竅。故用四物養肝陰。梔胆清肝熱。用羌活防風者。火鬱發
之之義也。用大黃者。實火瀉之之義也。

清熱退翳湯。梔子胡黃連木賊草生地黃羚羊角龍胆草銀柴胡蟬蛻赤芍甘草菊花

蒺藜燈心

抑肝扶脾湯。此眼科退翳之良方也。非特眼疳有效。即各種眼症。加減用之。均有效也。
四君子湯加銀柴胡青皮黃連白芥子龍胆草山查神麩甘草

此肝疳瘥後之調理方也。宜隨症加減用之。不可拘執此方。所謂神明變化。在乎其
人也。

羊肝散。青羊肝人參羌活白朮蛤粉

羊肝善清肝熱。治目疾尤為妙品。佐以蛤粉之鹹。以降火下行。羌活之升。以引藥上
行。合以參朮補脾。蓋土旺則木火自潛矣。

瀉心導赤散 見前五淋門

珍珠散 珍珠、麥芽、麥冬、天竺、黃金箔、牛黃、胡黃連、生甘草、羚羊角、大黃、當歸、硃砂、雄黃、

茯神犀角

此治疳火上攻於腦。及疳積兼驚之方也。大黃、胡連瀉疳積。珍珠、金箔鎮心神。竺黃、

牛黃化痰。犀角、羚羊清熱。所用之藥。俱係大將。蓋其病甚重。非大將不能禦大敵也。

茯神湯 茯神、當歸、甘草、人參、引用龍眼肉

此治心疳虛證之方也。心血生於脾。脾為心之子。子能令母實。故用參草、茯神、補脾

為主。當歸、龍眼補心血為佐。蓋即歸脾湯之意也。

中白散 丁氏走馬牙疳散 蘆薈消疳飲 俱見前口齒門

補肺阿膠湯 見前咳嗽門

金蟾丸 乾蝦蟆、胡黃連、川連、鶴虱、肉果、苦楝根、白皮、雷丸、蘆薈、蕪荑

此方治腎疳初起。先治其標之法。腎疳之本。由於腎虛。腎疳之標。由於疳積。疳積在

胃。其道近。虛弱在腎。其道遠。故非先治其胃不可也。

九味地黃丸 即六味地黃丸加當歸、川連、使君子

腎疳先用前方之後。病勢稍退。急宜繼進此方。治其腎虛之本。加當歸者。養腎之子。

使子實不盜母氣也。加川連使君者。兼顧疳積。標本同治也。

第四十二章 癰疽門

(一) 癰症未潰

病原 外受風熱。內蘊火毒。榮衛不從。逆於肉理。乃生癰腫。癰者壅也。其性屬陽。陽氣輕清而浮。故其發甚暴也。

診斷 憎寒壯熱。口渴脈數。外症焮熱紅赤。高腫疼痛。七日癰成。漸漸生膿。至十四日。則膿已成熟矣。

傳變 其人身體虛弱者。若火毒熾盛。失於清解。必致內攻於心。大渴煩躁。噁心嘔吐。雖方書有救治之法。然終難救也。

用藥 初起宜服仙方活命飲。若大便閉者。宜內疎黃連湯。七日之後。宜服託裏消毒散。外敷如意金黃散。或貼腦砂膏。

調理 服仙方活命飲之後。若癰腫漸消。仍當繼續接服清熱敗毒之藥。勿以小效而忽之。恐貽他患也。

(二) 癰症已潰

病原 邪氣稽於肉脈之中。榮衛壅塞不通。不通則熱。熱勝則肉腐。肉腐則爲膿。十四日膿已成熟。可針而潰。或俟其自潰。

診斷

潰後先出黃白稠膿。次出桃花膿。再次出淡紅水。痛隨膿出而減。四圍殭塊漸消。腐肉漸脫。新肉漸生。此爲漸愈之象。

傳變

若膿已出。而身熱反甚者。此爲壞症。蓋癰之得膿。如傷寒之得汗。汗出而反大熱者。壞傷寒也。膿出而身猶大熱者。壞瘍症也。

用藥

內服託裏排毒湯。外滲九寶丹及九黃丹。用太乙膏蓋之。膿水漸少。新肉漸生。搽生肌玉紅膏。

調理

潰後須謹避風寒。新肉初生。須謹戒房事。忌食辛辣發物。服藥宜調理脾胃。蓋脾胃爲生化之源也。

(二) 疽症未潰

病原

外受風寒。內蘊痰濕。榮衛不從。結於筋骨之間。乃成爲疽。疽者沮也。其性屬陰。陰血重濁而沉。故其發甚緩也。

診斷

初起狀如粟米。不紅不腫。木硬不痛。色黯無光。瘡根散漫。不易成膿。甚至有半年一載而始成膿者。

傳變

疽屬陰。其毒發於五臟。每易反攻於內。致現神昏驚悸。氣喘便溏。囊縮等敗證。敗證既現。多致不救。

用藥

此證初起。先當灸之。灸畢以熱水洗之。洗畢貼陽和膏。或敷沖和散。內服陽和湯。

十四日後服神功內託散。

調理 初起之時依法消之散之。若已消散宜繼續接服溫補和榮之劑。隨症調理不可忽也。

(四) 疽症已潰

病原 風寒痰濕之邪蘊結於筋骨之間榮衛不通氣血凝泣漸化爲膿膿成而潰然疽

症陽盛陰衰不易自潰多須用針潰之也。

診斷 外皮堅硬不易潰腐潰後膿水清稀臭穢不堪或空倉無膿生衣如甲葉不脫孔

中結子如花含子之狀頗難速愈。

傳變 若膿出如粉漿如污水者謂之敗漿氣血大虧不治之證也。若生於胸腹之間潰

穿內膜亦屬不治或生於四肢骨節之間腐筋蝕骨多屬難治。

用藥 已潰之後宜服十全大補湯若大便溏者宜託裏建中湯外滲呼膿散九黃丹膿

水漸少者用補天丹均以陽和膏蓋之。

調理 此證雖已肌肉長平猶宜加意小心切不可犯房事否則變幻莫測瘡口復爛或

虛脫暴變命必危亡也。

(五) 癰疽要方淺解

仙方活命飲 穿山甲皂刺歸尾赤芍乳香沒藥防風白芷花粉貝母銀花生草節陳皮

酒煎

癰症未潰之先皆可用此方治之。未成者散。已成者潰。若已潰後不可用此。醫宗金鑑謂此方能化膿生肌不可信也。

內疎黃連湯

黃連黃芩連翹山梔薄荷桔梗當歸白芍木香檳榔大黃

是方主治癰疽陽毒在裏壯熱便秘等證。但方內白芍宜易赤芍。再加銀花。庶較妥善。

託裏消毒散

皂刺銀花甘草桔梗白芷川芎黃芪當歸白芍白朮人參茯苓

此方以參苓朮著補脾益氣川芎歸芍養血和榮。桔梗白芷排膿。銀花甘草解毒。皂刺直達病所。使其穿潰。凡癰疽已成血氣不足不易成膿破潰者宜服此方補託之。如意金黃散 南星陳皮蒼朮各二斤黃蘗大黃薑黃白芷各五斤花粉十斤厚朴甘草各二斤

右藥共研細末。凡遇癰症紅赤腫痛未成膿者。及夏月之時。俱用茶清同蜜調敷。如欲作膿者。用葱湯同蜜調敷。如漫腫無頭皮色不變者。用葱酒調敷。如熱毒甚者。用大藍根葉搗汁加蜜少許調敷。皮膚破爛者。用麻油調敷。此散為敷治癰疽未潰之主方。然惟陽症為最宜。用者注意之。

腦砂膏

麻油十斤山梔子六百個穿山甲六兩童子髮四兩鹽水炒焦槐杏桑柳桃嫩

枝各三尺浸三日煎枯去滓納飛黃丹八十兩收成膏微溫入後細料沉香二兩兒茶二兩血竭三兩琥珀一兩象皮一兩切片微炒梅片五錢麝香五錢腦砂四兩共研細末和透候膏微溫和入此藥不住手攪勻臨用時水燉化忌火因腦砂見火力薄故也。

此膏主治一切無名腫毒有名大毒未成者消已成者潰拔毒收口洵屬良方惟疔瘡忌用恐走黃也。

託裏排膿湯

當歸白芍人參白朮茯苓連翹銀花貝母生黃芪陳皮肉桂桔梗牛膝白芷甘草

此方爲癰疽潰後排膿消腫之主方但須加減施用如瘡在上部宜去牛膝在下部者宜去桔梗熱盛者宜去肉桂陳皮寒盛者宜去連翹銀花更須隨其兼症而加味不可拘執此方而不知化裁也。

九寶丹

帶子蜂房煨研大黃各三錢白螺螄壳煨研辰砂血竭乳沒各二錢兒茶一錢冰片二分研末

此方呼膿定痛收口生肌爲潰後主治之良藥。

九黃丹

乳沒川貝雄黃各二錢升丹三錢辰砂一錢月石二錢冰片三分石膏六錢煨共研細末

此方提膿拔毒。去瘀化腐。爲潰後提毒之上品。

太乙膏

麻油一斤。桐油一斤。血餘一兩。先將麻油入鍋內煎數沸。再入桐油。血餘。烱化。

下淨飛黃丹十二兩。以柳木棍攪之。不住手。用文武火收膏。須老嫩得中。置冷水內。出火毒。置磁器內。用時隔水燉烱。攤膏。

是膏治一切癰疽。不論已潰未潰者。內滲末藥。外以此膏蓋之。

生肌紅膏

當歸二兩。白芷五錢。甘草二錢。紫草二錢。用麻油一斤。入藥。浸三日。熬枯。

去滓。入白占二兩。烱化。再入血竭。掃盆。輕粉各四錢。攪透。磁器收貯。

此膏治癰疽發背。諸般潰爛。棒毒等瘡。用在已潰流膿之時。先用甘草湯。甚者用猪蹄湯。淋洗患處。輒絹搥淨。用振壩挑膏於掌中。捺化。遍搽新肉上。外以太乙膏蓋之。

新肉卽生。瘡口自斂。此外科收功藥中之神藥也。

陽和膏

鮮紫蘇。鮮薄荷。鮮蒼耳。鮮牛蒡。鮮葶麻。鮮白鳳仙。鮮青葱。連根葉各八兩。以上

七味洗淨。陰乾。用麻油十斤。浸七日。煎枯。去滓。候冷。再入後藥。荊芥。防風。草烏。川烏。

川附子。當歸。連翹。姜蠶。川山甲。蒲公英。桂枝。南星。芥子。官桂。大黃。白斂。烏藥。生半夏。

陳皮。青木香。赤芍。川芎。白芷。水紅花子。廣木香。天麻。青皮各一兩。以上諸藥入煎。油

浸三日。去滓。濾清。每淨油一斤。入炒桃丹七兩。文火收膏。後入細料。于微溫時放入。

上肉桂三兩。乳香一兩。沒藥一兩。丁香油四兩。蘇合香油四兩。芸香二兩。琥珀二兩。

當門子三兩、共研細末、緩緩加入攪之、和透、置穀器內、用時隔水燉、攤膏、修合宜、於夏令必須熬老、如已太老、再加蘇合香油可也。

沖和散 紫荊皮五兩、獨活三兩、白芷三兩、赤芍二兩、石菖蒲一兩半、研細末、葱汁蜜酒

調敷

以上二方皆治陰疽外用之要方。余常借治寒痺及跌傷骨痛亦甚有效。

陽和湯 熟地一兩、麻黃五分、肉桂一錢、鹿角膠三錢、姜炭五分、白芥子二錢、炒研、生甘

草一錢、土貝母五錢

諸疽白陷。乃氣血虛寒凝滯所致。陽和一轉。則凝結之毒。自能化解。血虛不能化毒者。尤宜溫補化膿。猶之造酒不煖。何以釀成。造飯無火。何以煑熟。故用熟地、姜、桂、鹿角以溫補之。然溫補而不開通。則寒凝之毒。何從覓路行消。故用土貝、白芥子消皮

裏膜外之痰。麻黃開腠理。使其毒有出路也。

神功內託散 人參、附子、黃芪、白朮、茯苓、川芎、歸身、白芍、陳皮、木香、川山甲、

此方治陰疽日久不腫不紅。不易腐潰。用此溫補託裏之法。助其氣血。使其易化膿

也。

十全大補湯 見要方補遺

託裏建中湯 人參、白朮、茯苓、泡姜、甘草、熟附子、

呼。膿。散。此方治陰疽潰後。脾陽衰弱。納少便溏等症。卽附子理中湯之變方也。
乳沒各五錢。姜蠶四錢。雄黃一錢半。大黃一兩。研末。

此爲癰疽潰後。去腐定痛。提毒呼膿之良方。

補。天。丹。麥飯石醋煨七次。四兩。鹿角煨存性。四兩。白斂二兩。研末。

此藥功專提毒長肉。用於陰症最宜。但不可早用。恐其長肉太早。內毒不清也。

要方補遺

四。物。湯。當歸。生地。芍藥。芎藭。

此爲肝經調血之主劑。當歸甘溫和血。川芎辛溫活血。芍藥酸寒斂血。地黃甘平補血。四物具生長收藏之用。故能使榮氣安行經隧也。若血虛加參耆。血結加桃仁。紅花。血閉加大黃。芒硝。血寒加桂附。血熱加芩連。欲行血去芍。欲止血去芎。隨所利而行之。莫不奏效如神。

四。君。子。湯。人參。白朮。茯苓。甘草。

此爲補氣之要劑。凡因氣虛者均宜之。或曰。何以知其爲氣虛。曰。面色痿白。則望之而知其氣虛矣。言語輕微。則聞之而知其氣虛矣。四肢無力。則問之而知其氣虛矣。脈來虛弱。則切之而知其氣虛矣。此方所用四藥。皆屬甘溫。甘得中之味。溫得中之

氣猶之不偏不倚之人。故名君子。
八珍湯 卽四物湯合四君子湯。

十全大補湯 卽八珍湯加黃芪、肉桂。
四君補氣。四物養血。氣血雙培。補中有瀉。前人論之詳矣。凡血虛氣弱者。服之最宜。

黃芪助陽固衛。肉桂引火歸原。合八珍同用。於氣血雙補中。復有益火助陽之力。惟

素體虛寒者宜之。

小建中湯 白芍、桂枝、炙草、生薑、大棗、飴糖。加黃芪名黃芪建中湯。

脾胃喜甘。爲生化氣血之源。中虛者必進甘藥。此方卽桂枝湯加重白芍。再加飴糖。

合辛甘酸之品。而成補榮氣之功。其妙不可思議。金匱治虛勞。每用此法。

逍遙散 當歸、白芍、柴胡、薄荷、白朮、炙草、雲苓、生薑。加山梔、丹皮。謂之加味逍遙散。

歸芍養血。苓朮炙草運脾。柴胡薄荷疏肝解鬱。治肝鬱症爲婦科中聖方。內熱重用。

加味逍遙。尤爲合拍。

溫膽湯 卽二陳湯加竹茹、枳實。

竹茹止嘔逆。枳實攻熱痰。二陳湯爲治痰之主要方。加此二味。治惡阻之挾熱痰者。

再加理氣和榮之品。頗爲相宜。

桃仁承氣湯 桃仁、桂枝、大黃、芒硝、甘草。

硝黃草爲調胃承氣。今加桃仁桂枝。一易而爲去瘀通經之藥。破血而用甘辛之桂枝。具溫通流動之意。兼有炙草和中。又何慮乎猛烈。唯氣血虛者慎用。

犀角地黃湯。犀角生地白芍丹皮。

犀角大寒。合生地之寒涼。解胃熱而清心火。芍藥酸寒。丹皮苦寒。寒能清熱。舉凡內熱。熱火炎者。可以蕩滌而平。吐衄多由于肝火之上衝。故宜此法。

當歸六黃湯。當歸生地黃熟地黃黃柏黃芩黃連黃芪。

此方治血虛盜汗。內熱晡熱者。故用當歸以養液。二地以滋陰。令陰液得其養也。用黃芩瀉上焦火。黃連瀉中焦火。黃柏瀉下焦火。令三火得其平也。又於諸寒藥中加黃芪。庸者不知。以爲贅品。且謂陽盛者不宜。抑知其妙正在於斯耶。蓋陽爭於陰。汗出榮虛。則衛亦隨之而虛。故培加黃芪者。一以完已虛之表。一以固未定之陰也。